

Литература Дагъистан

16+


Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

“Работайте, братья...”



**МяхІяммад
НурбяхІяндов**





Шакала хъали

Гьалмагъдеш

ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Правительство Республики Дагестан.

РУКОВОДИТЕЛЬЛА КЪУЛЛУКЪУНИ ДУЗАХЪУСИ
Мурад ГИЯХИМАДОВ

ЖАВАБЛА СЕКРЕТАРЬ
Т. ЗУРГЪАЛОВА

РЕДАКЦИЯЛА КОЛЛЕГИЯ
XI. Къурбанов (журналла редактор)
Къ. Мигърабов
М. Хиямидов
Т.Сягидов

ЖАМИГИЯТЛА СОВЕТ
А. Гябдулманапова
М. Хияжиев
И. Ибрагъимов
Ш. Мяхияммадов
Х. Хиябикова
Х. Юсупов
И. Мяхияммадов

5
2016
сентябрь- октябрь

Кел бази гъачам
дурабулхъан

Выходит один раз в два месяца

1952 ибил дуслизиб
аклахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:

П О Э З И Я

Расул ХІЯМЗАТОВ. Цуба кьургъи.....	3
Имин МЯХІЯММАДОВ. Дудешличи хІерли.....	4

П Р О З А

Кьасум-Бег МИГЪРАБОВ. Шахли дигубти кьар.....	9
Хадижат ХІЯБИБОВА. Дигай - гІяжаибси цІакь.....	25
Ибрагьим ИБРАГЪИМОВ. ЦІализиб ва хІилизиб.....	37
Амир-Гъази. Унруби.....	50

ГЪАЛМАГЪУНИ ГЪАНБИРКАХЪУЛИ

Аминат ГІЯБДУЛМАНАПОВА. Хебилшан зубари.....	61
Гъанбикуназив мицІирлири.....	64

П О Э З И Я

МяхІяммад ТАХСУРМАНОВ. Гилмула ва адамдешла дяхІимцІала.....	66
Тавсултан СЯГИДОВ. Рабдура синкара.....	70

АДАМ ВА ТІАБИГІЯТ

Ибрагьимхалил МЯХІЯММАДОВ. Дигахъеная вегІла мер-муса.....	77
--	----

Ф О Л Ъ К Л О Р

ШяхІ МЯХІЯММАДСЯГИДОВ. Даргала халкьла буралаби.....	80
--	----

Журнал зарегистрирован Федеральной службой по надзору в сфере
связи и массовых коммуникаций.
Регистр. номер ПИ№ТУ5-0023 от 21 мая 2009 г.

Типография: Издательский дом “Дагестан”.
Адрес типографии: 367018, РД, г. Махачкала, пр. Насрутдинова, 61

ГЪАЛМАГЪДЕШ №5 2016 г.

На даргинском языке

Выход в свет 10.10. 2016 г. Тираж 304 экз.
Заказ № 0917 Цена свободная.

Редакция и издатель: Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.
Адрес редакции и издателя: 367025, РД, г. Махачкала, ул. Даниялова 55.

Электронный адрес редакции:
litdag@mail.ru

Поэзия



Расул ХІЯМЗАТОВ

КЪУРГЪИ

Наб гъанбиркули бирар цацахІели ца секІал:
Дявила майдунтачиб убкалунти бургъанти,
Кабихъи ахІен или иш хІябци ванзализи,
Шурбухъи бургар или цаван цуба къургъачи.

ИтхІейчибадал илди арцурли саб заклизиб,
Арцурли саб гъаннара, нушази жибикІули,
Илис ахІенра вара заклизи хІедикІули,
Хумарли ва марайли нушара лехІкайхъути?


БархІи ихъуси манзил ишбархІира заклизир
Чедиулрагу къургъи тугъ барили арцурли
Жагаси низамлизиб саби адамтихІели
Дявила майданкадли гъалабяхІ башуливан.

Арцурли сари илди, гъарахъ гъуни ихъули,
Чила-сарил умира дурули ван ца-цали.
Илис ахІенал рахли къургъала тІамаличи
КІарахъан девла тІама даршдусмазиб мешуси?

Арцурли саб, арцурли бамсурси хІенкъ къургъала
БархІи ихъуси манзил закла кІамкІ хъанцІдешлизиб,
Чула-ургаб цакамси батурли саби мерра –
АхІенара илдани ил мер батурси набра!

Сабиур ца бархІира, къургъала хІенкъличил варх
Нура урцус илдачил илгъуна хъанцІдешлизив,
Арцанван жиикІули заклизивад хІушази,
Ванзаличир даимлис нуни гІелар датурти.

*Шурбатурси –
Баркакъади МУСАЕВ.*



Имин МЯХИЯММАДОВ

ДУДЕШЛИЧИ ХІЕРЛИ

КъантІбарибси поэма

*Дяетала хІябразибти
Дила хІябдари шаннисра
ХІулкІули хІербирути
ХІял дариути шантасра
Багъишла саб ши дила.*

ВелхІунра гъанкІлизивад,
Хапли гъигъ байбердили,
Михъирла бухІнаб уркІи
Булъусиван балагъли.

Байхъу бацІси бурушра,
УркІухъи бархъбатурли,
Багъсиван ахъиубра,
Муэр биъни хІергъули.

* * *

Я усули я тІатли
Ну паргъатли хІелтуси,
Муртрил жявли бакъили,
УркІилизи атІунси.

ТІамала гъанарули,
Далайличи мешуси,
ЛехІлира гъанбиклума
Гужли ясируцибси.

* * *

КалзухІели зубарти
Закла цІуба тугълизи,
КайхъунхІели дурзамти
ТІягІямла кІаламлизир,

Тяп кІабатІгъунти хъутра
ЛихІбира кІапІдарили,
Руржуси тІамаличил
ТІамадариб машгъушли:

Паргъатли бусухІели
Шанти чула хъулразиб,
Тахъси лехІдеш къунзхІели
ДалкІунти къаркъурбазиб.

– Ва шанти, лехІдизая
Кахси багъахъниличи!
Чевхъи сай, бикІули саб,
Эски душман нушачи!

БалкІунси къяшла дякъад,
Хъарихъули гІясначи,
ЧевяхІяхъиб тямада
Ша-бяхІси Хъуруцличи.

ВатІан жибиКІулину,
Харчдизира, жагъилти!
Жинс буъла жаллад вячІес
Дураая айгъирти!

Душмайс кІантІихІедакІес
Чегъая мегъла палтар!
ЦІализи гІеладушес
Касая цІала ярагъ!..

Чераргъахъиб дубурти
Даршал дусла ухънани,

Арбашулри дергълизи
Дусмачи абикибти,
КамбикІулри бяхъили
Шаб къапІни чедиранти.

ЦацабехІти чарбулхъи,
ГІямру чулахъдарили,
Я беткайхъи, чучила
Хабар-баян агарли...

Хъу далцес хІяжатлири –
Бирив къяшми агарта?
Арши-мура хІерлири –
Иршив някъби агарта?

Гаши сарри шимазир,
Чина ухІнаухъалра,
Лерилра декІти хІянчи
Дирулри абни-рузба.

ГІебшни – аршикъянаби,
Яни – вацІапІакъуни,
Хъу далцули, делгІути
Някъ баркатла хъубзури

Яргабаиб нушачи –
Бара хъилизиртачи,
Абала ниъ паргъатли
Дерхъес хІебикибтачи...

Дудешла гІяндан варгъи
ХІилхІи балбикахъили,

КІухбухъун мангъушла жи
Дубурла шимикадли.

ХІерикІар ил шиличи –
Удир гъуяра, вявра,
Ярагъла лямцІра, зянкъра,
Айгъиртала хІихІира...

* * *

ЦІудара хІябмузанти
Садихулри шилизи,
ГІеладурши анкъурби
ЦІуръабала яслизи...

Челис-че камбикІули
Арбикутала лугІи,
ПяхІкабиуб гъубзнала
Бушкай бушкибсиван, ши...

* * *

Арякъун узи дубри,
Хъяйхъира хъусбяхъили.

Халаваира нура
Къалаба-къалабали,
Халаваэс чебхІели –
Хъа хужаим сайхІели.

Ну – арцантази анкІи
Датахъес къараулри,
БархІехъ хІенкълизибад къял
Бикуси хІенкъулари.

Дилайчил унрубала
Къачни дукидиканри,
Булхъран гажин касили,
Шинничи дуцІикІанри.

РяргІибси неш ремжахъес
Къяли-карчІа дурчанри,
Душмайзи ратахъесван,
Нешла мякъла калхъанри.

Неш рамсни балухІели,
Хабар бура хІейкІира,
Дудеш мурт чарулхъусил,
Бурахъес хъарикІира.

Нуван кІелра рузира,
Сабли наб багалали,

Савгъатлис байилкаси,
Вавначиван, яргали.

Нушазибад льябкъуси
БирухІели хІябкали,
Дудешличивад душман
Чедиикес вирхІейри.

* * *

Юх, ишди дявти ахІен,
Сари нушаб жагъаннаб!
Ишад дерцес ца гъуни –
ЧІянкІли Чедибдеш нушаб...
(Ургъанна кагъарлизибад)

Лебри дилара гъими
ХаласибегІ душмайчи,
Чебихъули ургъира
БегІла «цакъти» дугъбачил...

ТІамадири мангъушли –
ГІяшкабурци бекІ нешли,
ДурхІнала жягІяйчила
Пикрумала декІдешли.

Сагадан хъулри умціи,
Дудешлис савгъат бурхъи,
Калунси къацІла кесек,
Дармайсван, нушаб буртІи.

ТІашаэс вирусиван
ГІялам булъути дявти,
Хабуртачи лехІлири
Байхъубиубти шанти...

Гашила къявга сарри
Демгурли анкъурбази,
ГІизраил къунзухъири
Мекъ агарти шимази...

* * *

Баши шадси бархІира,
Юрт унруба бирцІуси,
Гъай детахъибси аба
ГъайкІариарахъуси:

«БяхъибхІели жанивар, –
ЛукІулри ургъай хъайгІи, –
Багъбиубсин чебашар,
Лебалли чархла ахъри...

ЧатІаван багъарбулхъи
Дудешла кагъар хапли,
ХІулбукІрила нургъбачил
БакІибгас бучІи ахъли:

Дирхена хІила душман
Игу халкъла бунагъли,
ХІердарабая хІуша,
Дила лагъни, Аллагъли...»

* * *

Садаиб авэсти хІеб,
ХІейгу-хІейгули хъусли,
ХІеблисра дунъяличиб,
Сенрил, гІяхІхІебилзулри.

Я хІеб садаъниличи
Шанти шакхІебикилри,
ГІяхІла хабарла бакъес
ЦахІнаб дунъя лехІлири...

ХѠера, Хъуруцла хъариб
Багъарбухъун къаралди,
Багъахъниличи лехІли,
ШипІбярГибсиванри ши.
Селичила багъахъес
Дигулира шантази?
Гурра гІягІниливара
Бархъаэсти дергълизи?
Арцур хапли ца тІама
Зубрала майданкадли,
Далайван зайбикІули
Алавти шимикадли.

* * *

– Ахир агартидявтас
Ахирла хІяб буркъили,
ЧебяхІси Чедибдешла
Хабар ВатІайс лебхули,
Лябкъулину нартани,
Гъунидаая, шанти!
Нуша чедидикира,
Таманкадиуб дявти!
Дучили, жанай вавна
Мекъла майдан баршая!
Кабучили ургуба
Къумурла кабихъая!...

...ХІулбукІрира шаддешра,
Марайдешра бисара,
Гъудуркадиуб лерил
Ил бархІи Чедибдешла...

* * *

Амма далай тІашхІеиб
Хъуруцличиб гъабзали:

Шила мангъуш хъумкартур
Шаддешлизиб шантани.

– Чедидикира, шанти!
Таманкадиуб дявти!...

Хабар баиб шилизи,
Чили-сабрил бурибси:
Чарбухъес балкъхІеурти
Лябкъули саби ибси.

* * *

Хъарбихъахъи автомат,
Мармар къаркъааурли,
ТІашли лев зурбаси нарт.
ЧІакала дуклумиван
Аваданти супелти,
Гуми арсавартаван,
Анда савцибти нудби,
ЦІяб дуги чиргъманиван,
ЦІа чярхІиути хІулби,
ЦІакъли духІнадицили.
Дямдизурти хъуцІруми...
ЧебяхІси Чедибдешла –
Даршудешла байрахъчи –
Ил нушала дудешри,
Чарулхъуси нушачи.
ХІулба лишанасибмад,
Нешла уркІили вагъур!
ГІур... карикиб дудешла

Ралкъаур неш дудешлис
Гъунираэс гъалакли,
Чинав варгес рирарал
Буриб чулахъ Чаракли...

... Биризуна берхъибси
Гъунила хІябкъяйличив,
Пулан махъила дублав –
Михъирличи авцибси
Ца хъяша уршиличил,
Зубрази ламбикІуси
Даимси ламиличил,
Вавнала къасиличи

Гъала, гІяшли рулгули:
– Чевверхи, гъунираэс
Къанриубра, – рикІули...
Хахамбариб абани
ХІябмуз кагъар, къуръанван,
Сиркъа-бутІааурси
Барх бихули, гъайкарван.
Илизи белкІи саби

БегІла гІергъи дудешли:
– Гъарахъли ахІен гъанна
Цудара душма пукъа,
Нушала къячІуба ил

ДягІла шинкъайван лукъа!
Я ишбархІи, я жягІял
Нура чарулхъас хъули,
Урдаслира хІярхІуба!

... Тамаша, вебкІибсира
МицІириэс вирули!
Ажайчивадра ургъан
Чедиикес виубли!

Къиблала зубариван
Кавлан дудеш ухули,
ВатІан гъанни бекІибти
ХІебирар хъумуртули!..



Проза



Къасум-Бег МИГЪРАБОВ

ШАХЛИ ДИГУБТИ КЪАР

(Хъарахъуд)

СЕЛЕНГА ХІЕРКІЛА ДУБЛАБ АРГЪИБСИ ХАБАРЛА АХИР

Итдус къярдлизир янира дуцџрумра хІябал хъалибарг калун. Илдазибад ца – нушала. ЦархІил – хала нешла, гІергъити дусмазир нушачил гечри-руси ва мякълаб сунела юрта тІашбалтуси. ХІябъибил – даим гечикІуси ва гъарахъливад унрали чейэсли юрта кабалтуси Жунайла. Ил дуслизиб Овоотла дублаб Жунайла хъалибарг сабри бегІла жявхІелила ва бахълис тянишси. Сен сабрил хІебалас, амма къярдла ца дублабси Доной дубурла сиртла хъябагъриличив чи- биалра дакІуухъалри, ил дебали разихІейри. Бурули бирар илала хІял-тІабигІят багъандан чумра унра ил къярдлизибад арбякъун или. Ца рухънацун сарри калунси. Илала лебилра къам илаб хІербиубсира сабри.

Ишабси ванза дебали сабухъла саби. Иличи Жунайла лебгІеб багъарси хасият чебиу ишабти адамтани: къиркъирти гъаргъдеш. ЦархІил адамличи илала уркіеці я ряхІму хІебири. Дила дудеш духби дикули каравайчил ваши, гъарахъти мераначи маза-мас ва хІяйванти гечдири, урцул хІядурдири ва цархІилти дахъал хІянчи дири, ил багъандан хъулив камли вири. ИмцІали хъулир нуша хІябалра дирира: нешра, рузира, нура. Рузи мурталра духълуми асес рашули рири. Рухънала рурси Дунгарманира нунира мукъри дуки дикутири. Дунгарма, ил шинна рурсила рурси сарри. РиштІахІели илкъяйда викІусири ну илис. Ил чеу рухънала гъайлис гІергъи иличи чеакунсири. Рухъна рахъІи цунни хІеррирулри. Гъачам, Соманна центрлизи, кооперативлис дедибти балала арц касес рякъунхІели, илини «закла урги» баргибсири. Ил жармала дурегала бутІа сабри, сабира рухънала урца къялизайзи даимлис бигъунси. Ил разириубси дурега баргни багъандан ахІенрину, «закла урги» баргни багъандан сарри. Ил ца бархІи Сомонна халалли жирариб ва иб:

– Хечил ихтилатбарес дигусири... хІуни валулрив югла шайчибси бригадализивси Жамаа. Илдас чула ца рурси ряркяхъес урхІла хъалибарглизи редес. ХІушачи рукес къабулхІериркуду?

Ит бархІи дукла руцили риштІаси рурси, рухъна, дуклума лерхІеливан, арцурли хъули рухІнарухъунсири ва ил бархІи Овоот хІеркІла къярдлизир ца рурси имцІариубсири.

– Ит, нуни закла урги баргибси бархІи, дила рурсира раргибсири. Шинна ва хІуркІбала хужаим, шинна рурсили раркъибси дила рурси, – рикІи рухъна.

ИлхІейчивад ну илис Шинна Рурси викІусири. Бурули бири, гъалав рухънала урши вирусире или. Амма илала хІекълизиб сари рухънанира бурули рири:

– Ну игъбарагарси сарра, чеббалкІуси къисматла регІ. ЧІяртІли бакІибси галгаличи мешуси, мяштІваресли жагаси ва кегІевси цайли цаси дила урши Халхинголлизир кадикибти дургъбазив ветахъиб. Агъ, сецад жагаси вирил ил, дила урши... – гІур рисес рехІрирхъи, гІязаблизирти дяхІличир чІучІубалхуни дагъардирахъули.

«Жагъил галгаван шайчивад шайчи улкІи ил...» – аргъира нуни чуйнара, илбагъандан рухънала урши левгІев ахъси урги или гъанбирки наб. гъанбирки серхурси багъадур сай или, сенахІенну урехила, кахти дургъбазив калунну.

Халатази рухънани хабар бурухІели сарри Дунгарманира нунира уршиличила иргъуси. Нушази иличила илини хІебури. Нушани сунезира иличила селра или хъарбиуси ахІенри. Илала дурабадра, нушаб ил рихахъес дигули ахІенри.

Амма илини нушази дахъал цархІилти хабуртира дурули рири. ЛихІи аурли, иличи лехІихъира Дунгармара нура. Нушала аргъайзиб бири илди, чула ванза батахъес багъандан, гъунарти дирути багъадурти. Ва нушаб хІили хІелукъанти илдала душманти, уркІи-уркІилабад хІейгутири, илбагъандан, пикрумазир нушара илдачил дургъутири. Гъар иштяхІдухъунхІели мукърала мякълар илди багъадурти диубли думхІутири. Рухъна лебтачилра ванали ва малхІямли хІеррикІули рири, чІянкІли илис хІейгуси Жунай вири.

Ил сай мурталра бегІла юргъа урчичив мурдали вири, чІярхъбулхъахъули чІумаси чІигІяла арличилси гІярчумаг. Илала къичуличи мешуси чесабурцанна дулгъуби суриличир гІеркъали дири, дулгъуби къукъубачи кадаили дири. УкунхІели някъбира мухІлира ушкули, илди чеакунси гІявадешли лямцІдикІахъули дири. Вайлизи илини сезаманалра билгъули вири хІунтІена чІянкІила гІеркъаси хІяба. Илини илала халаси канира гІебабурцули бири, суненира ил багъандан бурги ил билгъуси. Илицицун хасси ца гъатІи хасият бири илала – мурталра держли гягІикІни. Адамтира илис давлачевси Жунай бикІи. Ил гъарли-марли, ил далил марбаресван, мурталра къайгъилизив вири адамтази давлачевла баркъудлума чедиахъес. Суранна чакмала хъарлабад гъаббакІахъили бекІра сабра илала мурталра гІеркъаси муштІукІличилси къалияна бири. Вайлиуб камхІебири халаси

цІадирхъра, арцла арличилси дисра, муштІукІ умубирусИ арцла мурчІра. Гъайлизив ил гъалакли вири, имцІали илди гаплара дири, левГев ахъли гъайра викІи.

Гперкъати, бугали бакІибси муцІурличилси илала вяхІ гамсацун ахІенрину, хІятта цІударсири. ЦархІилтазивад декІарулхъули, ил сайцун хІейри, юртларти, хІятта азбарларти ваяхІра гІягІниахълумира илала цархІилталагъунти ахІенри. Чяли-алав хІярира илала цархІилталагъуна ахІен, ил илини ядала зярхІти духъби катІи бариб. Янилис хІядурдирути урцулра илала декІарти сарри – халати хъитІми. Наб гъанбиркур, секъяйда кадяхъибал илини Селенгала дублар чІяртІли дакІибти пІялпІялагуни, урчас чяли барес багъандан. Гъалабла хІярила дукІула чІалхъни илис гІяхІхІедилзулри.

Бет-садбашутачи гъямдикІули илала юртала гъалар дигъи кІел цІудара хяра дири. Сай биалли илдас мурталра гапикІули вири, илдала къайгъни гІердурцули.

Гъачам илини зягІипти, бикІуливан, бирхауди бихъес агарти жамигІятла пачибала цалабахъла хІенкълизи хІяйванти каиб, амма цІерхъти, зантти детаур. ЖамигІятличил варх мурталра узхІевзи, даим сунес сай вири узуси.

Гъачам ца бригадирличил, касили гІулудра сайра, жаликІули чеира нуни:

– Ну адамти азадли хІербирусИ улкализивра, такъсир барибхІели гІяйиблаирусИ ахІенрану. ХІуни набзи чебаахъа азадси адам гужли узахъен бикІусИ! ХІед се авара ну чинав ва секъяйда хІерирули виаслира? Дигасли декІарли хІерирус, хІейгасли – унрубачил!..

Дила дудешра иличила ил гІяйиблаирули гъайикІи:

– Халаси саби шалал дунъя, бахъал саби иличиб хІербирути халкъра. Амма Жунайгъунти иличиб имцІати саби, сенахІенну дурхІнасра дирга-лабулхъан, тІабигІятлисра душманти бетарар. ХІеркІла дубларти галгуби кадяхъиб. Азбарлизирти мицІираглис цІакъ биули ахІен, амма вацІала жанивартачи гъаргъли сай, илдагІив гІяярли. ХІелукъусИ къуртма сай. Велкъихъалли, се-биалра канилизи хъячІкабарес се заманалра гІелумхІелзан. Адаб-хІяя агарси сай Жунай. Мунапикъ...

Унраличирси рухънара иличила рикІи:

– ХІябцІанну урчІемрализиб ва авцІанну шурализиб илала зиланти саби гІяхІулалли гІярмиялизи арбякъун, чІянкІли Жунай калун, пикри-далири агарти излуми, угъули къунба. Секъяйда хІерирули калуна или гъанбиркулив? Бухънабасра биштІатасра шагъарлизирад хибти гъар журала тІимир-химир дирцули давлачевиуб. Илдани биалли се багъеса илдачила, илбагъандан хІяжатагартира секІал исутири абдултани. Ил биалли пай-далавиуб илгъуна агиличил. Ил дила урши дявтази арякъунси дуслизир илини унраличибси аймаклис кІел урчи дициб, гІур биалли ил нягІдаллагъ кайзур. Сунес хайри биалли, цархІилтала авара хІебиру илини. Бахъал адамтас зарал барибси сай ил, бахъла хІи держиб, чумра кутурбиахъуб,

гъаннара ярайдеш агара илизир. Сай виалли шуцали дусличивра имцали виубли сай...

Илала хъунуйчила бурули бири, я юрталар я дурар сегъуналра ихтияр агарли рири или. Чизилра гъайриклуси хлерири. Наб гъанбиркуливан, ил цуба дяхла, бара-бара гянца, амма жагаси хъунул адам рири. Гямрулира муруйчир риштаси рири. Илдала клелра халатигъунти рурси шери бякъи, иш улуслизибад арбякъун. Урши хъулив сай. Сунела давлара гъар секлалра илис датурли ил сунела хъа цлабихян варес дигули сай илис. Гякълу, глабиглат ва хасиятун сунела диахъес багъандан ил мактаблизира вархъибси ахлен. Виштлахлейчивад илис дебали лявбикли илди, ибси бири, амма бара халаваибмад ил бурсивариб агарси бургахъес, бикибси хъули бихахъес. Сай нушала гямрула вири, глабиглатлизив тамай дудешличи мешуикиб: хъямиклес, вилгес дигуси, хлелукъуси...

* * *

Хлеркла дублабси дарма шинна урунжла мякълабси чялилизе нуни Шинна Рурсила рурсиличил, «курортличирти» зягипти мукъри духланира ва гъамли кадяхъибти чытиртазибтас ниъ духили дякъунра. Ишарти дарма шиннизи гъар чинабадалра адамти башули бири пургъумтачиб ва, чумал баркли деркли, «арабиубли» арбаши. Цабехл арбукъес беклиубли – хлебиубли лебалли, сагати баши. Цацахлели кадяхъибти дахъал дири, амма «курорт» цацахлели бацкабухъира бири.

Нушаб дигахъира илдас, чяй цубдирахъес ниъ дихес. Илдани нушара дацли чархледиркъира: луги гявадешлизир дерцибти печеньеби, кампетуни, чакар.

Ишбаркли даклибхлели, нушани илаб чумалцун адам баргира, илдара гъести гямрула сабри. Ниъ сасили илди нушачиб дукаркълур ва, баркалла балахъули, хъабала лутли муридешунази клепларахъиб.

Гурра ила клелра дякъунра нуша.

Цархилти галгубачибад тядили лебри пльплагла зурба галга. Илала удисе урунжла амърти шинна хлеркл Селенгаличибхл кабухъири. Илбагъандан бииси илис адамти Цунси пльплагла урунж бкълур. Шинна Рурсила рурсиличил нушани чуйнара илала шин держибтири. Илди сарри, цархилти урунжлагъунти гядатла шин сарри, амма илди илцадра дяргибтири, хлатта цулби цухдилзахъи. Иша башутасра илди лергер дигахъи.

Урунжлис бара тядили къурбан лугъуси, къаркъубазибадра галгубазибадра барисе бекла леб. Илизе катлунти мурчлаци дигъи лер чянклила балгугуни, урчила гъез, удир – арцла диштлати шагъиби. Илар ва шулгир камхедирар хляйва лигуби, дацти шишни, пирхикла чалми ва цархилти тмиир-химир.

Дунгармали урунжлизирад мехлизир шин гяхъиб ва гъезличибад хъат хляршбарили, уркъубяхъличилсе хлер набчи вякъаиб:

– Сен хлуни къаш дарма шинна урунжлизи – аршайзи кайцълур?

– Бахъ тлягямлигу, къашмачи тхлуигахъули.

– АсухІебирар.
– Сен?
– СенкІун иш аршан дурхъаси саби, гІядатла ахІенну.
– ГІур гъатІи... Гъари хІуни кацІа къяш. Яра бугІярдешлизивад урух-
кІулрив?
– УрухкІули ахІенра.
– УрухкІулри. КарацІи, гІянжи кІантІиси саби, изарули ахІен.
– АсубирусИ ахІен. Урунжлизи нясани гъудурдирес балхІебиркур. Хала
нешли бурули рири, илдала хІурматбирес ва илдас улгес гІягІнили саби
или. Иша вакІибсила се-биалра ишаб балтес гІягІниси саби: нунира се
биалра кърбанбирис.
Илкъяйдара или илини бекІаличи чинила бутІа кабихъиб.
– Нуни се кабирхъусИ? – хърбаира нуни.
– Се дигули виадра. ЧІянкІли уркІи уркІилабад кабихъес гІягІнили
саби. Селра агара биалли, биштІаси дѣй-къркъа кабихъа. Илини иргъу
нуша сунес баркалла дикІни.
Иличи лехІахъили, уркІи-уркІилабад хІебиалра, нуни хили бекІала
шулгІи биштІаси къркъа кабихъира.
– ХІуни иш аршаннизирад дахъал шин держибтив? – хърбаира
нуни.
БерхІили гамсбарибси чІянкІуси къяшлизибад занзи дурабитІес авара-
лизи рикибси ил набчи хІерризур ва иб:
– ДахъалдегІ держира. Ил сагъриуб. Хала нешли суненира, гър иша
ляркъухІели, сунечил дихи чакар, бурт,нуси, шагъиби. Дихи цархІилти
шабагъатунира.
– Илди хІелугалли се бетарара? Гъа?
– Чебиулрив иш галга? ИшкІун, иш урунж балтахъуси кърарул саби.
ХІурмат хІебарахІелли, ил гъимбукІес асубирар. Хала неш илкъяйда ри-
кІар. Иш галгалира дебали гІяхІдеш булгуси саби, лерилра мицІир жайс
гІяхІдешуна биркъуси саби, рикІар. ДекІардеш агарли – адамлис, арцайс,
вацас, гъайла къантІа, лерилра мицІирти жайс булгуси саби ва лебтаци
уркІецІила бегІ саби. илбагъандан, чидил мицІир жан ишабад шинни бу-
жаллира зягІипбикибхІели сагъбирусИ саби. Ил бархъси саби. ХІебиалра,
гъарахълибаддира арабизе багъандан, иша адамти хІебаши. Ишарад гІяхъ-
ибти шинни дицІибти хъабни улихъализи дилгъули нунира чумра адам
чебаира. Илдани их бекІаличи гър журала берклуми кадирхъули сари.
Илди арцантани дугули сари. Нуни чедаира къубдикІули. ПІялпІялагли
адамлис аршан лугули саби, адантани илис деркести, галгали биалли
– илди арцантас. Сунени бугес балуси хІебургар. Бархъли буралли, дубур-
тани, галгубани, шинни адантазибад селра тІалаббинули ахІен.
– Халанеш рикІар, адамти бизе гІягІнили саби тІабигІятличи уркІецІи-
чебтили, ил багъандан илдани лугес гІягІнили сари савгъатунира гъун-
гелтира. – Илкъяйда или илини закибхІ тІул ахъбуциб. Наб гъанбикиб
илини сари лергІер духусилизи руйгІули сари или.
Иличибад нуни хІер галгала къамаличи шурбатурра. Ил сунечирти

азирти кIари вjашдухъахъи, гъакIбухъун, иличибли набзи бикIусиван: «Ну сахаватси уркIецила бегI галга сабра, садакъа къабулра бирули сахаватли ил буртIра буртIуси гъар шайчи иличи хIяжатдеш лебтасра. Ил гъайбикIухIели, илала кIапIри берхIилиур лямцIдикIулри. Шинна Рурсила рурсили хIулби цIивдатур, къянкъра лаг къябшбизахъур, гIур набчи хIерризур. Сунени дурутачи ну камли вирхни ргъиб риэс, ил набчиряхI ритIриуб ва рехIрихъиб:

– ХIуни гъари хала нешлизи хъарбаа. Илини хIези гъар секIал дуру. Ге, гъар секIал хабарлизирван сари. . .Иш аршаннизибадл адамти бужухIели, ишала шинна цIакъличи бирхес гIягIнили саби. Бирхауди хIебиалликIун илди сабабхIедирар, саби галгара гъимбуркIар.

Мер-мерличир ванзализирад гъардакIибти зурба галгала хIячмани чула къакъ чебиахъулири ва шайчиряхI чIакала качIаван тIинтIкадиублири. Илди рухънала някуълизирти хIила тумачира мешулири. Илала арла хъар, адамтани хъутра хIяршбирни багъандан, цIударлири. ХIячмала кIелра шайчир дакIибти къар илдала ялван сарри. Шинни илди гъаргда-рибти мераначир, удибад се сабил уфбикIусиван, ахъдурцули дибгIянти гъягъя-гъумра гIянжира шин руржулри. Камси мерличи гердухъи гIергъи илди, билхIлалиу ардякъи, детихъулири. Илабад ил лябзи-гIянжила къат, пушягIуна биркъули, Селенгализи бухIнабулхъулири ва илала шин гIяхIцад мер ахъайчи иличил гъудурхIедирули кавлулри, чула хIунтIена, шиниша ва духъутIа ранг детхIейхъахъули. Илди детихъуси мерличи кадаайчи, чедир къабулданти урцулри. БилхIлала чедиб къалли илдала хIуреба лебри. Илди суратунира чедаили, Дунгармала гъайра гъандикибхIели, нура вирхаурра ил галгализир сегъунти сарил сихIрудеш лерниличи. Илала кIапIри сагали пяррдухъун, набзи «Ге, илкъяйда, дурхIя!» дикIутиван.

Шинна рурсиличил нуша къабулдантас гIергъидулхъули, хIязлизи ахъира. Нушала мукърира гежбунира тIяхIдикIули, чула хIязлизирри. Илкъяйда буркIира замана хIерибаайчи.

ХIерибаили маза дирзибмад, нуша хъули чардухъес гIягIнилири къацIли дукес ва мазала тарагъ (мазала дертур ниъ) держес. Илбагъандан мукъри-гежбунала хIенкъ нушани лаг, хъулибяхI кусбарра.

Нушани балулри Селенгала дубличир пIялпIялагла галгубачил гъудурли жярла гIяшти галгубира лерни. Мукъри урухдирулри урцути цIурцIбани ва къакъажужубани. Илдас гIелар урцулри заки-чIявчIявти ва тамашала уонта диркъули гъаваличир, гъачам къуйрукъуни чукурдирулри, гIур, дурегаван илди тIинтIдирули. Илди дяхIкайхъули. Хапли ца хъирхъа галгала тIярхъилизи бухIнабухъун. Камси замана дикибхIели, ил дура аркур ва чула хIенкълизи бархбикиб. Наб илала баркъуди тамашабизур, илбагъандан, берубси къяли галгала арличи хъарбихъахъи, ацIили тIярхъилавад умхализи хIеризурра. Чебиуси аги. ИлхIели нуни илизи някъ кабатурра. ТIулбани журугти лугIяна секIал хахамдариб. Илди гIяхIцад лерри. Гъала-гъала уркIвалли ухъунра, амма дила гъар-секIал дагъес ибси хъул урехиличиб цIакълири, илбагъандан нуни илдазибад ца дурасира. Ил арца гидгари сабри.

Нуни чуйнара къадуби-ургар ва ванзаличир арцантала гидгури даргиб-тири гьалар, амма илдани галгубала умхабазирра пукъни дирни балуси ахӀенри.

– Дунгарма! – ахъли ил жирарира нуни. ХӀеркӀла дублар ранг-рангла цӀубхӀярти луцӀуси ил набчи хӀерризур ва, ну галгаличив чеили, ца ити жихӀейкӀнира аргъили, набчиряхӀ сарухъун.

– Се бетаурли? Се баргири? – хъарбаиб илини, удирадли набчи хӀулби цӀиваили.

Умхала ца дуб буцили ну хӀилхӀи къялиличив тӀашлири, ца ил буцри хӀярхӀбарасри кайкес асубири.

– Иш къяли, ну кайзурси къяли чӀумали буца ва иша хӀерриси, ма каса, – ира нуни илис гидгари гъакабурцули.

– А-а, арца гидгари! – вявьиб илини, гӀур хъарбаиб: – Дахъал леру?

– Ге, лер.

– Се бирида, кайсиду?

– КайсехӀе.

– Юх. Ца-ца кайсехӀе. Калунти далтехӀе.

Ну къабуликира. Ца гъатӀи касили, илавад кацӀира.

– ХӀябилра жагати лер, кӀунтӀрала някъишличил... Къаркъубачи мешули сари хӀеркӀла, – хӀулрукӀили гъайрикӀулри ил.

– Хъирхъала сари, – ира нуни.

– Балулра. Хала нешли багъалли, нуша маймайдирра. ХӀебурехӀе илизи.

– ГӀяхӀси, хӀебурехӀе. Сен илини галгала умхализиб пукъа барибси?

– ХӀебалас. белики илаб ванахӀели бургар. Маркара чехӀейгур, адамтира къячхӀебиркур.

– Нуша шакхӀедиркехӀе или пикрибикӀули бургар.

– Ге, биэс гӀягӀнили саби.

– Нуша диахӀелли шакдикира.

Алавти галгубала умхабира нушани ахтардидарра – лерилра пукъназир гидгури сарри. Гъар пукъализир илди даргибхӀели нуша вявдикӀулри:

– Ишарра лер!

– Ишарра!

Ахирра нушаб ил хӀяз анцӀбукъун ва дуцира илдазирад секъяйда чӀинкӀликӀуни, гӀур биалли арцанти детарутил багъес. Цализи цали лугӀиагартти суалти хъардиулри нушани, амма лайикъси жаваб гес балули ахӀенри.

– Илдазирад секъяйда арцанти детарутив?

– Секъяйда дугутив?

– МухӀли агарагу!

– Арцанта чула чӀинкӀликӀуни утӀмазирад далхулира?

– ХӀулби агарли, мухӀли агарли, секъяйда илди арцантаци шурдулхъули?

– Илдазирад букӀрира къяшмира детарутив?

– Гидгари ил мицӀирсив гъари, ахӀи жанагарсив?

– МицӀирси ахӀен, биалри ил шикъбикӀи. Дахъал суалти ва гъатӀира

дахъал жавабти лерри нушала, амма ил масъала нушаб мутИгІхІебиуб.

– Бячалли, илизирад се сабил бухъутІара зузбикІуси бертара дугъдулхъан, – ира нуни.

– Къунба мавгъуд, – иб илини.

– Гъари бячен, гІур чебиид.

Урухриубси илала хІулби халадаиб:

– АсухІебирар. Хала нешли буриб гъачам, рахли арца гидгари бячалли, неш-арцай лягІнатбуршу ва мегъла къяшмикІала пашихъур или.

ХІенкъ хъулибяхІ ласбарили ну цаагили хапли акІубси ил масъайчила пикрумазиври. Гъарахълив левалли ну чеили, нешли, сунечивяхІ жирули, иб:

– ХІеризи, урши, хъула хъирхъни дакІили! Нуни вецІал дейгІунра. ХІебиалли ишди дуцІрумлизир нушани вецІал тІагъа нерхла кайсехІе... БугІярдешла гъигъ бетахъиб, тІагъала хъар букІуй абхъиб, – иб илини гъинчІризурли, гІурра хъула арцанти чедаэсван, алавчар хІеррикІули.

ХІебиалли хъула хъирхъа гІяхІси арцан буили саби, эгер илини разидеш ва эркиндеш дихули диалли. Тамара илала виштІасилагъуна саби: «Га-аг,га-аг...» Чи биалра лявкъусигъуна тІама саби. Цудара къяна биалли цараван вявбикІар, урухли ва зигарти вявдешличил. Чи-дигара урухиру. Илала тІама аргъалли, неш рикІули рирар: «Гъамли дягІ булхъан, яра чяхІ-заб чедидулхъан».

Вякълякъи мурталра сунеласун вякъякъбикІар. Ил адамтачил, илдази се-биалра бурес дигусиван, бирар. Сунечи пикри бяхІчихІейъни чебаалли, хъайс алав ласбикІар, гъалабси хІяриличи кабиръур ва шайчибад шайчи ласбулхъули, къуйрукъли гъакІбикІар. Иличилара дурути дирар дила нешла: «ГІяхІси хабар сабуха...» Набзира мурталра неш рикІар: «Вякълякъи вякъякъбухъунмад, бурен: гІяхІси хабар сабуха, гІяхІси! Рахли вайси хадли, къяш бялчасра къаркънутли!» ИлхІели ил арцурли аркъян. ХІебиалли ил гІяхІдешличила ва вайдешличила бучІес балуси духуси арцан саби. Амма имцІаливан ил бикесилигІеб адамла хъайс гъамли умцІули бирар. СекІал бигІес дигахъу. ЦацахІели илди хІенкъбарили цаладиркур. ИлхІели берцуди илдала вявлизивад. Сегъуна дигара жанивар бубшахъу. ХІятта цІирхъ балли.

Хъула хъирхъни илдигъунти ахІен, даршути арцанти сари. Адамличилра даршули дирар. Гъарахълив, гІяйкаили маза, яра мукърачил виасли, ну дебали сахъли вирус, рахли бецІ чебулхъан или. Амма илди гъамли галгубачир дакІдухъалли, яра мазала къукърачи кадиалли хІязлизи ахъалли, дила сегъуналра урехи хІебирар, хІятта дила мякълаб юлдашуни лебтиван.

Илдачи хІерикІесра наб анцІхІебулкъан. Тамашала мезли гъайдикІар илди цаличил ца. ХІятта лерилра лерал ахтардибирули дирар: халалли тІамадиру, цархІилтани биалли яргали жаваб луга, лебра бикІусиван. БекІра гъакІбиру къалли, халаллис икрамбирули. Разити арцанти сари, низамла дегІти, цали ца гІердурцути.

Илдачила Дунгармази бурибхІели, илра набчил къабулрикиб.

– Хъула хъирхъа малхIямси арцан саби. Ил багъандан ил, гъав агарли, гымбукIили камли ахIи чехIебиид, – иб илини ва бусягIят гъай цархIил арцайчила дехIдихъиб. – леб цархIил, дебали вайси арцан. Илис гугмяв бикIар. Тамара гIяхIси ахIен илала: хIяблизибадсигъуна, гъургъли – гIянцIа, урехила. Илала вяв аргъибсив хIуни? Нуни аргъира, амма хIулба чебаибси ахIен. Ил бучIухIели, бисули саби или гъанарар. ВегIла хIялра барскабирар. Рахли ил цунни хIебиалли! ХIебиалли, сен илкъяйда гIяжизли бучIуси гъатIи? Биэс гIягIнили саби.

Маза чялилизиди духIнаили, хъулира ахIедацIили, бархIи ахъниличира хIерхIеили, ну рухъначи арякъунра. Илала урцIа юрталаб селра мяштIбареси ахIенну, пикри битIакIесира секIал аги. Хаймурлар кIел сандук сари, илдала ургаб – буркъа къамас. Иличиб леб динна жуз, сабира урца мухчализиди кабихъибси. Илис сутра бикIар. Се багъандан или бикIарал хIебалас, рухъна илис «Алтангэрэлла судар» рикIар. Или ибси «Мургъила нурла сутра» ибси саби. Илцад тамашалара хIебургар ил жуз. Нушани хIурприра далули ахIенра илизиди делкIунти, илбагъандан ил белчIес имкан агара. Алтангэрэл... илкIун Жунайла уршила у саби. Нушачи, Дунгармачира набчира чедивад, хамли хIерикIуси Алтангэрэл. Ил ула вегI дурхIя илгъуна вайси ва увяхIси виалли, ил ула вегI жуз гIяхIси бирару гъатIи? Сутрала гъалаб ца къанч леб, язла аздариллизиди буцили. Ил цIуба абааллагъелис Тара рикIули сари рухъна. Чили бала, белики ил гIядатла адам ургар, илгъуна ула вегI. Ил, къанч декIар, белики чили биалра бариб бургар ва гIур пикриухъи виэс гIягIнили сай, сегъуна у бирхъусил. ЦIуба ширлира бакили гIергъи ЦIуба аба Аллагъ Тара бихъили сай. Нушала учительра илкъяйда викIар, илди Аллагъуни лебти ахIен или. ЦархIилти, иличи ургIебли, лебти саби бикIули саби. Чичи вирхуси? Дунгарманира нунира балули ахIенра чичи вирхусилра. Нушала ташмишъайчила бурибхIели, рухъна камси замана лехIкахъиб, гIур, лергIер рарскариубли, хумарли иб: «ХIушаб ургIергар, амма ну рухънас ил лев» ва гъай цархIил шайчи шурдатур.

Рахли анцIбукъ ил къанчлизиди хIебиалли? ИлкIун чилалра агара, илала ахIи. Илбагъандан, Тарала къалип лебхIели, илис ил лев, нушаб, ил агархIели, агара.

Бара липIбикIуси шямла шалалиуб берубси диъла нергъ дарес аварабубти рухънара Дунгармара баргира нуни. Уди барда кабихъили – иличи диъла бутIа Дунгарма къякъли рирхъулри иличи, кIантIибарес дигули. ЦацахIели къякъ чейгулри, цацахIели биалли, бяхъ хIязданси уббулхъулри, чехIейгули.

– Хала неш, нуни бибгIянбариваш диъ? – ира нуни.

– Бара, урши. Саламатли-сагъли битаяну, хIекъели кIантIибарая, дила дурхIни. Нуни риасли ил гIур бибгIянбирис ва шанглизиди кабирхъис, – иб илини, чедибси кIентI лезмили лямбирули.

Наб дигулри рухънази хабар бурахъес. Дила илизиди хъардиутира лерри. Лапниван чIумабиубси берубси диълизиди вирхъули ну илала ряхIличи сагали хIеризурра. Илди наб дурхъаси урунжличибси галгала арла тIякъкабухъунси гIянкIаличи мешурикиб.

– Хала неш!
– СейкГулри, урши?
– Аршан шин сарив, ахІену?
– Юх, аршан гІядатла шин ахІен. ХІяжатдеш акІалли, ил лебГІеб мягІ-
ничеббириуси саби.
– Дарманван?
– Ге. Ил дарман саби, амма дарманничибра чебяхІси ва гІягІниси
саби.
– Дарман къудкъусира бирар къалли.
– Аршанра къудкъули бирар.
– Нуни шизи Цунси галгалиубси аршайчила бурра, – ихтилатлизи
Дунгармара гъудурриуб. Илизи няс гъудурдиэс асухІебирар къалли, хала
неш? Бархъси ахІену?
– АсухІебирар. Ил бунагъла баркъуди саби. Шинна Рурсила рурси набчи
хІулрукІили хІерризур: «Буррагу хІези нуни» рикІусиван.
Куамси гъатІи замана лехІкахъили, нуни гІурра хъарбаира:
– Гидгари къаркъаличи мешуси ахІен къалли?
– Се гидгари?
– Се гидгари? Арца гидгари викІулра, ил къаркъаличи мешусив гъатІи?
– хъарбаиб Дунгармали.
– ХІушаб се биубсив?
– Селра.
– Асубириусив гъатІи ил къаркъаличил цугбурцес? ИлкІун хъабхъси,
дебали назикси секІал саби.
– Илизир жан леру? – хІулби журугдариб Дунгармани.
– Гъайгъайра лер, – малхІямли иб рухънани.
– Сен шикъхІебикІули гъатІи? – хъарбаира нуни.
– Шикъбухъес замана баибхІели, ил тІякъбулхъуси саби ва илабад чІин-
кІлинкІ дурабулхъан. Заманалис гъалаб бячалли, ил дурахІебулхъан. Рахли,
гъм... хІушани арца пукъа бехъубли хІедииша? Гъа? Вари, дила дурхІни,
асубириуси ахІен. Илди дулъэс ахІенну, илдала гидгурачи вегІла дяхІцІира
чейгахъуси хІебирар. Рахли нешли ил пукъа хІейгибиру ва бархъбалта,
– иб илини, пашмай яргали нушачи хІеррилзули.
– Юх, хІебуунра, – иб Дунгармани ва бекІ гъакІбариб.
– ХІебуунра, гъари, – къяна бурра нунира. Амма левГІев урузиубра,
сенахІенну хІилхІи калунра цІахдирули. Нушани гъай цархІил шайчи
ардухира ва гІур арцантала гидлгурачила селра хІеира. Сецад-дигара
суалти лерли диалра. Амма сари рухънас бегІла гъайрикІес дигули рирар
тІабигІятличила ва адамлара илалара ургабси бархбасличила. Иш гъакІ-
лисра ил рахъхІи гъайрикІи арцантачила, гидгурачила, галгубачила ва
адамтачила. Хаслира ил иштяхІли гъайрикІи нешличила ва нешдешличила.
Ахирра ил лехІкахъиб, гІур, багълали гъакІбирули бекІ, бара аргъесли,
гІяшли даимриуб:
– Ге, бегІла халаси, нешанала неш дубургазирад, вацІурби-майдунтази-
рад ва шиннизирад алкІуси рургар. Бархъли буралли – неш-ванзализирад,

ахирра-ахир, лерилра илала дурхІнира нуша – неш-ванзала. Илбагъандан, замана бакІибхІели, илизи чаррадулхъула. Нура, дила дурхІни, хІушала хала неш, замана баибхІели илизи аркъяс.

– Дунгарма къалли неш-ванзала рурси ахІен, хала неш, шинна хужаим, Шинна Рурсила рурси сари, ахІену гъатІи?

Дунгарма, урухриуб риэс, лер мерличир васвасрухъи, набчи уркІли хІерризур:

– Сарра. Амма неш-ванзалара сарра... Хала неш – нешла... Юх, Шинна Рурсила... Илини дурути дархахъиб, иличи хІеррикІуси хала неш гъин-чІризур ва сагаси хабар – айту буриб...

Илини нушаб, гІяшси, тІалхІяна кадирхъуси устІулличи, нергъли ди-цІили тутиярла тІагъни кадихъиб, гІур багълали сунела къалиян танбакули бицІиб ва ниь ружердарес бикъурси цІаличиб гъярцІа мурчІ абалкахъи, сунела къалияйчи гъамбариб. Чуйнарил пІагъбарили, илини хІевала сури балбариб ва ралрикили карииб.

– ХІушани балусигу дурхъаси Гасна дубура? – рехІрихъиб ил.

– Балулра, – барх ира нушани.

Нушани гъарли-марли ил дугати хъар къамабачилси шурмар дубура, сабира Овоот хІеркІла алгъай шайчиб тІинтІкабиубси.

– ХІебиалли лехІахъая... Жъв замана ишар я дубуртира шинра, галгу-бира къарра адамтира мицІирагра дирути ахІенри. Иш мер абзурли гъумли кІапІбарибси буили саби. Муртрил иша вакІибси сай лерилра шинна, шинна рурсбала талхъан. Мякълаб чІянкІуси Гаснара буили саби, сунела лугІянти шурмачил.

Чилра агарси гъумла авлахъличиб хайс анцІбукъи саби, илбагъандан илини жибарили сай неш-хІеркІ – Селенга.

Шинна хужаимтала ханничи, ихъули хъябагъриби, къадурби ва гъала-бизуни къалабабикили саби Селенга, гІелаб батурли азирти верстанала гъуни, ва ахирра иша сабаили саби. ИлхІели иш дунъя мицІирбиубли саби: дакІили вава-къар, ахъдиубли къалурби, заки гъуцІдухъи галгуби. Талхъай ишав калес пикрибарили сай ва, Гасна дубурличи шурухъи, даимлис кали сай. ИтхІели неш-Селенгара гъаннаван биштІаси буибси ахІен, дубурла хъарличи бетаайчи тІинтІкабиубли кабухъи буибси саби. Гаснара кІа-пІкабарили буили саби зумаси вацІали, къадубани ва вава-къарли. Илар дуили сари дахъал жаниварти ва дугІла мицІираг. Дахъал дусми илкъяйда эркинни хІердирули дуили сари илди ва Селенгара Гаснара, се сабил гІурра хІебиули или, децІлизи дикили сари.

– ХІечирти жагати вацІурбира, пергер вава-къарра набзирад дужути дарма дяргІиб шинра сунела далуйтазир черяхІдарес вируси адам агарли хІед анцІбулкъулив, шинна хужаимтала талхъан? – хъарбаили саби Гас-нази Селенгали.

– Нуни далхули, набчир дебали дахъал жанивартира мицІирагра лер. Чис хІердирула нуни илди? ЛугІиагарли дахъал цІедеш дашули сари дила вацІурбазир, амма илди халдирусиялра агара. Дила давлумачи хІули агибти душманти рахли чебухъалли, чили далтахъути илди? ХІура нура, Селенга,

дебали жагатира, амма ил жагадешлис чи учули? Азирнара бархълири ху. Илбагъандан децбиклула нура.

– Баши, алклахъехле адам. – иб Гаснали. Чула пикруми илдани БерхИла дунъялис гъалабихъиб. Илини биалли илдала мурад бариб – адам аклахъуб. Илини биалли, вамсни хлебалули, бузерилизи ахъиб. Мер-мерличир даклудиуб дяхИин цуба юртаби, дяркъур дахъал мицИираг ва жаниварти, ва илди бушиндарили, хъа детаахъур, далуйтазир ва хабуртазир черяхИ-дариб Гаснала ва Селенгала давлуми ва эркиндеш, сунела талихИчерти гЯмру, цархИилти ванзурбази тИинтИбариб шинна хужаимтала талхъайчила – Гасначила ва неш хИеркИ Селенгачила хабар. Адамла баркъудлумани лергИер хИулдуклахъибти илди гъатИира жага ва эркиндиуб. Амма цудара уркИла вегИ адамра аклубли уилри, чЯнкИли сунечила пикрииклуси. Илини галгуби кадирхъулри, шурми дялчулри, мякълизирад духълумала къадуби адилтИулри, иман агарли кадуршулри мицИираг ва жаниварти, ганздирулри вава-къар. Цалра бархИи сегъуна-биалра хИлла хИebarили уули ахИенри ил. Гаснара Селенгара мицИирси, цали ца гИердурцуси чИиличИали дигъунтирину, Гасна мискинбирес бехИбихъибмад Селенга саябиклесбииб, шинна дуцИ хИярхИбиуб, камдиуб бялихъуни ва цархИилти илдазирти жан ва ишбархИила даражаличи кадикиб. ЛукИлукИдяхъиб хИеркИла дубларти вава-къар, илди дуъэсдиб ва ахирра-ахир илдала мер гъумли буциб. ЧебяхИси Гасна чЯнкИбиресбяхИиб дайлабад бехИбихъили, иличирти галгуби деръуб. Илкъяйда бикИи бухънаби. Гъар галгалиур парчдикИути урунжуни-аршанти дегъуб, ардякъун ванзалиу. ЧЯнкИли цацун, цунси галгалиубсицун аршан калун.

– Хала неш, цудара рухИла вегИ ил адам сейуба?

– ХИушани балусив ЧебяхИси Гаснала шайчибси къаркъала валри – дубура?

– Ге, балуси саби, лебГеб валриличи мешуси дубура саби.

– Илала цудара баркъудлумачи гымбукИбси шинна хужаимтала талхъан БерхИилизи гЯрзухъи сай ва БерхИили сунела нурани иличирад уркасили сари. Сели виркъули хъалли, чина вашулихъалли ил ванаирули уили ахИен ва ахирра ил бяргИибси къаркъала дубурличи шурухъи сай. Ил хабар – айту нушачи жяв заманаличибадал баибси саби. Илбагъандан, дила ахИерти, хИушани хъуммартидая, нуша лерилра дубуртала ва шинна наслуби, Дурхъаси Гаснала дурхИни сарра. Селенгала шинна клунтИри... Лус – ил дубуртала ва шинна вегИбекИ сай, илала рурси – ил дубуртала рухИла ва шинна хужаимла рурси – русалка сари, – таманбариб сунела хабар рухънани.

Гур илини тяхИудиубти нергъли бицИибси урца къям клелра някъли касиб ва иштяхИличил илизирадли нергъ хупИдариб. Шямла шявси шалалиув ну иличи хИеризурра ва ил, их удиб аршан парчбикИули цунси пЯлпЯялагла галгала рурси рургар или пикриухъунра. Ил пикри бакИибмад, ну нясти къяшмачил аршайзи ухИнавхъни гъанбикили, урузиубра. ПЯлпЯялаг, русалкала рурси, рухъна, арца гидгури – нуша лерилра наслуби ва дурхИни дуилра дубуртала ва шинна. Русалкала рурсира, цИала шулгИиб пялхъяр-

бикIуси къабулдайчи хIерикIули, сунела пикрумази мурхърикилри. Ил илцадра пикрумазирри, хIятта беркайчилара хъумкартурлири...

Пегъила бархIи ну Шинна Рурсила рурсиличил даг нушани гявгяв-лизибси пукъализирад хибти гидгури чедаэс дякъунра илди нушани сари кадихъибтиван лералри, лехIкахъили ва дяргIили. Иларад касили нушани илди сандукуналара юртала сурилара ургар гъардакIибти назикти къарлизи кадихъира. Илар илди чилилра чехIедии.

Нешлира рузилира маза изуси дай хIерила манзил нушачи Жунайла урши Алтангэрэл ацIиб. Ил нушачив хIябал дусцад халасицун ахIенри, бяркъагарси, ахмах ва уктемси сайри. Наб ил дебали хIейгахъаси. Рузира нешра илис виштIал Жунай бикIар. Мурт, чинав къаршиикалра чевдукар-вяхIес ва уркъ бурес дигни багъандан хIейгахъулри ил нушаб.

Юртала ухIна ацIибмад илини ил, цIиваили хIулби, хIясиббариб – илис ухIнав чилра халатазивад левал багъес дигулри. Чилра чехIейбхIели, ил набчи чевхъун:

– Сен хIу нушала хялис даг къаркъуба иртусири?

Нуни селра хIеира. Илдала кIелра хя шулумбашутачи мурталра гъямдикIар, илбагъандан илди дигахъуси ишав чилра аги. Даг илавад аркъухIели нуни гъарли-марли илдачи къаркъа игъубра. Илбагъандан гъанна нуни балули ахIенри илизи се ирусил. Унзала гъалав сай Алтангэрэлра леври.

– Сен бигъунси хяличи къаркъа игъубри викIулра? – гъатIира ахъли иб илини.

– ВегIла гъуни буцили, чизилра селра хIейкIули аркъулри, амма илди хIечи гъямдикIули сари, набзи нуни бурухIеливан ира нуни.

– ХIела шайчибяхI гъямбухъалли хIед се бетарули? ИлкIун рахажлизи бигъи саби, – чIумали иб илини ва хъямики дила гIела хъябцIари буциб.

Ну гъала-гъала «Неш!» или вавэс хъулухъунра, амма урузиубрав ахIи урухиубрав, тIама дурахIедушили кайзурра.

– Даг Дунгармалара хIелара някъбазир серил чедаира нуни, хIуша илдачила гъайра дикIулри... Бура къалабали, се сарри илди?!

Се балагълисра хIебурес къасбарра нуни.

Илини кисализирад кIел кемпет дурасиб ва тиладиикIес вехIихъиб.

– Бурадли ишди хIела дирар. Я дирхъхIедирхъис, чIянкIли – бура...

ХIебалас, наб илцадра кемпетуни дигулрил, яра илала гъайли виргIя-виргирал, амма ну кIантIивакIира:

– ЧIянкIли илди хIуни мадылчад, – ира нуни ва ил гидгури чедаахъес арукира. Дилара лер илди, Дунгармалара. Чумал бархIили илди арцанти детарути сари, – аргъахъира нуни. Илини гидгурачила селра балуси аги, илбагъандан илдачи ил уркIли ва тамашали хIерикIулри. Ну харилири илини хIебалусира нуни балулра или ва илини чехIебаибси чебаира или. Ил хIекъдешли тамай хамварибси нуни илизи гъар секIал гъаргдарра. ИлхIели ил тиладиикIес вехIихъиб дила гидгури сунес гахъес. Нуни илди хIедедира, амма арукили хIеркIла дубла, гидгура бицIибси галгала гIя-милабси пукъа чебаахъира. илкIун дуки вашули хIейри, мурталра хъулив

вири, илбагъандан илини я селра балули ахІенри, я – чебаили. Ил далил наб якъинбиуб. Илини наб кампетуни гиб. Разиси ну гІелавяхІ чариубра ва ца къампет Дунгармас бедира...

* * *

Ит дуслизир шагъарла майдайчи дурабухъунти бархъдешгІебтала тІалабуни сарри: «Давлуми халкълис!», «Халкъли игъдибарбирхъуси правительство!», «Милицияла зулмуртас – ахир!», «Нуша демократиягІерлира!».

Цали ца барсбирули микрофонничи гъамбирулри пунтчиби. Илдала тІалабуни цадехІ сарри – республикализиб низам биахъес, адамтала яшав ункъбиахъни, жагъилтас – хІянчи! Гъала-гъала майдан чула халалличи лехІихъулри, амма ца сягІятла бухІнаб цалабикибтани ил гарчли бициб, хІятта илара кахІебурцули, майдайчи аркъути къакъурбазира илди барцкабикиб. Цалабикиб селалра авараагартира, дакІубиуб къас-къасли дигІянали гъирбикІутира. Илдигъунтазивадли цала сабри хапли зайбухъунси тІама:

– Даширая, буцехІе ЦІуба Юрт! ЧардирехІе халкъла дигІунти!

Илала гъай таманхІедиубли лералри адамтала хІуреба, дялчІули къаду-би, микрофонти ва гІелабахІ дянгаили ярагъличилти къараулти, гъалабахІ гъуцІбухъунхІели. Унзалабад лебилра абацІес хІебирулрину, илди, алгъай ва балуй шайчирти улкъайти дячи, бухІна тІяхІбашесбиб. Камси заманала бухІнаб илдани лебилра Юрт буциб.

Телевизортазирад, радиобазирад дурути цадехІ хабурти сарри: «Республикала правительствотола политикаличи къабулагартани Правительствотола юрт буцили саби. Республикала бекІ тах шагъарлизив сай: лебилра иличи хІерли саби...»

Шагъуртазиб, шимазиб, гъар-чинабалра бижгурси хъипІдеш сабри. ЖамигІят хІерлири чарулхъуси бекІличи. Лебри ил бекІлил чархІелхъан, ухъаллира аэропортлизив, штаб акІахъубли кавлан бикІути. Лебтанилра хІебиалра, бахъалгъунтани иличи къакъбяхъилри. Хаслира илала заместитель, Правительствотола бекІ, цархІилти къуллукъла хІянчизарти Юртла гІеладяхІти унзурбазибад бебшни аргъибхІели. Телевизорлизир чедиахъулри пунтчибани дурхІубти кабинетуни, дячунти устІул-утни, утначи кабибти сагати «буйрухъчиби». Селрайчиб тамашала, лерил гІямру илаб бузули калунтанира илди балтІули ца гъай бурули ахІенри, сагадешуни дурадербес, демократ тяхІурти дузахъес заманара баили саби бикІулри...

Амма ил бархІи бахъла хъулани мурадли хІедаиб. Хаслира пунтбиубти пайдалабарили чула къасани детерхахъес пикрибикІутала...

Майдайчиб илцадра бахъал адамти учибикилри, гІяхІцад бухІнабухъи биаллира, хІятта кабарцесра мер аги или гъанбикеслири. Амма, учибикибти махлукъат уркІбухъахъи, Ленинна уличилси къакъализивад майдайчи ганзухъун, лугІилашал бахъал кумекчибачил ва ялавкардешцун дирули лерилра гІямру хІербирутачил, республикала бекІ. Ил чеибмад, учибикибтани, вягІдалабиубтин, бархли ца тІамаличил, сунезиб мягІна агарси серил иб, гІур лехІдеш чебихъун.

Илини бухІнабяхІ ганз кацІибмад, цалабикибтала авидла дуб, буртІуси кьацІван, гьала-гьала гьярбердиб, гІур Юртла гьалабаайчи, лебилра кьукья башесли гьуни бариб. Ахьси кьаркьайчил, бухьунси ванаси цуэрлизи бара шикьдирахьули гьез ил гьарзати гунзри кайцІули ватихьиб. КІел-хІябал чІала ца ганзли ихьули, ганзухьличивад ацІиб ва вархьли убил-чебарибси, тІутІу-кьякьябарибси сунела кабинетлизи ухІнавхьун. Халкьлизи, телевизорлизибад саби ила заманалис ахІи, даимлис, халкьлис демократия-ихтиюрти хили, илдала гІямру гІяхІдухьахьес дакІибтира бикІути илди, ил чеибмад, харчли абизур. Илала креслоличивси, хІейгу-хІегули, илавад дуравхьун ва илала гьала, алгъай шайчи кайиб...

Ца сьагІятра-сера хІедикили лерли, пунтчиби илабад, ахьдуцили, цабехІли шиниша байрахьуни, цабехІли ГІярасайыла, дурабухьун... Ленинна памятникла гьала цалабикили, чула баркьуди чебяхІбирули, ил цаибил ганзухь биьниличи цалабикибти бирхаахьес жила гъай дурили, чула хьулрази тІутІукабиуб. Ил анцІбукьли гьарли-марли республикализир гІямру дарскадариб, адамти цараван, уб агарси хІурматличил Республикала бекІличила гъайбикІесбиб.

Гъайгъайра, ил анцІбукь пайдалабарибти ургав Сиблиханра леври. Халалла баркьуди цабехІ журналистунани Игитла уличи лайикьсилизи буйгІулри, поэтунани поэмаби, дезни делкІун, политикунани бегІла чихьси кьимат бедлугули, иличила гьанбушес имкан акІалри, бусьагІят пайдалабирулри. Илдала лугІилизив, гъайгъайра, Сиблиханра леври.

Гьалаван, бархьли буралли, кІел баз гьалав жамигІятла ургаб иргьахьнила хІянчи хІярхІбарни багьандан ва гьар мерличиб, дин хьулчили буцили, хІукуматличи кьаршили хІянчи бузахьути хІяракатчибачи кьаршиси хІянчи сабухьагриличи бетикахьни багьандан миллатуни-ургабси политика печатъла ва информациябала министр увкасили, илала мерличи цархІил катурлири. Катурлицун ахІенри, Министерство бутІили, цала мерличир кІел министерство акІухьублири: миллатуни-ургабси политика ва печатълара информациябалара. Ил, кІиибил Министерстола бекІ Сиблихайс бекІлил тянишси ахІенри, амма левгІев гьамсири издательствола ца редактор, Хатирла юлдаш Сабирла. Иш гьакІлис илини кадикибти мягІничерти анцІбукьунира пикрилизи касили, сунени игьдибар хІебирхьути кІелра юлдашличира лишанасили, илис дигулри сунела кьуллукьла хІекьлизибси масъала арзес. Илбагьандан, илини Хатир хьумкартур ва лерилра сунела дагьрилис мутІигІти ва гІякълуми далути гІямулти дакІударили, хІянчилизи ахьиб.

– Даг узикьар акІубси бархІи сабри, – вехІихьиб ил «Дагъиста литературала мургъила хазна» бикІуси жузла белкІ бучІули хІекьли вархибси илала кабинетлизи ацІили. – Салам алайкум! Узулрив?

– Ге, – иб илинира, гьала-гьала, гІур салам чарбариб, – Валайкум салам! Узулра, гъайгъайра, хІу ахІенрив, белкІ кьанбирулри, типографияби нушала гІяйибличирли тІашли сари, белкІани илдачи диахьнила план бульула викІуси. Илбагьандан кьайгъни имцІадарили узулра.

Илала гъайличи Сиблихан, удирти цулби далли гьаргдарили ахьли

дукарвяхИиб, илала сунени масхара кыматлабарнира илизи иргъахъули.

– Сабир буресилигИив вахъИи-декIар умцIули хIейрар, ишала дугъбала хазна мурталра хIядурси саби. – Ил Сабирла алгъайчи къаршиси илавла корректорличи хIеризур. Багъла-багълали илала гъинчI бетахъиб, сунела зугIяй акIахъубти пикруми сагали буйрухъдухъи дииши, илбагъандан, дугIли сегъуналра замана беркIес асухIебирни хIули липIла манзиллизиб пикрибарили, унзаличивяхI ласиуб. Замана леббиалли гъавакIи, – или, цазаманализиб бекIра гъакIбирули, ил дуравхъун.

– Сегъуна-биалра, яргаличилси се макру пикрибарилит барили сай, – иб илини, хIейгу-хIейгули дураулхъули.

– АцIи-ацIи, Сабир, – иб илини, сунела устулла гъалабси биштIаси устIулличи кадихъибти гIебкнала дайла дапасахъили гIяркъила шиша кабирхъули. Ил бара гъалабван холодильниклизибад касни багъеслири, сенахIенну илала хъябличирад удидяхI, батурли къел, шинна кIунтIри гердухъун.

– Иш, Сиблихан, майалибатурли саби, – иб Сабирли, се бикIусил багъес дигули, сунечибахI ласбарили.

(Хъарахъуд бирар)





Хадижат ХІЯБИБОВА

ДИГАЙ – ГІЯЖАИБСИ ЦАКЪ

ХІеркІла мякълаб тІашси халали ахІенси дубура халкъла шикъличи тІамашали хІербикІулри. Амма разилирил ил, къаршиличи, аргъесли ахІенри.

ХІербикІулри уркІби къаркъакурти, тІуйзи тІул хІябяхъили хІербирути буйрухъчибачи, къалпчибачи ва хІялалти Къайыпхъайчи. Дунъя чум тяхІярли барсбиалра, чеббуканти ца тяхІярла саби. Илдала шикъ, пикруми, халадеш, хІяжатагардеш цадехІ сари Мажалислизир диаб, Москвализир диаб. Илдачи, гъарилличи, Мажалисла дубураван, хІердикІути лер. Селалра хІяжатагар хІяжарти сабемцІур. Гъар секІа къадрира къиматра далутала уркІби тирхъдикІахъескаиб. Се биру? Чилалра ахъри аги халаси цІакъличил къаршили кабизес. Ил тІабигІятла цІакъли хъуракабарибси мерс, шин чедакІни, дягІбухънигъуна сабри. Я мерслис, я чедакІбти шиннис, я кабухъунси дягІлис гъалабиз лебси ахІен. Улас, мурт кабизес вара адам адамлис буйрухъхІейкІуси хІякъикъат?

Чи сейкІалра, дунъя сели биркъалра, ГІябдуллатІип сунела дигайла дунъяличи пахрума иркъули хІерирулри. Илала дигайли бицІибси уркІи дунъяличи кабуруцули ахІенри. Илала хІясибли, лерилра мерани, лерилра секІал: мицІиртира мицІирли ахІентира дигайли дицІили сари. Хала хІеркІла дубларти тамашала къаркъуби далли дигайли дицІилри. Илди къаркъуби халати хІункъбачи мешули сари, халати гидгурачира мешули сари – амма цІудара. ЦІудара къянали балли цІуба гидгари биркъу. ЦІудара гидгури даркъибти сегъунти арцанти сарира? Яра илди аждагънала гидгур дургар. Илди хІеркІла духІнар гъамадли чедиу гІебшнила замана, шин камкадаибхІели. Цаличи ца мешути секІал дахъал дирар, амма цагъунти селра хІедирар. Се-биалра багъесухъалли, илизиб цархІиллизиб агарси се-биалра дакІубулхъан. КІел цагъунти секІал дирути ахІен: къаркъуби диаб, адапти биаб, шин диаб. Тамашала саби дунъяра, дунъяличирти секІултира: мицІиртира мицІирли ахІентира.

ВиштГӓхЕли ГӓбдуллатИпли дудешлизи илди къркъубачила чуйнара хърбаибсири, дудешлира се-биалра бурули вири. ГӓбдуллатИп лехИхъи, амма дудешла жавабгачи къабулли хЕйри. ЦацахЕли лехИкайхъи, ан-цӓхЕвкъес багъандан. Гъанна илди къркъубира дигайли дицИли сари. Ге, къркъубалара жан лерти сари. Къркъубалара уркИби лерти сари. Ахирра, сегъуналра васвасъала агарли бурес вирар, илдала уркИби дигайли дицИли диъни. Илди гъанна сари-ургар дигайличила гъайдикӓулри. ГӓбдуллатИпличи хЕрдикӓули, талихИчерлири, разилири, цаличи ца пахрумадиркъулри. Гъалар дирихъла рангли дирутири, берхИла нурани рурхӓули чекадизурхЕлира, илди хумарли дири, дярГили дири.

ХЕра, ГӓбдуллатИпли ца къркъа някълизи касиб. Тамаша ахЕну? Гъанна ил ваналири. ГӓбдуллатИпла дигайли лебилра дунъя дигайли бицӓхъилри.

Къайыпбегла уркИлиис биалли гӓдаблири, сай цаси хозяйствозлизи керхес разиикили хъалли, ташмишгъала имцӓадиуб. Цаси хозяйство бетарниличи бирхути камлири. Бетаалра, камси заманалис кавлан. БахъИи илкъяйда буэс хЕбирар. Балулри ванза вегИдешла бетарни. Ил сунени челгъуси хЕваличил цугбурцулри. Се бетарара ил гъарилли челгъалли? Сунела хЕйван-къача, маза-мас лебалра детаалли? Ца вегИ виэс гӓгИ-нили сай. Дугелира хЕрелира иличила пикриикӓули, Къайып гӓхИцад ухънаваибсиванри. Пикруми имцӓали дугели дахъдирулри. Ца пикриличи тӓшизес вирули ахЕнри. ХЕрели, гъалав къяйда, бузерилизиври. ЧедихИартдеш, чебетхЕибдеш ил адамли балуси ахЕнри. Ванзалис бируси къуллукъ гъатИра имцӓабариб. Лебилра хъалибарг, гъалаб къяйда, цаван бузулри. Гъачамлис бузахъес ванза чула сабри. Гӓур се бетарарал балусира аги. Саби гӓхӓулали колхозлизи кахЕберхур или, бегИлара бузери дигути, чумал адамра кулакбарили, чинарил бархъилри. Илдала мицӓираг Къайыпхъалайчил дархаилри. Ванзара цахИнали бегИри. Сабухъ чили бурчусил, чина кабирхъусил, чис лугусил гъачамлис якъинни ахЕнри. Се-дигара биаб или, гъалабван бузери даимбарилри Къайыпхъай.

ХЕбла замана хъуми делгӓхЕли, илдани Хайдакъла жявхЕелла бузерила календаръ бузахъусири. Ил календаръ, Къайыпбегливан, гъарил хъубзарлира балусири. Уркрачир хъумачи дек дихутири. Ил шайчиб ишдусра халаси хЕянчи бариб. Ванза шиннира балхусири. Илди башутири хЕнкъличира. ХЕнкъ лебси мерличир Къайыпхъала хъулрира лерри.

Атара, Айбикара, илдачил бархти адамтира илди хъулразиб хЕрбирулри.

Мактаблизира вашули ГӓбдуллатИпли, жура-журала хЕянчурбира дирулри. Темирхайс дикахъили гЕргъи, ГӓбдуллатИпла гъалмагъунира бахъбаиб. Къалмакъарлизиихъес хЕйгуси ГӓбдуллатИп, хЕжатбикибхЕли, гЕлара хиххЕйуб. Дудешличил варх узули галгуби алавла буркъиб. Янила заманара, цархИлти дурхИниван, акъули кахЕйри. Сегъуна-дигара хЕянчилизи ихъи. ХЕбла духълуми чула заманаличир делгЕс ГӓбдуллатИпра бурсивиублири. ХЕбла календаръ илинира уркИличилб бали. Ил хасбарибси саби ризкъи дегЕс, цЕдешла, тӓутИла унхърачи ва цархИлти

духълумачи хІеруди бузахъес багъандан. Хебла календаръ мартла 4-личибад бехІбирхъур. Или чедаахъибти. ТІакъракъни уздилтІан вецІну кІира бархІи. Илди бегІлара дугІяртази халдирути сари ва дикІути сари:

– Нушани къяцала мукеки тІякъбулхъахъехІе. Ил замана бахчаби цедешла ва тІутІила унхъри шинни иркути сари. Галгуби удатесра асубирар. ТІакъракъни кадиркути сари мартла вецІну шураличир. Хъуми сецад дахъал лерли хъалли, шинни иркес бажардибиркутири Къайыпбегхъали.

Мартла 16-личирад Мурдухни дехІдирхъути сари. ИлхІели удалта картошка, букан жерши белгІа, набадури, къая. Мартла 28-личирад Хиллала дехІдирхъур. Хиллала бурхІни хІебла бурхІнази хІисабдирути сари. Илди бурхІназиб дакІубирар цаибси чатІа. ЧатІала кани чебаэс дурхІни хІясратли бирар. Бурули бирар: кани чебаалли, кани белкъи дус аркъян или. Дуклуми чедаибси – гъуйчи дураулхъан. ТІамала бакъибси – гъайлизи иркур. Къакъ чебаибсилис валчагъ биркур. ГІябдуллатІипли чатІа арцурли чебаиб. Илис гъанбикиб учІес укъес биркур или. Шагъуртазир институтуни, училищеби, техникумти абхълри. Баралра белкІес–белчІес балутира бучІахъес бурхъулри. ГІябдуллатІипли гІяхІил учІесра хІисабра далулри. Амма урус мез Темирханхъай гІяхІил далулри, сенкІун мугІяллимти илдала хъулиб сабри. ГІябдуллатІип учІахъес вархъес дудешла пикириа аги: ил цахІнавли бузерилизи атІири.

Хиллалис гІергъи ЦІаркъа дашар. ЦІаркъа акибти дуру. ЦІаркъала замана дегІнуби делгІути ахІен. Рахли аргъ гІяхІси бакІалли, ЦІаркъализир дегІунти вякъни, къабакъуни гІявати, халати дакІесра асубирар, амма имцІали заядирар. Галгубачир, эгер жявли вавни дакІалли, илдира ЦІаркъала замана заядирар. ИлхІели цІуба дирихъ башуси саби. Вавни заяхІедиахъес Къайыппли цІуклизи цІабикъурли, гав галгубачи дашахъулри. Вавначи шинни чахъбикІутири. Илди хІянчурбазир рузуси Зумурут рири. Цедеш гІяхІти диахъес ва заяхІедиахъес лебилра унхърази абархилри. ЦІаркъала замана, бурни хІясибли, я унцла, я вацала канилиу абаари дяхІи бируси саби. иличи че гІурра гІяхІси дяхІи баралли, сабухъчебси дус лябкъян, дуцІрумра тяхІули аркъян. ЦІаркъала цаибти бурхІназиб дяхІи баралли, «агъу тураберчІив, на аргъ гІяхІкабиргъар», – бикІар хайдакъланти. Ил замана гъаваличи дураулхъалли, дяхІла, някъбала кам цІударбирар, чурхбирар. «ЦІаркъа чигъагъив» бикІар. ЦІаркъала бурхІназиб чилилра селра хІебелгІа. Илди тамандирути сари апрельла 20-личир. Апрельла 21-личир ЭргІила бурхІни дехІдирхъур. Хиллализир хІедегІи уркалунти ЭргІила замана делгІа. ЭргІила маркала шин дарманна дирути сари: ванзалисра адамлисра. ЭргІила маркни диралли, адамти разибирути саби. Илди, халкъла далуйтазирра дузахъу:

**Шахли диччур дубуре –
ЭргІила марка сабав.
Диккал диччур урчІеле –
Рикканилла гъай сабав.**

Царкъала цудардеш Эргила маркали урисути сари. Маркала умути шинни дяхІ-някъ, чарх ицули бирар верхІел изайс дарман сари или. Илди держесра асубирар. Эргила марка дашуси замана бархІехъ къарлизи лайбакІибси тІерхъа, савли шаладикайчи къарли кІапІкабарили, чехІеби-анбирар. Къар гІяхІил дузуси манзил саби ил. БегІ гьалар къукъу-лямцІ Эргила замана дирути сари. Ванзалиу дигІяндикибти жан дунъяличи дурадулхъан. БегІ гьалаб пяспясаг чебаибси азгъин сай или буру, хІелхъа чебаибси – вялхъяси. КъантІли буралли, Эргила замана лебил дунъя вавна рурхІусиван кабилзан. Эргила тамандирути сари майла кІиличир. ХІебла календарьлизир чедаахъибти лерилра замунти 12 бархІила сари. Илдазирад 6 гІяхІти, 6 акибти дашар или бурули бирар. Амма гьархІели даршибти илди цаван хІедашар. Ишдус илди дебали гІяхІти дакІилри.

Къайыпбегли халаси бахча харбузла бегІун. Ца гІяхІси мер –хІяжлан-кІилара. «Вялхъяла къакъличи дяхІи кахІебиркур» бикІуливан, Къайыпхъа азбарлизибра дяхІи кабикили чебаибси ахІенри. ДяхІи зумали кабахухІелира, илдани акъудеш балуси ахІенри. ЦацабехІтала хъулрачир илдала дярхъ-гІяя умули дири. ХІебла цаибти бурхІназибра акъудеш чехІебии. Илдала хъали имиулачи мешулири. Лебилра се-биалра бирули абархилри.

Гьар-чинаралра атхІебла лишанти сарри. Алавчарси тІабигІят гьанкІ-лизибад чебсаргъибсигъуна сабри. БерхІили сунела нур бегІ гьалар музурбачи гІяйкаили, гІур багълали диркъурбачи, къадурбази тІинтІдариб. БерхІи чейгути хъуми гъигъдикІутиван сарри.

Арцантала жагати тІамра алавлa бицІахъиб.

ТІабигІятлизиб хІеб дакІнила цаибси лишан жунабла галгали чебиахъу. Галгубала ургаб, алкунси чирагъличи мешули, бухъутІа рангли декІарбулхъан. Илис гІергъи бягІлила, аличала, къурчбала, курегала, гІур гІинцбала, хъярбала вавни мекъ бирухІели балкъаурти жагътачи мешули кадилзан. Вавначи пахрума диркъутиван, кІарира дурадиркур. Тутлара хивалара галгуби дахъхІи чІянкІули кавлан. Илдала вавнира тамашала дирар. Илди ванзаличи кадикибхІели, шахауртІличи мешули дирар. Гъавала ахълигІян-ти, ванзала мисригІянти, урхънала шинлигІянти садемцІур. ТІама-гъама ахъдариб, хІятта гьар замана лехІти шинлигІянтани далли. Сари лерни багъахъес гІятІни ахъли тІярдикІесдииб.

ХІебла бурхІназир Къайыпхъала чумал къял демгур. А хъули духахъес ГІяхІмад вархъиб. Илис дигулри Гюльпери черазс. ГІяхІмадлис Гюльпери ригниличила хабардикилри. Каримла бегІтачира гъай-мез даилри, Каримла рузи Алпиятли багъурли нешлизи буриб:

– Хабар леб Къайыпхъала къараваш ГІяхІмадлис Гюльпери ригули сари или.

– Жагаси рурсиличи гІяшикъбирути камхІебирар. Гюльпери илис шери аркъулра рикІулив? Къаравашлис шери рукъес мехІур сарив гьатІи ил? –Илгъуна жаваб беда хІези чили алра, – иб нешли Алпиятлизи. Нешли дудешлизира буриб, рурсилизи дурибти гъайра тикрардарили.

– Бархъси саби хІела. Гюльпери мехІур ахІен Къайыпхъайчи къацІла бутІалис узуси лагълис шери рукъес, – къантІкадариб ХІясайра.

– Каримлизи иличила бурес гЯгІнили ахІен, – иб нешли.

Каримли иличила бегІгялаб багьурлири. Гялаб-декІар Гюльперичи илцад пикри бяхІчиули ахІенри, амма хабар бакьила, иличил гьайухъес къасбариб. Гюльперини къабулагардеш багьахьур. Убаркъибти рурсбачил къаршибиркуси гЯдат лебси ахІенри, цацабехІ дебали гЯшикътани гЯдат булзули биалра. ГЯхІмадла шятІла тІама бакьибмад, дирутира дархьдатурли, Гюльпери, хІярхІяван, дурарулхъи. Неш шакрикиб. ШакрикІули хьалли, рирхули ахІенри. Гюльпери дурарухъунмад, неш гІергьирухъун. Урчира багьлали башахьули, аркъуси ГЯхІмад чеили, Байрамкъиз тамай рирхаур. Къакьализир вяррикІес лайикъхІебарили, рурси чаррухъайчи хІерли карииб. Гюльпери ракІибмад Байрамкъиз вяв-чІяррухъун.

– Дархьдатурли пихьдирути балара, се камли дурарухъунрив?

– Шин агарли, шичи рякъунра, – иб Гюльперани неш шакІерикахъес.

– Къянари байхьалара бацІбиубли ахІенри. ХІуни шин дара кертІири.

– Къянарлизир камти шин сарри лерти, илди чябхьдарира. ГІинзи архутирив, гьатІи, илди? – маррирулри Гюльпери, хІулбира цашалдирули.

– Шантани балули саби тавлу хІечи гЯшикьїни. ХІу набчи жагали лехІахъи. ХІу ураркъибси рурси сарри. УрикьухІели, хІези хьарра баира. Гьай хІеили, мас кабихьахъири. ХІу жагъли сарри. Дахьал секІал лер хІуни гЯмрулизир хІергьути. Карим дила рузикъарла урши сай. Нуша-ургар душмандеш дирар. Дудешли хІу тавлус шери хІелугнира балад. Илала дурабад, тавлула селра лебси ахІен. КъацІла бутІалис Къайыпбеглис къаравашиубси уршилис шери хІелугни хІергьесли мехІур ахІенри хІу, – Нешли сунела уркІиличирти дуриб, мухІиличил дарх хІулбира гьайдикІахъули.

ГЯхІмадла бекІлизир гьаман жургьдикІути пикрумира цадехІ сари. Ил наб ракІес разирикалли, чина аркуси? Сен-сен хІерриуси? ДурхІни алкІан. Илди севан хІербирути? ДилакІун селра агара. Дудешла юртра гьятІбиубли саби. Дудешла юртла хьалчличир цайналра гав чедаибси адамла сегьуна талихІ бирусив? Кайэс хьали агара, кайхъес буруш агара, уэс мер агара. Сен дила уркІи гЯгІниагарта биркъуси?

– Тамашабилзули саби наб дила уркІи, – пикриикІулри ил дугелира хІерелира. Пачала мургьиличи хьулбикІули ахІен, сенкІун илди дикахъес

хІейрус. Хьулри агара или, талхьунтала кІялгІначи хьул агара. Балулра хьуликІнилизибад гЯхІдеш агни. Сен урхІла гелешмешличи хьулбухъунсив дила уркІи? Балулра ил дила ретаэс хІерирни. Иш уркІила гІела-гьамли кабизниличи тамашаирулра. «Балулра, балули хьалли, шикри дукунда» – бикІуси синкала хабарван саби. Амма ил Атани уркІичевварилри, варили хьалли, таманни вирхули ахІенри. Агачи ахІенри хІерхуси, заманаличи сайри.

ГЯхІмадли балули сай Гюльпери разили риъни. ГІурра балули сай илала бегІти разихІебиркни. Разибикили хьалли, чина аркуси ил нуни? Чина каралтуси? ГЯхІмадли Гюльперила гЯмру заяхІедарили ратни гЯхІил чебиули сай. Амма уркІили илис паргьатдеш лугули ахІен. Вархъли укес вирули ахІен. Дугели, сецад хІерели дукив вамсурли хьалли, усаэс вирули ахІен. Пикрума паргьатдеш лугули ахІен. Илини сунела уркІилизи хІедурути хІедири, амма ил лехІихъули ахІенри.

– ГЯжаибти къугъни сари, уркІи, хІуни наб чедиахъути. СецадхІи уу-сирав ну уркІилис буйрухъикІес хІейрули, уркІи наб мутІигІхІебирули,

барсбяхъили? Илала хІябал уркІи детауртиван сарри: – барсбяхъибси уркІи, маслигІятбикІуси уркІи, ташмишбикІуси уркІи. Се барили хъалли, ца пикриличи вакІес вирули ахІенри.

– Белики Къайыпбегхъай кумекбарес, – бикІулри илала ца уркІи. Илдачи бирхаудира лебри. Атачира ирхулри. Яра чина-биалра гъарахъли аркъяс. Белики Гюльпери хъумуртис. Сагати гІямру дехІдирхъис. Илала бекІлизи хІедашути пикруми аги.

ГІяхІмадли кадухибти аличи Патух разириуб ва бусягІят курци дарес башни башун. ГІяхІмадли Мажалислизиб дуги беркІиб, амма дурахІевхъун. Илини гъанна уркІилис къадагъабарес пикрибариб. Гюльперира неш гІергъи рашули дурахІерухъахъун. ГІяхІмад хъулив ита-иша вашулри. Патухли ил ил васиъни хІисаббариб хъарбаиб:

– Се бетаурли, ГІяхІмад, зягІип-мага икирив?

– ХІейкилра. Сен рикІулри, зизи? – малхІямли иб ГІяхІмадли.

– Сен илцад усалиубсири? Адамтани чеадли, се гъанбиркура? Нушани гушварили сай или гъанбиркур. Бархъли бурасли, наб хІейгибизур хІу илкхъайда чеили, – уршилизиван гъайрухъун Патух ГІяхІмадлизи. ГІяхІмадла дяхІлизир урезила хІунтІендеш дакІудиуб. Сунела дурхІначил варх хІерирухІели, дурхІнас буруси гІякълу илисра бурулри Патухли. ДурхІнази маймайрикІалра, илизи маймайрикІуси ахІенри. Патух илдачи гІясирируси, дугели хъарахълизибад бакІибхІели сарри.

ЦІябси дуги се балагъ бакІили дакІибтирая или дурхІнази яв-чІяр-рикІи. ГІяхІмад илдачил варх виалра, илизи ахъли гъайхІерикІи, ил ятим дурхІялис вайхІебизахъес или.

Шалалис ГІяхІмад айзур. ДехІибайчи абизурти хъа бегІтира ита-иша башулри. Гюльперира жявли аризур. Илала уркІи ГІяхІмад чеэс хъуллири. Машрикъла шайчибси зак берхъурсиван хІунтІеннири. Илди берхІили датаибти нурани сарри. БерхІи гъабхІебакІили лебалри. БерхІи абухъайчи, ГІяхІмад гъуйчив виэс гІягІнилири. Ахирра ил дураухъун. Дураухъунмад, шятІбхъиб. Динди чегъесра бажардихІерикибси рурси дурар рагъарриуб. ГІяхІмадра сунела ихтиярлизив ахІенри. ГІяхІмадли урчи тІашаиб. Рурси урузриубли шурряхъиб. Се ирусил ГІяхІмадли балули ахІенри, ахирра гІяшли дурабикиб:

– Гюльпери, хІу ураркъни нуни къанни сабри багъурси.

– Ну ураркъибси наб хІейги. Наб игуси хІу сайри, – иб рурсили ва хъулиряхІ дуцІрухъун.

– Гур, – иб ГІяхІмадли се бурес дигулрил. Гюльперини илала чеббердахъиб. – Карушили хъалли, илис шери хІякъяс, – иб, ва, унзара гъаргли батурли, къапула рухІна тІашкаризур. ГІяхІмад илди гъайли тІакІвягІяхъиб. Левси мерличивад вяшхІелхъули калун. Багълали башахъули урчира, Гюльперичи хІерикІули, иличирад хІулби черасес хІейрули, шалгІевухъун. Ил чехІериъна ваибмад, урчилис гІярчумагли бяхъиб. Урчи дуцІбухъун. ГІяхІмад гъанна арцурсиванри. Сайра арцурлири, илала уркІира арцурлири. Шалати хъуланани илала уркІи бицІилри. Арцурлири Гюльперичил варх дигайла улкализе. Илав вахъли кахІелун. БусягІят гІядатла гІямру-

лизи чарухъун. УркИли чІярбяхъиб. БусягІятла гІямрули сунела уркИла мурад бетарахъу или гъанбиркули ахІенри. Рурсила гъайлис иличи, буцІарси бархИи цІуэрливан, гІяхІлашал асарбирулри. ИлхІели ГІяхІмад дунъяличи кахІерцусиван сайри. УркИли дахъхИи тикрардирули калун: «Ну илис карушили хъалли, хІякъяс. Наб игуси хІу сайри».

Карим Къайыпбегла узикъарла урши сай. Илдас бируси ламус ахІену, гъатИи? КъайыпкІун милигсила кІентІ, гушсила хІули далан сай. Чула дурхІяван хІерирути адамтас ламус барни бетарули саби. Къаркъубала ургабад дурабикбси къарван къиянни хІериубли хъалли, гъаннаван дугІ чеббалкІунси жаниварван, бареси хІебалули, къияйзи хІейкиб. Атани кумекхІебаралли, нуни селра барес хІейрус. Рурси, карушили хъалли, хІякъяс рикІули гІергъи, сегъуна гъабза сайсира ну, гІела витІикІуси?

Чарриубли ракІибси рурсилис Байрамкъиз рургъескарииб:

– ЦІахли ахІену халкълизибад? Ит тавлу чезс хІу, бугІярли хІерикІули, цайти къяшмачил дурарухъи руилригу. Нуни хІези аргъесли бурира. ГІур сегъунти мезли гъайикІуси хІези?

ГІяхІси гъавличирси рурсилис нешла гъайли асар хІебариб. ДубхІехъиб. Саби гІяйиблизибикбси житаван нешличи хІеррикІули ца мерличи тІашкаризур. Неш гъатІира гъимрукІили, хъуцІрумази хункИи дяхъиб: – ХІяясиз! ХІуни нуша халкълис цІахдирулра!

Сели илди цІахбирулил Гюльперини хІергъиб.

– Нуни селра вайси хІебарра, – дурабикб нешла гъайличи тамашариубси рурсила.

– Сен, шала хІедикили лерай, ит аркъусила гъала дуцІрухъунри? ХІу къагълирив? Се бетаурли? Сегъунти мезли хІечил гъайикІуси? ХІу ураркъни хъумартурлирив? ХІела гъалмагъ лев. ХІейалра, хІу итис шери хІелугни хІебалулрив хІуни?

– Ну Каримлис шери хІякъяс. Чардара чули хибти секІал. Наб ил хІейги, – бисара децІра гъудурли вявбяхъиб Гюльперини.

– Се ири? Се? – или нешли илис гІурра дяхъиб. – Тикрарбара хІуни ибси. Се ири?

– Нуни ибси тикрархІебарасра, хІуни бакъири. Чардара чули хибти секІал, – жалрухъун гъанналис цайналра нешличил жалхІерикІуси Гюльпери.

– Чис саррил хІу шери хІякъуси, чис саррил аркъуси, хІези хъарбиуси агара. ХІела къуллукъ ирзуси хІела вегІ левси сай. ВегІагар лайцІу¹ ахІенри хІу, – неш вяв-чІяррикІескарииб.

Неш хІяйван-къачализи арархИхІелира, рургъули, ахъли гъайрикІулри.

– Ишаб камли бургар сари рукести. Карим хІейгулив, цархІиллис рукъяб. ХІуша къалабадикилраяв икІули чуйна ибсири Чупаннира? Дила уршилис рукес дигусири или. Сунени биалли чи сая варгибси? Абдалриублив?

Хъули рухІнарухъунхІели, сунела уркИличирти гІурра рурсилизи тикрардариб:

¹ ЛайцІу – дугІерхурси

– Карим хІейгули риадли, камлив нушала ишаб хІу рукъести?
Рурсили, мухІлилизи шин дуцибсиван, дубхІехъиб. Неш хъули ара-
цІибхІели, сари дуракарухъун.

Гюльперини дурибти гъайли ГІяхІмадлизи умут кертІиб. Се-дигара
биаб, бурис Атази или, ца гъайличи кайзур. Секъяйда вехІирхъуси? Се иру-
си? ПикриикІули левли, Атани илала уркІи аргъибсиван, сай вехІихъиб:

– Шилизи вякъунхІели, гелешмеш секІал хІераргирив?

ГІяхІмадла хІулби лямцІдухъун. Илдазир ташмишдешла суалти тІа-
шдизур. Се-биалра балули гъай дехІдихъибтив ишини? Яра ца иткъи
гъайикІусив? ГІяхІмад пикрилизи икили чеили, Ата даимиуб:

– Белики ишар раргили ургуд. Гъе-е-е, гъари рура, чи сарил хІела ур-
кІиличирси? ХІела хІулбани хІу увведлугулри.

ГІяхІмадли суал бухІнабси хІерли Атачи хІеръиб.

– Се биубли? Разили ахІену? – ахтардила хІерли хІулбази хІеркайкІули,
Атани ГІяхІмадла къаклабад, – Разили сари, – дурабитІун.

– ХІела тІамали дила дукелцІидухъахъун, – иб дукаркІули Атани. – Се
биубли хІед, хъяшаван кайзурли? УрузкІес рурси-мага сайрив хІу?!

– Ишди тІама-гъама паргъатдиэс гІягІнити сари. Паргъатдиубмад, се-
биалра пикрибирехІе, – Атани ГІяхІмадла хъуцІарличи някъ бяхъиб. Ил
бахъли бируси хасият саби. Ил адамли адам гІевурцнила лишан саби.
Атани иличибли ГІяхІмад гІевурцни аргъахъиб.

– Ну, бархъли бурасли, хІела дудешлизивадра урузкІулра. КаримкІун
илала узикъарла урши сай. ГІяхІмадли гажин касиб, сай милигли сайли-
хъалли, Атас гъабуциб. Атани сахІесиб. Ил ГІяхІмадли рабхъбикІахъули
чебуциб. ГІямрулизив ужхІевжибсиван, шинни ужиб. Шинни сунела уркІи
паргъатбарибсиван бизур.

Ата айзур. Гъай даимдариб.

– Гюльперис Карим игули риалри, хІечи гІяшикъхІерири. Ну хІейгуси
рурсира нуни кахІерираси. МажахІят Каримли, сай хІейгни багъалли,
Гюльпери кариэс. Дигай гужли дихъахъес вируси ахІен. Дила Айбика
цархІилличи хІерризурси риалри, нунира кахІерираси, сецад наб сари
ригули хъалли. Каримлира ил барес гІягІниси саби. ГІяхІмадлира илала
пикри гІеббуциб ва хъарбаиб:

– Каримли балулив сунела гелиннис ну игахъни?

– Балули ургар. Лебилра шантани балули, ца Каримли хІебагъурли
кавлану? – суаллис суайчил жавабли биахъубли, иб Атани. – МажахІят
Каримли цархІил игуси рурси кариэс? – тикрарбариб Атани.

ГІяхІмадлис гъанбиркусири Атахъали, чула хІянчилизи бархили, гІур
дунъяличиб селра я чебиуси я балуси хІебургар или. Адамти багъес гъа-
мадли буили ахІен. Гъарил адам дунъяличив хІерирули, цали ца чебиули,
балули хъалли, бухІнабси дунъя гъар адамла декІарси буилигу.

– ХІуша цалис ца дигули гІергъи, лерилра далкадиркур, – ГІяхІмадла
пикруми къябаиб Атани. Пикриухъи ибу яра пикрихІевхъи ибу, амма илала
гъайлис ГІяхІмадли къабулли ахІенси жаваб бедиб:

– ХІу сейкІулрив, Ата? Ца биштІаси хъалиалра биалри дила.

– Ишаб бирехІе хІедра хъали. ХІера итди къркъара, ишди гІянжира, иш мерра, – разили дукаругиб Ата. НушакІун ишар сарра иткъира хІердирути. Иш нуша хІердируси хъа мякълаб ца гъатІи хъали барили хІушара дуудая, хІушаб ца къялра лугехІе, – цагъакІли лерилра тамандариб Атани.

Ну чи сайра ишис, ишкъяйда къайгъилизиикес? Юх, наб ишди адамти дила бегІла гъамтиван дигахъни хІязлис буили ахІен. Се бетари наб, ишдаци кършихІейкибси виасри? Буили саби дила талихІ. Атала гъайли, рурсили сай игахъни бурибхІеливан, разивариб. Къадурбази дирихъван, цархІилти пикруми дакІили, хІярхІя чегибхІеливан, михъирлизи буцІарагиб. Ата ахІен къалли ишдала халаси, Къайыпбег сай. Ил сейкІара? Сунела узикъарла уршила гелешмеш наб кариахъес разииркуру Къайыпбег? Атани сегъунти-дигара гъай дуриси сай, Къайыпбегли гъар секІал пикридиру. Илала гъай саби нушаб закон. Дуклума агарси арцес хІейрни хІергъуси левра къалли ну. Селичи хъуликІусира? Мекъ барес се леба дила? Се бухили леркуси цІикури? ДугІла хъулани. ДугІла пикруми. Селра барес ахърихІебикІур. Се талихІ бириси дила, эгер дила ригуси талихІ-черрарес ахъри хІебиалли? УркІилис се дигули, гъатІи? Сен уркІили ил секІал хІергъуси? Сен ил паргъатхІебируси? Пикрумазиикибси ГІяхІмадла хамха бицІулри, атхІеб бяхІличи барибси дяхІиван, кІантІкабикІули. Ге, ГІяхІмадла уркІи сунела къисматличи чилра агарси мерличиб бисулри. ХІулбазирад биалли, шурличирад чяхІдикІути шинван, нургъби кІантІдикІулри. Атани ил уркІичеввариб. Биалра ГІяхІмадли илдачивад арукъес пикрибариб. Се-дигара биаб. Башуси хІявбецІ калунсири, бикІар, хІебашуси бецІ бебкІибсири, бикІар. Бетаруси бетарар.

Къайып сай цаси хозяйстволизи керхни багъахъес Атахъайчи гъав-вакІиб.

Дудешла хумарти дяхІ чедаили, Ата гъалаксаур.

– Дудеш, се бетаурлив?

– ГІяхІулалли гъар-се секІал дедес разиикира.

– Гъалав хІелугас викІусиригу хІу, гъанна се бетаурли?

– Дедес чевкъули саби.

– ХІуни гІяхІулалли хІегадли, чилилра керасес хІейрар. Нушаб илдазибад урехи агара, дудеш.

– Керису, нушара детихъахъура. Пачала кІялгІни далли керасибтас, нуша чилра ахІенра.

– Бархъли бурасли, дудеш, нунира дакъира илдигъунти гъай, тупангра баршили хІядурли чебяхІахъира, ханжалра бугабарира.

– ГІягІнили ахІен селра барес. Нуша дявта диркъес хІяжатдеш агара. Илди хІянчи нушаниван дузахъу или гъанбиркулив хІед? Чули дархъдалта. Селра барес хІебирар. Дузахъалри, саби буцибти аги. ХІердикІехІе се бетарарал. Заманали гъар секІал далдуршу.

– Наб гъанбикиб, хІу разихІеркур или, – Атас мас-мулклизивад ухъес хІейгулри.

– РазихІейкес гІямал агара, дила урши. Ил секІал гъариллизи балахъехІе. Чарбирар дукибад.

Дукибад чарбиэсра халаси замана кали ахІенри. БерхІи тумла гІела хІус-бухъири. БерхІи лебхІеливан, алавла шалали ахІенри. Заклизир гъагулти агарлихъалли, гъуршбирулри. Гъарахъли хІедатурли, хІяйван-къача чула хъулрачи гъамли гІяйкаилри. Бизиси хурегла гягІли хъа-алавла бицІахъилри. БархІи ахъайчи дукиб бирути адамтас гІяхІси хурегра биэс гІягІнили саби. Къайыпла беркайчила пикри аги. Чарбиубмад Къайыпбег вакІнила мурад буриб. Хъулир хумардеш чедихъун. Гъарил сунеласун пикриикІулри. ГІур се бетарара? Бахъла бекІлизиб ил суал жургъбухъун.

– Нушаб селра кахІевлану? – хъарбаиб ахирра Насруллагъла урши МяхІяммадли.

– Лерилра секІал цахІнар диэс гІягІнили сари бикІули леб, нунира гъачам иргъуси агара, – жаваб чарбатур Къайыпбегли.

Илди гъай лебтанилра дакбилри, амма хІелугехІе или кабизурлири. Гъанна Къайыпбег сай гІяхІулалли разиикибхІели, ва хІякъикъат бурибхІели, чилилра дахъал гъай хІедариб.

– Биубси бирар, – иб Насруллагъли, – Къайыпбегли илкъяйда бирули виалли, нушабра ил барес чебиркур.

– Ил хІебарес гІямал агара. Лебилра ГІярасайлизиб илгъуна бетаурли саби. ЖалдикІнилизібад гІяхІдеш агара. ЦархІилтас биубси нушабра бирар, – Къайыпбегли Тавсултанни дурибти гъай илдази тикрардариб. Ит- иш бурули бахъхІи гъайбикІули калун. Къанси дугели кабихъун, амма бусути камлири. Лерилра жаланира дархъли арзили, гъарилла уркІи ряхІятбиахъести гъайра дурили кайхъунси Къайыпбегра усаэс хІейрулри. Суалтани сунени сай къагъварилри. ГІергъила бархІи илцад жявли ай-зесра хІейуб.

Къайыпбег айзурли, гъуни хъарахълизибхІа буциб. Хъарахълизибтазира аргъахъиб лебси хІякъикъат.

– ХІекъли бархъси барири, Къайыпбег, хІуни, – иб Залбегли, – Дила ГІисабеглира хъарбариб:

– Вари, вари, жалмадирхъудая или. АркъухІели, хІушачира гъаввакІили ахІенрив ил?

– ВакІиб. Буриб илинира. Иличила бахъли буриб набзи. Лебилра бикІуси барес гІягІнили саби. Бархъси хІебиалри, илцад адамти набчи ил суайчил хІебаши. Бахъла буруси марбирар. Се-дигара бетааб. Гаша хІедубкІехІе, нушала някъби лер.

Къайыпли сунела давла-мас гІяхІулалли лугниличила лебилра мажалислантани багъур. Лебри илини кабихъибси къиян мяштІбирутира, лебри илала мас бетихъниличи разитира. Лебри ил дукелщІиличи ихъили гъайбикІутира. Гъайла къантІа, ил мухІлилизі викиб. ЦацабехІтани илини барибси бархъсилізи халбирулри. ЦацабехІти тамашабиублири, сай гІяхІулалли разиикибхІели. Иличиб бузути цабехІти Мажалислизиб калес къабулбикіиб. ЦабехІти арбякъун. Илди архІябукъялри, Къайыпхъайс къияндирки. Сагати хІякимтас гъайбикІес сабаб лебри. Къайыпхъала къаравашунира леб эс бири. Арукъес пикрибариб ГІяхІмадлира.

– Аркъяс дунъя чебаэс. Белики чинаб-биалра бургис набра мер!

ГяxИмадла уркИ декIар-декIарти мераначи хьулбухьун, хIятта сунези илаб жибикути лебтиван. Хайдакьла кьугъати мераначивад кьабвердесра илис кьияннири. Сай чинав арукьялтира, сунела уркИ бутIнадбарили кавлусиванри. Ца бутIа Къайыпхъайчи кавлулри. Илди адамти сунела бегIтиван сабри. Илдала уршби-рурсби сунела узби-рузбиван сабри. Сунес кьияндикибси замана сай гевуцибти илди сабри. Ца уркИла бутIа Гюльперизиб кавлулри. Виэсара ГяxИмад мурт-биалра сунела уркИ цахI-набяхъили хIерис? Халаси декIдеш лебри виштIаси уршила уркИлизиб нешла рузичивад аркьухIелира. ГяxИмад гьаман илдачила децIикИ. Амма заманали паргъатра виахъуб. Илдас кумекикIанвиубхIели, гьатIира рази-виуб ГяxИмад. Белики гьаннара гьар секIал гIяхIлашал далдирес? Къадур-таци кьаршили калзни, илдачил жалирхъни дугIла саби. Бетаэс гIягIниси бетарар. Къайыпхъайчив гIур калес хайрихIебирар. Замана илгъуна сабри. ГяxИмадла гIелабухъеси, гьалабикеси секIал аги. Кани- кьуцурилизиб, кьуцури-къакъличиб.

– Укъен, дила урши, хIу чина укьядра, чисалра имцIаси ветхIеруд. Дила пикрири хIура хъайчи катурли, дила уршбачил варх хIерварес, амма дила пикри бартхIеур. Гьанна нуша гьар секIайзирад дулхъулра. Дулхъулра нушани дуги-хIери хIедикIули дузули сархибтазирад. Дунъяличиб лебси бархъдеш бетахъиб, арцIи абаибси хъучи кабикибси гьеван. Ил чилилра ахъIебурцу, сенкIун ил ахъбуцахъили хIебалта. Нуни балулра хIела гIямру кьулайти детарар, сенкIун хIу гьарилличил валикес вируси сайри. ХIу гIяхIси уркИла вегI адам сайри, – Къайыпли дурутаци ГяxИмадли селра имцIахIебариб.

ГяxИмад Къайыпхъайчи ваайчи, Таркантла, Къарабудагъла давлачеб-таци ваиб. ЦацабехIтани, хIянчи дарахъили, бугIярбиубхIели, дугIкайулри. Хъули чарулхъулра или, гьуйчи ватихъили аркьуси илис уркурличил диркъалавад чарулхъули Къайыпбег кьаршиикиб. Къайыпбегли урши уркурличи атур. Ил ца бурдибси хIеваличил чеили, сунела хIякализид вергахъур. Вамсурси урши хIякала ухIнав, уркурла ца шайчи хъаряхъили, усаун. Хъули абаибхIели, ил чучи укиб. Хъар-хъардаибхIели, ГяxИмад ятим дурхIя сайли увухъун. Янила замана сунела дурхIначил варх хIервариб. Илала дурабад мижитлизира вашахъи. ХIеблизив, ГяxИмадли илавад арукъес пикрибариб.

– Диркъала мер-мусаличи наб къацIла бутIалисалра хIянчи барес аркъяс, – иб ца бархIи сай хIерарибтази ГяxИмадли.

– КъацIла бутIа камбиубу хIед нушачи вакIила? Цайналра гушиуб-рив?

Къайыпбегла ахъси тIамали ГяxИмад тирхъухъахъун, урух валли виуб.

Къайыпбегла тIама Патухлисра гIяхIхIебизур ва биса дурадикес хIядурси урши ляввирусиван рехIрихъиб:

– Сен уршиличи тIама ахъбирисив хIуни, Къайып? Нушачивад арукъес дигули виалли, арукъаб.

– Нуни хIякъяхъулрав? Сунени бурибгу, бархIахъайчи буцIарси бар-

хИи арци ирциули узули хьалли, велкъес къацла бутла хелуги или. Ил нушачи вакѣбхѣли, илала куц чехѣбаирив? Чус узуси дурхѣялис чегъес палтаралра дарес хѣбирули гѣргъи, сен узахъусив? Сегъуна куцличил, яни садаибмад, дугѣкаилрил чехѣеирив? Къайыпбегли дурути таманхѣеди-убли лералли, гѣмзилав къакъгъавли кайзурли висуси Гѣхѣмадла симкъла тѣма бакъили, тѣашизур.

– Укъен хѣд дигна, нуни уцилрив хѣу, висес? – гъатѣира гѣясивиуб Къайыпбег. Гѣхѣмадла бисала тѣма ахъбиуб. Илдани цала цали хѣргъилри. Патух иличи гъамриуб ва малхѣамли някъли бекѣ хѣршбариб. Илини кѣлра мурул адамла уркъѣи аргъиб: халасилара виштѣасилира.

– Хѣд укъес дигули виадли, Гѣхѣмад, укъес вируд. Къайып-ази хѣчи уркъѣидухъи гъайикѣуси сай. Хѣуни дакъиригу илини дурибти? Гѣурра хѣу къайызиикахъес хѣйгули сай илис. Нушара хѣчи бурсикадиублира, нушаб хѣу дурхѣяван игахъулри. Нушазивад хѣу урузли виадли, урузизс хѣжатдеш агара. Хѣу, нушала дурхѣяван, гѣурра хѣериури.


Гѣхѣмад илди гъайла дакъибмад, хъярхъли ласухъун ва Патухличи, нешличиван, хъябруцикиб:

– Наб хѣушани барибсила хѣекъ, чинав-биалра узули, хѣушаб чарбарилли кабухес пикри сабри дила. Дила пикри Къайып-азини хѣргъиб, – иб хѣулби ушкули Гѣхѣмадли.

– Илала пикри хѣунира хѣргъири къалли, – иб Патухли, Гѣхѣмад гѣурра сунечи гъяжирули.

(Хъарахъуд бирар)





**Ибрагъим
ИБРАГЪИМОВ**

ЦАЛИЗИБ ВА ХИЛИЗИБ

Тарихла роман

(Хъарахъуд)

– Балулрив, урши, се бетарарал, варскъа ГИядулмажид уцумичи ваалли? – викIулри талхъан, хир-хирбикIуси тIамаличил урши Сайдуханничичи къаркъли хIерилзули. – Балули ахIенри, я пикрибирули ахIенри... Цахдеш! Нушала талхъунтала къамличи цIудара дамгъа кабирар. ГIур умубарес ва бушкес хIейрусичи. Сецад гъамти бархбасуни нушала лерлихъар, РяхIимхан мехIур ахIен: сунела мугъурличил къалпла кагъар цалабяхъни ва узданничичи бухни илини сунечир нуша чердукардяхIнилизичи халбиру. Къянала гъуни къантIа бирар. Илини сунела таркамантала гIяскар бархъесра асубирар, илхIели нушала къур цахIнаб ибгу. Балулрив, илкъайда биэсра асубирар?..

– Чевверхи, дудеш, РяхIимханнис нушани савгъатуни дурхъехIе, – ургаухъун Сайдухан.

Илди дугъби аргъибхIели, талхъан гъатIира вачавяхъиб, ухъалав калес хIейуб, ахъбуцили юргъанра, тахличирад гъярцIа къяшми чIябарличичи сурдатур.

– Агъ, Аллагъ! ТамяхIкардеш! ТамяхIкардеш! ХIехара пикри, хIура хIехарали левалри, дила урши. Марли, хIед гъанбиркулив Хайдакъ-Даргала талхъан РяхIимхан нушани бухеси савгъатличичи хъарикили сай или? Нушагъунти вецIани талхъунти асес ва бицес ахъри-даража лер илала. Элелей, мурт духуирусичи гъари хIу?

Къукъубачи кайзурси Сайдуханна къяшми изесдирхIулригу, гъалабван дудешли уталичи яра гIянайчи кайахъес илис маслигIятбирули ахIенри, багъла-багълали андара хъябра майали дирхъулри. Дудеш вархъли викIулри, биалра, гъатIи цархIил гIяхIси пикри илала бекIлизи абицIули ахIенри. Талхъандешличичи бараван илизичи акIубси хъулра лебгIеб гъарахъли че-

биуси дирихъла кІанаван сабри, багъес хІейрар, белики, гІяйбиубли илра бетихъурал. Дудешли сунела амруличивад чевухъунси рягІят адамличи ахІенну, хъалибаргла бегІла гъамси адамличира уркІецІи-ряхІму далути ахІен. Чили балуси, бекІаличил ургъули, гІергъиси гъигълизивхІелира, илини се пикрибирул, шелра рурсила гуявтазивад, ца чеввикІили, иличи талхъандеш хъаркадирул. Ту, тавба, шайтІа лихІи гІянцІбиаб!

Сайдуханна гІякълулизиб сай виштІали левай бетаурси анцІбукъ лаг-бизур. Къакъларти къалмакъар. Талхъа урши виублихъар, сунени гъим-букІахъибти уздантала уршби алавбухъи, ил итхІели къянкълубазивад хІили ватухъахъунсири. СимкъикІули хъули вакІибси урши, игъбарлисван, нешли декІарли цархІил тавханализи арукиб. Умуварили, бара паргъатварибхІели, дудеш чарухъунсири. ДубхІехъили, – ашкарли, илини гъар секІал дагъурли вииши – никІа урши Сайдухан някъ буцили сунес гІелавад арукибсири. Живарили ца нукерлизи ил гъала-гъала чІянкІуватурли, гъярцІа мурчІли витахъиб, гІур укили такъсирчиби кабалтуси зинданнизи лайвакІиб. Дуги-хІери илав гушли ватурли гІергъи, нешла тиладлуми багъандан, дураватурсири. «Ягъари, ил нушала урши къалли, ва дила ахІерси Чамсудин, вахъ цІакъли языкъхІерибси виадри» или, неш гъайрухъунхІели, илини ибсири: «ХІуни, ашна, илизибад нукъа къала башес дигулри. Илкъяйда асухІебирар: талхъа урши нукъа къала виэс хІейрар. Нуни илизибад шанда къякъ барес дигулра: пяхъбикІуси, лерил дялчуси, саби хІябълчуси...»

Сайдуханни дудешлизибад малхІямси дев гІергъити чумал дус сабри иргъуси. Сай пулукІиубли бажардихІеркни аргъибхІели, урши сунела мерличи хІядурварес чараагарли биънила хІекъдеш гІякълулизи къутІ-бухъунхІели...

Сунела гъалав суждаличив языкъиубси уршиличи сеннира Чамсудинни пикри бяхІчиаиб, иличибси хІялра аргъиб.

– Айзи, урши, ит мякълабси уталичи кайи. Нуни бурси гъарил дев аргъес къасбара.

Дудешла маслигІят аргъили, Сайдухан харчизур, дудешли чебаахъибси, цІудара сакълали чедила кабуцибси уталичи кайиб.

– Халал ГІяяла вегІбекІ ГІябдулмажид РяхІимханничи ваахъес асухІебирар, – уршилизи ахІи, сунези сунени бурухІеливан, паргъатли иб талхъай.

– Нунира ил секІал балулра, дудеш.

– КъаннибегІ балули леври: гІягІнили бурги къалпла кагъуртачил ил варскъачи укъес?

– Наб гъанбиркусири, уцумила шайзибадси кагъарли иличи асар биру или.

– Барили саби, гІяхІси асар барили саби: гъанна ГІябдулмажид, махъира бархъбатурли, МизилбакІи ваили ургар?

– Дудеш, нуни ил анцІбукъ ахирличи биркахъис!

– Сен-сен?

– Гъачамлис дурусбарили ахІенра, бирар илкъяйда.

– ГІябдулмажид сапарличи дуравхъи гІергъи?

– Юх, дудеш, ил уцумичи ваахъес хЕелтас!

– Вишира? Бирхауди хЕечи камкабикЛули саби: гъайра баркъудира дарх дикес вирули ахЕенри, ил вайси лишан саби. Гъу, жягЯл-царахЕел хЛу Гъазагала талхъан ветаруд. ИлхЕели хЕед пикрумазивра баркъудили-зивра къярдаван калзес гЯгИнибиркур. ХункІра чІумали бихЕес чебиркур: тІулби хІярхІдухъуну, хункІ бамбала бетарар, илхЕели алавти махъурбала узденти ахЕенну, рягЯт адамтира хЕечи лехІхЕебилзан... ХЕед, урши, багъес чебиркур чичил секъяйда гъайикЛусирил, секъяйда вяшикЛусирил. Адамти вацІализирти галгубиван жура-журала бирути саби: цабехІ хурван кІантІити, цабехІ мигван чІумати, цабехІ биалли диршла мурчІван булкЕес бирути... ГЯбдулмажидхъала жинс хурла урца ахЕен, илдани я ляв я маймай чехЕейсу, илди урухбарес гъамадли хЕебирар. ХІянзанзи бяхъиб-хЕелира къизбикІар. Илис сабаб цІали бигубли, хяса-пухІличи шурбатурли агарбарни саби. ГЯбдулмажид чархлизиад ца гъигъ дурабурхули левай мутІигІхЕейкІур. Илгъуна вири илала дудеш Мухтасарра, чевверхаб набчивад къудратла вегІ Аллагъ. ИтхЕели халаси хатІа барира нуни, халати ганжубар бецІ назикси кецІализиад бетарни пикрихЕебарили увухъунра... ХЛу пикриухъен, урши, замана хЕерли хЕебуар.

– Нунира балулра, дудеш, ГЯбдулмажид сеннира уцуми РяхІимханничи дурахЕевхъи хЕевъар. ИлхЕели нуни мер бургис, гЕергъииркус. Ца шайтІан шакхЕебикахъили, илала аги ибгис...

Чамсудин дукаряхІиб, амма зер-зербулхъуси илала михъирлизиб дукел-цІиличил хъехІ бархбикиб. Камси манзил гъигъ тІашбизур, илала дяхІличир хъанцІедеш дакІудухъун. Харчизурли Сайдуханни дубсила тІаслизиса гажин касиб ва дудешлизи шин держахъиб. ХъехІра тІашбизурли бараван ряхІятиубхЕели, талхъан сагали гъайухъун:

– ХЕебиалли, хЛуни ГЯбдулмажидла жан айсид?

– Дила пикрили, дудеш, ил цайли ца бархъси хЛукму саби.

– Вайси ахЕен, сепайда, хЛуни дила хатІа тикрарбирулри къадин. Ца гъярличи кІинасра чекайцІни лебгЕеб вайси саби: анда бячесра асубирар. Бара гъаларван хЕези дурибти мисалти ца лихІили дуцили, итиллизирад датаилри. ХЕергъири, хЕергъири, дила урши, хЛуни бурибси. Сегъуна-дигара хЛуни галга бяхъя, аммаки илала къялуби сагали ванзализирад дурадурхар, сенахЕенну илала мякъи гъачамлис кали сари. Хъуммартид – бегІла гЯхІси душман ил вебкІибси душман сай! Галга мякъязиад бухъес гЯгІниса саби...

Сайдуханнис ухъна дудешла уркІибарес серил имцІабарес дигулригу, бетхЕур. ХЕерила акбарла ахъси тІама чехиб.

– Гъу, диур гъанна дурибти. Тавба астагъпирулагъ! Чевверхи, Къудратла вегІ, хЕела бунагъкартачивад. ДяхІиба вахт гъамбиубли саби. Аллагъума салли гЯла МухІаммадин, ва гъала али МухІаммадин ва саллим. АркъехЕе мижитлизи: тЯгЯт сейрайчиб гъалабси саби, дила урши.

АлхІямтира делчІи, муцІуртачирад хъутрира чедидеркІили, илди дурабухъес балкъаурхЕели, тавханала унза жикъдухъун. Гъаббашахъули кЕел никІа уршира, дарайла шиниша хЕевалира цІуба декІалира кІапІрарибси чехъери хъунул адам арацІиб. Ил Зайнаб сарри, талхъа ургарси рурси, Дибга ГЯяла уздан, мургъи-арцла уста Амирха урши ХІяжимурадлис хъалларарибси.

– Ва дила ахІерси ада, асубирану нушаб хІечи дакІес? – иб рурсили, талхъайс икрамбирули, хІягта унабурхІра ахъили, тавханализи раили риалра.

– Ишдигъунти нартани баркъибси рурсилис дила унза мурталра гъаргти сари. Даширая, даширая дила дигути! – талхъай сунечи гъамбиубти жагали балкъаурти рурсила уршби кІапІбуциб, тахличи кабатур, кам-гъамти яхши-хушра дарили, сайра илдала мякъла кайиб. Рурсила уршбачир цІудара сакълала сукъбанти лерри, сарира цІуб арцла ирма вайлизирад дигъунти: багъеслири, муртрил Дибга ГІяяла вегІбекІ, ГІярбукІла шилизивад ила гечиубси ва минала адам ветаурси Амирханна урши ХІяжигІяхІмадли дарибти диъни илди ирми.

Зайнабли декІала удибад цІудара мяхІяулли бицІибси урца кичІа дурасиб, тахла мякълабси уталичи кабихъиб.

– Арадешлис пайдалати сари, бикІар, дудеш, къаравашлизи мяхІяулла чъй дирахъехІе.

– Баркалла, дила рурси, хІуни дакІубируси къайгъили ну гъачамлис дунъяличив вихІусигъуна сайра. ХІела рузбира хІуван зумали набчи гІяхІлад башути биалри...

– Башар, башар, дудеш, къакъамайкІуд, нуни илдазира иргъахъис...

Илдаци хІерикІуси Сайдуханна миxъирлизиб Зайнаб рузичи халис-дешла миликъра виширбухъун: «Балули сари Зайнабли дудешлис гІяхІуларис. Нуни рузбанигъунти лъав-кІучІ чинар далути? Я дагъурли-декІар мурул адамличи лайикъдиркуру? Дудешра хІехара ветаурсигъуна сай, чехІейиду, рурсила уршбачил вичІиркайкІули, дяхІибалара хъумартурсигъуна сай...»

Зайнаб узичи хІерризур:

– ХІура вакІадив, дила дулекІла узи? Вамсадив, сели виркъадив? Чинара хІела Шагъриханум? Сен саби хІела лачинти Батирбей ва Сарабика?

Рузила суалтала духемлис кам-гъамти жавабтира дурили, Сайдухан дуравхъес хъярхъикиб.

«Нуни барибси хатІа хІуни тикрармабирид», «мякъязибад хІебяхъибси сегъуна-дигара галгали къялуби сагали дурадуршу», «ца билхлаличи кІинас чекацІни лебГІеб вайси саби», «халати ганжубар бецІ назикси кецІализибад бетаруси саби», «хІянзанзи бяхъибхІелира къизбикІар», «хъумартид – бегІла гІяхІси душман ил вебкІибси душман сай»... – дудешли дурибти насихІятуни илала лихІбазир гІер-гІералгъулри. Илдани Сайдухан сагаси, гъатІира кахси баркъудиличи гъириулри...

* * *

Ил бархІи бархІехъ Халал ГІяяла биштІаси агълу ГІябдулмажидла юртлизи цахІнабикилри: урши ХІямзат ца дус виублири, гІяралагъунти ва хъахъриван дугати кІел цулар гъардакІилри. ЖъавхІелла гІядат хІясибли, шабши делхъес ва узи-уршилис дутІес гІягІнилири.

«Илгъуна анцІбукълис шабши делхъи гІямалхІебирар, – викІулри хъа вегІ. – Нешер кигъара белгъи, букІун хинкІра барили, гъарушла бархара барили, цакамси шадлихъ бирехІе...»

РягІят хъубзара Муслим-азини къасапчидешра дали, къазанчидешра

дири. Хѳера, илини кигѳа белѳги, архѳили, азбарлаб чебизурси халаси кѳазайзиб белѳхахѳири, хинкѳи кадухайчи хѳерлири. Гѳар биркѳусилизиб илис урши Батирлира кумекбирулри.

Юртла кѳиибил дерхѳличибси гѳарзаси хѳулиб Гѳябдулмажидла хѳалибарг лебри. Мурул адамти кѳалтин убушибси чѳябарличирти гѳянулбачи, кѳяшмира делсахѳи, кабилри ва хабуртази ахѳилри. Никѳаби итил шайчиб хѳязтабиркѳулри. Илдани бируси хѳязра ца сабри - «Чѳялтѳни». Журуга шел кѳаркѳа ярга-яргали лайдикѳулри, илмадан дуцили ца мерличи кадирхѳулри. Цалра кѳаркѳа кабикахѳибу – хѳяз итилли даимбирусири. Хѳязла бутѳакѳянчибира шел лебри: хѳа вегѳла вегѳал дус риубси ургарси рурси Аминат. Чукурбиубтазир ил бегѳла халал сарри, илбагѳандан хѳязла низам илини бузахѳулри. Гѳябдулмажидла узи Мусапирла урегал дусла гѳямула урши Салихѳбек ва гехѳел дус риубси Таибат лебри, кѳилизанти Хѳясан ва Хѳусен хѳа вегѳла узикѳар, Цѳурмигѳя махѳилизив хѳерируси Гѳялибегла сабри. Илдира чула тухумличи шадибгѳуни барес гѳяхѳлад бакѳилри. Гѳайгѳай, гѳама-гѳама агарли хѳязтабиркѳес хѳебирар, илдала вѳяв-гѳявличи ва жалтачи халати замана-замана чебулхѳулри: «Хѳяла кецѳни! Камкадарая гѳама-гѳама яра хѳулирад дугѳиурая!»

Гѳести гѳямула кѳараваш хѳунул адам Хѳялиматли мурул адамтала гѳалабси кѳумурлизи хѳумхѳертурли се-биалра беркеси бихулри, кѳяцѳ, нуси, бурт, жерши, цѳедеш ва, гѳайгѳай, хѳумхѳертурли бацѳбиубмад илдала хѳаба сагали гѳярушлира бирцѳулри.

Чѳянкѳли хѳулибси агѳулизибад кѳел адам – Хѳяжибегра Сайгѳанатра – чула саби цархѳилтачибад тѳяйдилитахличичи кабиилри. Илдала саби-бегѳси лѳякѳир сабри, чизилра хѳебикѳахѳуси, я бурхѳебуруси, илди, тѳяп дукѳлаур лагѳниван, хѳум-кѳумбикѳулри.

Хѳулиб таманни бархѳехѳла гѳуршдеш гѳяйкабиубхѳели, кѳаравашли авалра лацѳла бѳяхѳяназирти кѳасурбачирти шайтѳан чиргѳми алкун, гѳур дурурухѳес гѳалар хѳа вегѳличичи дугѳаризур:

– Хѳурматла Гѳябдулмажид, хинкѳ хѳядурли саби. Асубирару хес?

– Асура бирар, нушара хѳерлира, - иб хѳа вегѳли, узи-уршилизи авид гѳярзабарахѳес лишанбирули.

– Гѳу, чинара Салимат? Сен набчи хѳекули Хѳямзат?

Хѳужаимла илгѳуна амруличичи хѳерли кариибсиван, гѳела хѳулирад, дуклауцили виштѳасира сайра, Гѳябдулмажидла хѳунул Салимат дурурухѳун. Арукили дурхѳя дудешла дукла катур.

– Хѳямзат вегѳ лев? Дус виубли сай, ниѳла цулби дакѳили сари, сири бархѳбатес дигули ахѳен.

– Духули сай: сириласигѳуна паргѳатдеш адамлис гѳур чинаб лебси?

Дудешла дуклав Хѳямзат виширсавхѳун: белхаагартити дугѳбира дурули, дудешла берхѳибси муцѳурличичи кѳелра бачѳи гѳадатур, гѳез дархахѳиб, зуздариб.

– Эѳхѳали, шабшира чедиули ахѳенра яра гѳядат барсбиублив? – гѳурра гѳамадариб Гѳябдулмажидли.

Салиматли гѐла хъулирад делхъунти шабшили бицѐбси халаси сукура кабухиб, мурулла гъала кабихъиб.

– Бисмиллагъи рряхѐмани рряхѐим! Я, Къудратла вегѐ Аллагъ, дила Хѐямзатла бецѐла ганжубиван чѐумати цулби детаахъа! – илини мехѐлизир шабши касиб ва деркун.

– Амин, я Аллагъ! – тикрарбариб лебтанилра.

Хъа вегѐли сукура мякъла кайибси узичи гъамбариб. Мусапирлира, шабшира дукули, иб:

– Дила узила уршила мицѐирли левай цалра цула камабикаб!

– Иш никѐлала цулбас гѐямру керхайчи чѐямбареси каммабаиб!

– Нушала вегѐбекѐ Гѐябдулмажидла хъулиб баракат имцѐабаиб!

– Хѐямзат хабуртазив уреси гѐяхѐгъабза ветааб!

– Бегѐтас ва узи-уршилис хъарихъли виаб!

– Духуси урши акѐаб!

– Талихѐчерти гѐямру къадардиаб!

Халатала мубаракунѐ тамандиубхѐели, шабшила сукура никѐлабачи баиб: илдас мубаракунѐ-деклар хѐяжатли ахѐенри, къалаба-къалабали сукурализи чула кушри даахъиб.

– Гъанна набзи вихая нушала Хѐямзат, – иб къараваш Хѐялиматли нешлизи чарварибси урши сунени дуклаурцули. Илини, цитѐитѐвирули, Хѐямзат хъулив жургъвариб. Цуг-цугли хъулибтачи Хѐялиматли белчѐунси дезара баиб:

**Гъей-гъей, заб дараб,
Забличил ризкъи дакѐаб.
Берхѐили нур чахъдараб,
Ризкъи хѐябкъяркъядиаб!
Сабухъ халаси бакѐаб,
Усурби пѐякъдикесли,
Анкѐили гарчли дицѐаб!
Гъей-гъей, жан Хѐямзат!
Хѐу кичѐаличил гъаввакѐ,
Делхъун шабши дихули,
Гѐялам разибирули,
Бегѐти харибирули.
Гъей-гъей, жан Хѐямзат!**

**Хѐед чѐумати цулби дакѐ!
Хъулибтас баракат бакѐ!
Дурабтас берхѐи гъаббакѐ!
Иш дунъа къугъабаиб,
Къугъатира бахъбааб!
Нушала хужаимла
Уршила хабардерхаб,
Урши варкъиб абала
Кани хѐялбани бицѐаб!
Гъей-гъей, жан Хѐямзат!
Абас – цѐуба мукъара,
Адас – юртла къяца гѐал,
Ургъаби хѐу, верхъаби**

Хинкѐра берки, гъарушла дерхъабра дарили, хъулибти гѐурра хабуртази ахъибхѐели, къаравашли хинкѐлала кѐабатѐ делхъунти хѐяжла хъарала ва хѐяжланкѐила сулкънала кѐабатѐличил барсбариб. Дубсила тѐаслизир жявли дилкъути кѐурухуни хъярби ва цѐуба гѐинцби кадихъиб.

– Нушала къазанчи Муслим-ази чехѐеирагу? Сейуба? Нуни ихтияр бирулра илисра нушачил варх къумурла мякъла кайрахъес, - хапли хъа вегѐ къаравашличи хѐеризур.

– Хиу араваркъ, хИурматла ГИядулмажид! Хиуни дарибти гИяхИдешунани илала бекИ жургъбухъахъи саби. Кигъала бекИ-къяшличи вахъ разиубли, хъули арякъун. Уршира варх арукиб.

– Вати, узи, рягИят хъубзарас сунела мер дигахъу, – иб Мусапирли.

– ВегИла анкъилабсигъуна берка тИягИям алжанала нигИматунази катурлихъар, ца-ца адамли хИебала, – гъай ургабатур цИурмигИян узикъар ГИялибеглира.

– ЦадехИ гИямру сари, дила узи ГИялибег, секъяйда деркИахИелра, илкъяйда арра аркъян, чичилра хИерли хИедуар. ГИямрулизиб нушани гИелаб батес дирусИ баркъуди саби: гИяхИси яра вайси. ГИиниз барадли, гИелабтас гИиниз кавалан, галга бяхъядли, вайси хабар кавлан.

– Ягъари, ГИядулмажид, нуни аргъибси хабар бархъсив? – хъарбаиб ГИялибегли.

– Се хабарличила викИулри?

– Хиуни рягИятунИ азадбалтули ибси?

ГИядулмажид бара-бара пишяхъиб.

– Эллелей, дила узи ГИялибег, хИура пешкеш адам леври къалли? ХаласИ хабар хИебиалли? Адамтани гъамадли дагъара бумгахъули бирар, буребала бехИлизибад дубурара бетарахъу. Чинаба дила рягИят адамти? Хъубзара Муслимра илала урши Батирра. Калунти дила хъалибарг, узи-урши саби. ГИяпабаркъ, дудешлара лебти авал рягИят хъубзара бири. Кадерхур илдала гИямру. Чинара рягИятдеш?

– Сеннира хИуни Муслим-азила хъалибарглис Къяцала Муза пшкеш-барилри бикИаргу?

– Барилра. ПашманхИейубра... Даг унцира дедили, илизи хъура бацахъ-унра. ХИеблис хИядурбарахъира. Иншааллагъ, белгИухИели Муслим-азис хИебла ризкъира дедлугас. Вайсив гъатИи? Ца хИуни чеадри ил пакъир ит бархИи? Вахъ хИулукИили висивииб. Илгъуна талихИла бархИи илала гИямрулизиб мурт биубси яра мурт гИур бирара? АсухИебусив рягИят хъубзарасра талихИчевсили виэс? Вирхаи, дила узи, илис барибси гИяхИдешли дила уркИилизибра берхИи алкахъун. Хиуни дила баркъуди къабулбирули хИейиши?

– Ну сейкИиша? Хиу сайри Халал ГИяяла хужаим, баресира хИуни балад. ЧИянкИли махъурбала хала бегИтани рягИят хъубзури азадбалтни гИяхИси баркъудилизи халхИебиру. РазихИебиркур...

– Гъай агара, нунира балулра илкъяйда бетарни.

– ГИядулмажид-узи, дила рягИят хъубзури агара, биалри, хИела гИибрат гИебисира.

– МайкИуд. Хиура мискин ахИенри: хИела мазала дурзам хИябал букИуй хИербирули саби.

– Биаб гъатИи, амма илди рягИят букИуни ахИен, дурзамлизир саби-бегИти маза-мас лер, чус дигухИели набчибад арбукъесра бирар, азадли саби.

– БегИла гИяхИси барилри, дила узи ГИялибег: хИера, ил хИура нуван урхИличилара пикриикИули калири. Адамли ахират дунъяличив левай исусИ саби. Сахаватдешлис, уркИеци-ряхИмулис... ЦацабегИтани биалли – давла-

лис, мулклис, арц-мургылиис... – Гябдулмажид, буруси таманхлебарили, тлашизур. Бурес пикрибарибсира Гъзагала талхъунтала мас-мулкличила, илдала гъаргъдешличила, сунечи илдани дяхичииути зулмуртачила сабри. Илданикун чула къамла дуравси адам адамлизи халирули ахленри. «Юх, – пикриухъун Гябдулмажид, – дила гяхли бамсрияхъес набчи баклибти саби, дила зуглума арзес я аргъес баклибти ахленну. Гъар секла сунела мер ва замана лерти сари. Вегла челукъутала урхлис мах барни гяхси баркъуди ахлен...»

Илди ихтилатбиклули лебли, дурарад къукъули тламадариб. Хъулирти ваях, лацла бяхяначирти къаркъала сукураби, дубсила тусри зиргъир-духъун.

– Субханааллагъ, субханааллагъ, заб-маркаличи аргъ балкъаурсигъуна саби.

– Къукъу къалли бегла пергъитигъунти сари: глебшила заб-марка накъра агарти дирар.

– Сепайда, дила узи Гябдулмажид, Хъитала бехлизирти хъумачи ризкъи дегес бажардихедикилра къадин, – сунела къакъавакни иргъахъули, иб Мусапирли.

– Паргъатии, узи, лерилра бурхни Аллагъли дурхъути сари.

– Нагагъладан Чевяхисини икъалабаралли...

– Биру, биру...

– Шукру виклен Аллагълизи.

– Гъанна хурматла Гябдулмажид, дигахъира хуни балга барили, нушабра чардухъес замана баили саби. Маркалиу дикесра беклил хейгахъира, – хъа вегличи херизур Гялибег.

– Дила янашар шалахедиркулив? Хела килизантира хура урзес балкъаурси аргълизив чина аркъусири? Савли чарулхъад хела издаг Сабиятханумличи.

– Баркалла, дила узи, нушаб даклубируси къайгылиис. Эгер хуни ит дила Сабиятханум ралуси виадри, илкъяйда хейклади: илини хушачира хилхи дархъибтира. Къандиахелли – атхедицахъехе.

Хъулибти ахъли дукарбахлиб.

– Ралуси сари хела Сабиятханум. Ил нушачи парх сахерукнилис дила Салимат хечирад черхерурхар.

– Салиматли иргъу: ил раклесли ахлен, гъамли наб илини ца гъатли нарт пешкешваресгу виклура.

– Сегъуна разидешал?

– Биаб ху виклуси!

– Игъбарла бегти адамти иш дунъяличибра камбирули ахлен къалли? – писбатур Мусапирли.

– Игъбар бегли леб, наб къайгъни имцладирули сари: дурхни абикъесра гъамадси хянчи ахлен.

– Къакъамайкуд, дунъяличив гъарил аклубсила сунела къисмат лебси саби, алкукад къадуртази белкунси.

– Чуйна бурадра, илра бархъси саби.



Балга-дугЯра делчи гъала-гъала ГЯлибег, гIур калунти узи-урши чула хъали-хъайги чарбухъун. ХъалицIара ибгили, къараваш ХIялиматра ар-рякъун. Сирила каркъибси Хямзатра гъанкIлизи мурхьикиб.

Ухъалаб биалра, гъачамлис гъанкI агарли калунти мурул-хъунул ГЯб-дулмажид ва Салимат сабри Илдани лякъирла цархIил гъимир къикIализи рургулри.

– Жан ГЯбдулмажид, мякъяд хIу уцумици. Селис гIягIнили? ГIярзухъ-ни багъандан, Гъазагала талхъай лергIер душмандеш чекадурцу. ЦархIил пикрибареси агарсив гъари?

– Агара, дила ашна, Сайдуханни ил секIал аргъахъиб.

– Нушала ГIяя илдас сурслизи гъакабикили сецадхIи кавлусив? Мурт лукъутира талхъа къам мас-мулк?

– МурткIал хIелукъан, илгъуна жинс саби.

– Аллагъли илдала уркIбази сен гIяхIси пикри хъурахIебирахъулира?

– Мижитлизир дахIибала дирулихъар, дила Салимат, илди Аллагъличи гъамти адамти ахIен.

– Вай, аллагъ, се бируси? Сен нуша паргъатли хIердияхъес хIедалту-тира?

– Талхъунтас саби ахIи азадти адамти хIейгахъу. Нуни биалли, хIунира чебиуливан, ца Аллагълис ахIи икрамикIес хIебалас. Уцуми РяхIимхан-ничилра секъяйда гъай дехIдирхъутил, балули ахIенра. Набзи ил кагъар чебаахъа викIалли, се ирусив? Кагъар дила някъбазиб агара къалли...

– Илсрагу хIези рикIуси, ну хъунул адам сарра, амма дила маслигIятра вайси ахIен: паргъатии, дила мурул, чиналра вашес гIягIнили ахIен. ЦIабилкъ халтIбиралли бирар лами улкуси.

– Гъай-аман илкъяйда биалри...

– Белики, Чамсудинхъали хъул бердили паргъаткабиэс?

– Хебирар, ашна. Синка янилис бусес кабихъалра, хЕб чебиргъур, гашили гЯярличи дурабирхъу. Сайдухан гушли хЕйалра, нушала мулк-личи карцЛи сай. Юх, хЕйрар ил паргъатли уэс.

– Талхъай сен сунела урши ряхЯтхЕйруси?

– Эгъ, дила ашна, хЛуни далути агара. Талхъан виалли цАбилкъчи, уршила падализи цАдуршусира ил сай. Сунела замана мурад бетерхъ-ес хЕйубси ил гъанна, дунъя бархъбатес замана баибхЕли, нушала ГЯя багъандан къагъиубли сай. Хайрила мабиабну сунела ахир!

– Тавба аллагъ! Мабурид гъари талхъайс илгъуна диргала! Бунагъ бирар...

– Илдигъунти хЯсадкарти талхъунти хЕбирар! Я ну урухварили кАн-тИварес хЕбирар!

– Паргъатии, дила ГЯбдулмажид. Пикриухъен: дугели гЯхИси бизиси гъанкИ бирар, савлила ГЯкълу умули бирар... Тамара гЯшбара, нушала лачин чевиргъурну. Даг дугира биса тАшхЕиб, гЯнручИ баайчи сири гард-бирули калунра. Гъалав илгъуна хЕйри ХЯмзат. ЗягИп-мага викилира?

– ИшбархИ ил зягИпли ахЕнри.

– ГЯхИдешлисалра диаб нушала уршила биса.

– Лайла белчЕс хъумартурли рургуд? ХЯмзатлис хЕела тАма ди-гахъу?

– Лайлаличи лехИра хЕйзур: хЛугъуна варскъа сай.

– Биалра, ашна, ахъбуца ишдугира ца лайла: хЕела макъам иргъухЕли, бахъ тЯгЯмли бираргу набра ускаэс. Сунела бунагъ-хатГа урдуц, неш гъанриркахъу, хЕела лайлара дила нешлагъуна саби. МалхЯмси, гъайбатси, чарх ряхЯтбируси. Гъу, Салимат, ну лехИлира, ХЯмзат ускаи виалра, хЕела лайла хЕргъили, ну ускахЕлас!

– Дигахъид хЕед масхурти! Гъанна хЛу гъести гЯмруличи ваилри: жягЯл-царахЕел хала дудеш ветаэс асубирар.

– Се ири? – уркИухъи хЕризур рархкъячи ГЯбдулмажид.

– Се бизса, нушала Сайгъанатра виштИасилис хЯдуррикЛули сари.

– Нуни сен хЕбагъурра?

– Тамашамайруд! Мурул адамтази хЕдалахъути хъунул адамтала дахъ-ал дигЯндешуни лерти сари. ХЛуни хЕдалухЕливан? Урезили рубкЛули, Сайгъанатли ишдуги сабри ил хабар набзи шивкИивбарибсира.

– ХЕрагу ца, ашна, илкИун гЯхИла хабар саби? Ну левГев разииубра.

– ГЯхИла хабарличи чи разихЕйрара?

Салиматла буруси каберхурмад, къукъу-рямкъяр тикрардиуб, улкъай-лизибад хъули абацИбси лямцИла шалали ца зимла манзиллис хЕрели-ван хъали шалабариб. Хъалчир забра мекъличир дамрухъяла мурчИван къутИурдухъун.

Сирилавси ХЯмзатла хункуръала чеhib, гИур - назикти бисара. Сали-матли, гЯш-гЯшли «эш-ш-ш-ла» агира каили, сири гардбариб.

– ХЕзи ирагу, ашна, бехИбихъа лайла: нушала батир хЕела тАмаличи хЕрли сай.

Ва дугила лехІдешлизиб Салиматла лайла гІеб-гІебагьур:

**Лаилагьа иллаллагь,
МяхІяммад Расулуллагь,
Иш нушала ХІямзатлис
ХІуни гьанкІ бархьа, Аллагь!
Дусли халавиани
Базли халавааби,
Шишимайзи майкаби,
ГІяхІгьабза ветааби.
Сири, сири сунтІурла,**

**Сири-дукІ алагьасла,
Хьябкадурц гулмендила,
Кьукьадурц хІунтІен архІя.
Дукала дициб мургьа,
Сири дициб хІяли арц,
Усен, абала, усен,
Усен, дила ахІерси!
Мурил гьанкІли велкьаби,
Багьадур ветааби!**

Хьалчир чяхІ-заб зумали вахдикІулри. Кьукьу-рямкьярла ряхьа дамдиублири...

* * *

ГІянручІла вахтлизиб илди бурямван хьярхьли Халал ГІяялизи бухІ-наберхур. Гьал урчила мурда. Гьазагала талхьа хІуреба. ХІуребала бекІ – Сайдухан. ШушкІначил ва халжунтачил бегІбиубти бекІбяхьуни, дягІути михьиртачилти делкьунти ябначи мурдали. УркІецІи-ряхІму се сарил хІедагьурти, талхьа амрулис марти, илала хьарбаркь таманбарес чула неш-дудеш булан кьурбанбарес хІядурти.

– Иш гІяялизиб мицирси хьара кавлуси ахІен! – буйрухьбариб гІяскарлизи Сайдуханни. – ГьаладыхІ!

Халал ГІяялизирти гьярца кьакьурбикад чябхьинчиби хІяб-хІябли ва ав-авли кьукьнадбикиб, кІайдизурти гІяшти юртаначибяхІ бетухьун.

Сайдуханни, сунес гІелабад шел нукерра жибарили, гІяялизиб декІарбухьа чебиуси кІидерхІла юртличибяхІ гьуни буциб.

ГІянручІла ил мусибат хабарагарли чебакІибси бурямличил, ванза букьбульути мерсличил, хапли дубура чекабикниличил, ванза гьярбикили, гІяя кьяраьниличил, закибад гьанагарли цІала кьялта кагили цІухбарниличил ва гІурра сегьуна-дигара гьанагарси балагьличил мешубуцес вири. Ил зулму дуньяличиб адамтани дурабуркІуси жагьаннаб сабри. Цугли цадехІ дяхІибала даресцад манзилла бухІнаб Халал ГІяялизив цалра мицирси адам кахІелун. ГІяяла хужаим ГІябдулмажидли ва илала хьалибаргли ца ант эсра бажардихІебикиб: шушкІначил ва халжунтачил гьанкІлизи бертурти бутІнадбарибти биштІа-халатала хІила хІуркІбани хьулрала чІябурти иркиб.

Гьарил мицир жан паргьатдикибси ил манзил гІяялизив гьанкІагарси ца адам сайри: пакьир ухьна рягІят хьубзара Муслим-ази, илра, сихІрула хабарлизибван сунес кьадарбиубси КІяцала Музаличибси хьучи савлиличил дуравхьес валкьярули, чегьес дабри агарли, дуркьа кьачалайти ибуси.

Сайдуханна хІиллакарли кавшес ханжал ахьбуцибхІели, тамашаиубси ухьнани ца суал сабри хьарбаэс бажардикибси:

– Се багъандан?!

Юх, къадархебиуб рягЯт ухънас ил суайс жаваб аргъесра.

ГЯялизибси лебил агълула жанра касили, Сайдуханна гЯскар чарбухъес балкъаурхели, ГЯбдулмажидла юртлизирад виштасила биса иргъесдяхиб. Сайдухан тирхъухъун, мякълав урчиличи мурдаси нукер Герейханничи хЕризур:

– Талхъа буйрухъ сегъуна сабри?

Нукер урклухъун, михъирличи икрамлис хъатра чебуцили, вегЕбекИличи хЕризур:

– Илав чилра калунси ахЕнри, хЕурматла Сайдухан.

– Чилра кахели виалли, биса чила сари? Яра наб гъанарулив?

– АхЕн, дила хан, нунира иргъулра.

– Хебиалли, селис аъкъхъилри? Хъярхъли наб гЕлавад! – вегЕбекИли ургъур тямхъбариб ва урчи сагали ГЯбдулмажидла азбарлизи бухИнабухъун.

Сайдухан гъаввашули, нукер гЕлавад илди кИибил дерхИличи чебхИяхъиб, виштасила биса дурадиркуси тавханализи бетацИиб.

Чурмани дуб алавбарибси дарайла чекайхъанни кIапIбарибси сирилавси виштаси ахъли чIярикIулри. Тахла гъалабси хИла кIавлизи геркабухъунти ГЯбдулмажидла ва Салиматла мицIирдешла лишан аги.

– Нукер Герейхан! Таманбара хЕла хъарбаркъ! – иб къяркъли Сайдуханни.

Илгъуна буйрухъличи хЕрли ахЕнси хяван марси нукер урклухъун, къартIайзибад байхъу дурабитIунси ханжайчибад, гЕлабхИ кабикIули, някъ убкасиб:

– Чевверхи, хЕурматла хан, нуни ил секIал барес хЕйрус.

– Сен? ХIуни Гъазагала талхъайс мардешлис хъа барили ахЕнрив?

– Сабри... ХЕйрус илгъуна виштаси кавшес. Чебаахъа вецIал-дигара кабушес гIягIнити халати адамти, дила някъ зер-зерхебулхъан.

– Илгъунти дуилив хЕла мардеш? Сирилавси виштаси ГЯбдулмажидла дурхIя виъни хЕбалулрив? Хъуммартид, талхъа хъарбаркъ сегъуна сабрил! ЧардухъунхЕли, хЕла баркъудиличила гъайкадулхъехЕ...

Нукерли дубхЕхъиб. Сайдуханни, къукъубачи кабаили сурбухъунси шушкIа чIяхIбарибхЕли, сеннира илини иб:

– Белики, гIягIнили хЕбиэс, дила хан? Ил ниъла берта шаладикайчи бисалира гIяндуршу.

– Илдигъунтазирад алкIути сари нажасунира! Халал ГЯялизиб цалра мицIир жан калес хЕбирар!

Илди дугъбачил Сайдуханни шушкIа лямцIбухъахъун, ца зимла манзиллис сирила гарда байбяхъиб. Илмадан виштасила бисара къайдикиб...

БегIла гЕргъити жанра асили, Сайдуханра илала нукерра ГЯбдулмажидла юртла гъала сагали дурабухъунхЕли, чялила дураб мурдабала гЯскар илдачи хЕрлири.

– Нукер Баймирза! Биха иша гарас! – вявбяхъиб Сайдуханни.



Бекмирза шиниша байрахъ баршибси гарасличил вегІбекІличи гъамиуб. Сайдуханни гарас сасиб, урчиличивад кахІецІили, ил чялила ца дублизи катІун.

– Капуртас ил саби танбихІ! ГъаладыхІ! – Гъазагала талхъа уршила кахси сапарла бегІла гІергъиси буйрухъ сабри ил.

Халал ГІяяла муक्личирад урчала гудуръала гъарахъдикиб. Детахъиб гъунчир цІудара къаралдлумира.

ГІянручІла шалда бяхІчиси Уркухъла шиличибад багъла-багълали закла дублизи дурабурхес бехІбирхъулри, аммаки гІяхІцадхІи гІурра дугила цІябдешла дукала Халал ГІяяличибад ахъІебиуб. Зулмукартани илра бячунсигъуна сабри.

ХІера, гІурра къукъули гІяялизибси лехІлеш буун. Юх, ил чяхІ-забла къукъу ахІенри: мусибатлис зубрала чІяр сабри.

(Хъарахъуд бирар)



Амир ГЪАЗИ



УНРУБИ

хабар

Сирмугла мурчлизибад мурт сабрил белшунси, бухънабаили, урцакабиубси, дяхи-забли цяббиахъубси хяриличи, тахличи пачаван хамли кабиили, халаси хунтена журда шайчи балкунси цуба дагъа, мангъушван гугура биклули, удирти гяргначи пикричебли херра биклули саби. Дебали саркъибси, бухъанбитли зайбиклуси саби илала мицлирси зангъарай. КъатI садерхурли, саклубли урцуту ва келра къяшличир ванзаличир тляхидиклуту шан чякнала вичиръайзи геллабикили саби. Хъуливад гамса гарасван ухъяна, чукъаси ухъна гъавиклули сай.

– Агъ, хъунрукъ, хелла тлама цахнаб ши чебиргъахъес баибси саби! Хябилра эркинни хербирули хлебиадли, шел хъунулла хура! Гуч-гуч-гуч! – биштласи халдарилизиб каш бирцули, ухънани киибил дерхличирад гяйни цулкъям лайдиклули сай.

Берхли гъанналис гъаббакли ахен. Хебла умуси, жагаси, ванаси савли гыгъиклес хябилра гъамадли ва тлягямли бирар! Гъарахълиб, мусисиртличи гъамли, дяхиван цуба гъагул чебиули саби. Адамтала, хяйвантала ва маза-масла тламри гералгъули сари.

Ухъна, сайван бухъяна, хумарли кабизурси юртлизивад дураулхъули сай. Юртла гъалав, гяргянчличи кайили, танбакула ранг дуунси къачара, газетара кисализирад дахлахъили, папрус лусес вехихъиб. Гъамли бекла чедиб гавла гулум ахъбиуб.

– Эй, илбисла къариган! Муэртани мискин дагъри дигли левалрив? Ишгъуна сихрула савли усес цаххлебилзулив?

Къакъа-ургаси кидерхла юртла улкъайлизибад житалагъуна биштласи бекI гъаббиклули саби.

– Юртлизи цадикили хедиэс, къяцала муцур, сен хелла бекIбяхъ дагъаван гугуиклулри? – биклули саби житалагъуна бекI.

– Хечи дуги Азрагил гяхлад вакли ахенара или урухиубли вявиклусира, илбисла узи. Вебкисиван, усули калунрив? – мар-марливан, виклули сай Мирзахан хирбиклуси тамаличил. Ил глемчиклунази викибсилагъуна тлама саби.

– АзраГиллис хІечи гъуни гъамаддира гъамлира саби, къяцала муцІур. Паргъатли усес вирусив, хъалчличиб абзур дуги вертолет урцухІеливан, хІела хухла тІама чебихули биалли? – жаваб хІядурли саби Халадала.

– АзраГил къакъалавадикили лявкъян или гъанбиркулив хІед?

– Дила юртла гІелабси лусейчивад тІяхІкавхъи лявкъусив гъатІи ил? Къяшми дялчан или урухирар. Ил абдал ахІен.

– Низгъурала яра шумерила чайла бержили ургуд, ишбархІи хІела тІама жагъил дагъалаван саркъили саби. Яра дубватахъес хухули, хІялила къидикъра ягълавлзиб чІякъярбарили, букан жершиличил мухъила хинкІи-мага дарибу?

– Бесбиубси бухъмуйличил хІяжланкІила гІявати хІяпламанти лерри. ХІебикъулрив, гъаннара гапикІули левалра.

– Бухъмуй биркуси адамлайчи мешулив гъатІи, гъаргли бергунси бухъна къяцалагъуна хІела къаралди?

– Хабчаблисра набра кири баахъес, нуша дуки гІергъи калунти нергъ хІедра хишав? Валлагъ, гІямрулизиб чехІебаибсигъуна лаззат касес вируд.

– БемхІеригъунти нергъли ужес ну вегІагарси лакъай ахІенра. Ваши, къармукъ чай хІядурли сари.

Варгъилизибад барибси шляпара, кабиркур или урухІусиван, андаличи битІакІили, гІяйсара убирхъули, чебетаахъили муцІур бялГунси, чІукъаси, алаша Халада унра уртахъла юртличивяхІ ватирхъули сай. ДуцІрумла ванаси аргъ биалра, къяшмачир балала ванати дабза динди ва делкунти калушунти сари, хъуцІрумачи, чилил чебушибсиван, чебяхъили бахъХила, шляпаван ранг дуунси, фуфайка лебри.

– Къармукъ чай наб дигахъис, – викІули сай Халада, сунечил сай гъайикІусиван.

– Чягъир диалри, къармукъ чай хІуни гежбала пІипІлизира хІедиради, – Мирзаха дугъби гъунидиули сари илис.

– Чягъирла мурт хупІбарирал нуни жявлил хъумартурлира.

– Илди агархІели, хъумартурлири.

Илдигъунти, уркъбяхъуначи мешути, гъай агарли, унруби хІербиэс хІебарар или гъанбиркур. Амма илди гъимбукІили цалра адамли гъанналис чехІебаиб. БархІехъуназиб барх гумаилизи башар. Унруби-алав думжули дирар иларра ихтилатуни, селичила биалра жалти.

– Чягъирла бужуси ва цурала диъ букуси хІу мижитлизи сен айцІахъусирил нуни аргъес хІейрулра. Яра хІуша иларра дукули, кеп-чеклизиррав?

– викІули сай гумаилизив Мирзахан. Гъайгъайра, Халадаци дугъаилзули. Гумаила агълу, пишбяхъили, шипІбиргІули саби.

– Гъанна мижитуназибти къаднира маллубира чихъали сабил хІебалулрив гъатІи, къяцала муцІур? ХІела лихІби, гъумли дицІибхІеливан гІянцІлину, лехІахъи. ГІяхІил лехІахъи, гІяралаван лихІби дингаили. Илди лебилра гъалабла партийныйти саби – пенсияличи бархъибти гъалабла пяртургуни, колхозла ва шила Советла председателти, бухалтерти, экономистуни... Партийнайли кахІелунси ца нура ила вашуси...

– Буцлала ургаб макружан гурдаван ила вашули, се бирулри гьатГи хІуни, илбисла насаб?

– Макрукьяби илди саби, кьяца муцІур. Амма муртрил хІедра илдала урга кьузиэс багъандан, партийнай ветаэс дигусири. Яра хьумкартуррив? Лебри хІелара пикри хІякимдешла хІякала дублизи някъбачилра цулбачилра кІакІариван атІес дигуси замана. Гьа-а?

– Валлагъ, илбисла дурхІя, гъанна хІела цІилдим бархъли лишайзи чегиб. Наб партиялизи керхес, коммунист ветаурли узес, ургъес дигулра или, гІярза белкІунсири.

– Се бетаура гьатГи? – хьарбаиб чилирил.

– Се бетаэса – кьабулхІерра. ДахІибала дирулрив, Аллагъличи вирхули левалрив или хьарбаиб. Дила дахІибалара Аллагъра партиялис диргалахІедулхъан ира. ХІу дагъри мискинси адамри, бикІи.

– Дагъриличила бархъли бурили саби, – писбатур Халадани, унрас ца гІяхІил кьибикес бикили, разиубли. – Дагъриличил хІу я виштІахІели, я жагъхІели, я гІур декІарулхъуси хІейради. Гъаннала хІела кьабакъличила кьалли гьайра хІедикІехІе, илаб селра калунсигъуна ахІен.

– ХІу цабаралра, цаибил класслизи вашуси дурхІяваналра лукІахъес, учІахъес бурсиварибси мугІяллимлис илкьяйда викІулрив, илбисла узи? Урцецунала душман.

– Гьа-а-нта-ай, хІердикІеная иш мугІяллимличи!

Гумай дукаркІули саби.

Урцецуначила хабарра гьарилли балуси саби. Мирзахан диркьаличирти хьарахъуназивад чарухъунхІели, Халада иличи кьалабаикили сай. Хъулиб диъ агарану, дила Мирзахан, кигъа белгъенгу, рикІули сари хьунул ЦИба-цІ, алжанализир риабну сари. ХІуни бамсриахъа, викІули сай юлдашлизи Халада, нуни лугъас. Белгъи, архъили, даргмах дурадакІахъибхІели, илини Мирзахайзи гъамиахъес тІамадарили сай. «Валлагъ, дила унра, нуни гІяхІцад кигъми, хІятта кьули делгъунти сари, амма иш хІелагъуна мас кьаршихІебикиб». «Марли, бахъ цІерхъли, хІялбани бицІилив?»», «Чукъали ахІен, камси хІялира леб. Ну тамашаварибси цархІил анцІубукъ саби: ишала цалра урцец агара». «Севан агара, чина дикибти гьатГи илди? Урцецуну агарси кигъа бирусив?»», «ХІера, иш, хІеризи...», «Агъ, Аллагъла душман, бурт бергунси шилтахъчи житаливан, илди гІявати кІунтІби сен лямдирулри гьатГи?» Урцецуну, гьарли-марли, мицІир-мицІирли, Халадани, жаниварливан, дерги уили сай.

Унруби илаб агарли гІергъи, гумайлизир масхуртира дукелцІира камли дирар, илала агълу имцІаливан хІянчиличила, яшавличила, телевизорлизиб чебаахъибсиличила, радиолизиб бакъибсиличила имцІали гьайра жалра бикІули замана буркІу.

Дебали пешкеш адамти саби Мирзаханра Халадара. Илди лебхІели, гумайлизиб байрам бирар.

– Я Аллагъ, – гьагъбушиб Мирзахай, – хІела уркІецилизирад декІармадираба. Нушала ши ахъси мерличиб саби, илра илала адамтира хІуни гІяхІил чедиули дургехІе. НушакІун хІела унруби сарра...

– Ге, илис хЕрикЕс, нушала ахЕнси, я цархИил ши хЕбургар, я адам-ти. ХІуни, кьяцала муцІур, нушачи гымхЕвкІахъили, Аллагъ паргъатли вати.

– Илини ну гІяхИил валусира, илбисла валликьяна.

– Севан?

– Сай багъандан, ну муртрил партиялизи уцибси ахЕнри, – гІярмиц тупангла гъуцгъуна, гІясала бехІ гІянжилизи къуз-къузбирули сай Мирзахай. Ил ухьяна сай. Чукъаси, вералаварибсигъуна. ТІулби чердахъибти, дерубти хІячмиван сари. кура-курагъунти хъутри дири муртрил ил зантси гъабзала. МуцІур, къалайван, цІубли саби. ЧІянкІли супелла бай кьяла рангли, папрусла гавли беркъили саби.

– ВерхІцали дусцавдхІи папрус битІикІула, – викІар ил. Гъар дус юртла гъалаб сунени танбаку белгІа. НикІаси дурхІялис нешлигъуна, илис къуллукъбиру. ЧІумати макъсуманти сари илала танбаку. ХІял багъес цархІилли илдала папрус пІагъбаралли, цацабехІтала гъигъ къябудули бирар, цархІилти, къехЕван хІунтІенбиубли, гІяндбиркуливан, хъехІбикЕс бехІбирхъур. Мирзахай, сунела танбаку ахЕнси, я сигарета я папрус мучлахЕдиру. Илдала духІнарти хъач яра дерубти шимша сари или, някъ гъакІбиру.

– Ишкъяйда цІакъти загъру-закъумли игхІейгути хІела дуъми мегъли алавдуцили-мага хІедиалли, хала дудеш Мирзахан? – бикІар цацабехІти. Ухъна биалли урчЕмцІали дус вирулра викІар. Нушала шилизив бегІла халаси адам сай.

– Ну хъаллаируси бархІи иш купаюгъли, илбисла дурхІя акІубсири, – ХаладачибхІ бекІ гъакІбиру илини. – Гъанна хІуша пикридухъеная: хала ада иш саю, ну сайрав?

– ХІушачи хЕрѣибхІели, хІуни бурсиличил къабуликес хІейрар, – викІули сай ца жагъил.

– Гъар секІал севан гІямру деркІирил – илизибад дигахъу, урши, ну укули, ужули вирира, иш нуни бедибсиличи хъарли вири.

Гумайли масхара иргъули ва къабулбирули саби.

– ХІера, ит хутІла тІайчибси вякълякъи чебиулрив хІуни? – хъарбиули сай Мирзахай Халадази. Ил, хЕрикІули, хІулби хъатли суркдирули сай.

– Чебиулра.

Гумай дукарбирхІули саби. ТІайчиб, цІуба хъярван биштІаси хутІла чирагъ ахЕнси селра аги.

– Дила унрала хЕр жагъил чІакалаван саркъибси саби, – пиширхъули сай Мирзахан.

Бурибти масхарачиби саби илди. Барх гумайлизира башар, барх арра арбашар.

– Гъари, уршби, кахІейкахъили, сунела хухучи иш багъадур нуни гъанна гъунивалтас. Кайкалли, ишала хъабхъа лига-къякъя, дехъубли тІутІукадирар.

– БекІ сагъли калалли, лига-къякъя сагъдирар, къяцала муџур.

Мурт дигара улкъяйлизивад яра къяпулизивад гъаввакІили, Халадани гъар савли тІамадиру:

– ВелхІунрив! Левалрив зак гавлизи гІелабикахъили, бухъяна пІара-вуз?

– Гъабзала бекІла чедир я папрусла я янсавла гав диэс гІягІнити сари!

– Тянишси айтуличил жаваб луга Мирзахай. – Яра набзибадра, хІезибадван, итан жершила гягІ ца верстличи гъагъбикІули дигулрив? ХІела жерши биалли, дила танбакуван, цакъти сари. Сели риркјули хІела ГІянжибика? Дубратахъес илис зешин барилрив?

Халадала хабчаблис ГІяжабика бикІар. Мирзахай биалли ГІянжибика ахІи хІейру.

– Илини наб берубси руд буџули саби, илала тІем хІечи хІебиулив?

– ХІушаван цалис ца дигути гъалмагъуни нуни чебаибти ахІен, – викІар гъачам гумайлизив жагъил мугІяллим ГІяб ГІяббасиевич. Гъачам илини сунела зилан ялчи уршилизи, хІед ну ГІябдулла ахІенра, ГІябдулла ГІялихановичра, иб.

– ГІябдулла ГІялиханович ахІенри хІу наб. ГІяб ГІяббасиевичри! – тІамадариб уршили. ИлхІейчивад ил ГІяб ГІяббасиевич ветаур. Чула бухІнаб сунени бучІахъути дурхІнира балли, ГІяб ГІяббасиевич или, дигІянали дукаркІули бирар. Халадешли бекІцун ахІенну, варгра виџибси адам сай ил. Амма мугІяллим сайлинра нуни гапхІейрира.

– Халада хІуни валхІелулри, урши, – викІули сай Мирзахан. – Илис се дигахъул хІуни хІебалулри. Ну дузани вякюнхІели, дила барда бячи, хъучи вякюнхІели, дураз яра дукІ бячи, арши-мурала вякюнхІели, миршра къялкъяра дячи – хІера, се дигахъул иш кърдашлис.

– Илди даргес вирути сай, хІуни бекІ мяхІкамбирен. Белики, наб илра бячи дигули вииша, – балга барибхІеливан, хъатли мухІли хІяршбирули сай Халадани.

– Иличила хІебалуси нушала шилизив чилра агарси сай.

Пергерти тјамадаби саби Мирзаханра Халадара: хъубзури, букІуни, муракъянаби... сегъунти-дигара хІянчи чедуркъиб илдачи. Дургъби дехІдихъибхІели, бургъанти бетаур. КІелра бяхъиб, илхІелира – ухъяна Мирзахан къяшлизивад, алаша Халада – някълзивад. Амма, маша Аллагъ, сагъбиуб ва дургъби тамандиайчи бургъули калун. КІилалра орденти ва медальти лер, чІянкІли Мирзаха илди дахъал сари. Ил – Берлиннизира ветаибси сай, Сталинградлизивад. КІелра ца базлизиб хъаллабиуб. Мирзаха кІел урши баркъибмад бекІиб. Рурси халакараиб, хъаллариуб. Гъанна хала неш сари. Веџал дус гъалав ил гамъавиуб. Рурсили сунечи арукес пикрибариб. КъабулхІейкиб.

– ХІела юртлизиб иткъяйдара хъубешуни леб. Илав ну анџлукъес асубирар. Ухънаваилихъар, гъанналис наб нуни къуллукъбарес цакъани лерал.

Рурси ва илала биштІати гъар бархІи иличи гъаббикІур, хурег биру, къаџ буџу, урга-ургади чучира вику.

Халадас виштІаси атхІекІуб. Гьаланачи, гьайгьай, илди децІлизи гІе-лабиркули калун, гІур кьисматличи кьабулкабикиб: «Аллагьли хІегибси гужли сасес вируси ахІен». ЛехІдеш бирар илдала юртлизиб. НикІабала хІяз-хІуз агарси, дукелцІи-биса гІерхІелгъуси юрт бекІибсиван бирар. Ил багъандан риэсра субирар ГІяжабика имцІали лехІкахъибси, хумарли-марайливан рашуси. ГІяхІли хІейгахъу, бикІар. Мирзахайра балли уртахъ ва унра Халадала хъа унабурхІ камли бирар ихъуси. Гъачам, ГІяжабика рамкъурли гъунираибхІели, някъбира ахъдуцили, Мирзахай патихІя или, алхІям белчІи сай.

– Чи сая вебкІибси? – хьарбаили сари Халадала хабчабли.

– Иличила нуни хІези хьарбиулра. Чилра вебкІхІебкІибси адам гІяхІяйс илкьайда пашмай гъуниули хІейрар.

Халаданира илхІели хъунуйзи, ГІяжабика ахІенри хІу, Гажабика сарри или сай. Хъулибад дурабухъунхІели, Мирзахай уртахълиси, хъунуйчил кьяркьли гьайикІули или, гІяйибра барили, Гажабика хІейкІули, ГІежа-бика викІен или, насихІят буриб. Ца бархІи чехІебаалра, унрубси се сабил хІебиусиван, дебали мягІничебси секІал барес хъумкартурхІеливан бирар. Савли биалли, чидил жявли айзалра, итилла къаралди чебаайчи, нясси аргъ биалли, улкьайлизибад бекІ гъаббакІахъили, гІяхІси аргъ биалли кьапула гъала дуравхъи, хІерли кайрули вирар, имцІаливан – Мирзахан. Цунси илала гъанкІ жявли бумцІар.

– Ягъари, Чедибдешла чебяхІси байрамла бархІилра хІушани орденти ва медальти хІедиршулраюгу? Нуни илди лерти сари или аргъира, – викІар гъачам гумайлав ГІяб ГІяббасиевич. Илала гьайлизиб дигІянаси, чехусан мягІна гъанарули: «Орденти ва медальти даршестив хІушала куцани? Варгъилизирад дарибти шляпабани биалли дукелцІи жидирули сари...»

– ХІела дудешла михъирличибси «Бузерила ветеран» медальла лямцІли нушала шабагъатунала ранг шявдирухІели диршути ахІен, урши, – супел кьяртІбелсун Мирзахай. Илгъуна суал муртрил гъалаб илдази чилирил цархІиллира хьарбаибсири. ИтхІели Мирзахай иб:

– Иш илбисла узила цалра шабагъат агара. Иш урузхІейахъес багъандан, нунира илди кьанилар дихІулра. Ца медаль сунес бедес кьасбарра, амма кьабулхІейкиб. Ордена медальра диха или, кьярдаван чІумали кайзур. Илгъуна варскъа кьаркъа сай иш кашиш.

ВецІну кІира-хІябра дус виубси, назикси гІулухъа ну, Мирзахай мур-трил сунечил дузани викира. Дургъбазив алхунси дила дудешра илра гІяхІти уртахъуни бирутири или набзи нешли хабурти дуриб. Ил – нешла кьариганра сай. наб байхъала дех, гьайгьай, илини бирусири. эмхІечи дехра сунени чебирхъи. ГІур дуразла тІели бархъли бурцахъес, бархъси, мурхъси гъарш кайахъес бурсиварра. «Ита-иша улкІхІелкІули, гІямрукадра илкьайда вархъли вашен. ХІу гъарли-марси гъабза ветаадли, Мутай, дудешла рухІ итар паргъатли дирар», – викІи ил. «Итар паргъатли дирар...» чинар? Дудешла рухІ чинар сарил гъамли лертиван билзи наб.

– ХІушала юртла бурх кахІебикахъеси чІумаси тІал халакайули сай, – иб Мирзахан-азини нешлизи гъачам, дила хъуцІарличи гІенаван зугъаси хъ-

атра кабихъили. Севан разииубрал ну итхели! Дуклума дакиб, чархлизиб гъалаб агарси къуват гъанаур. Багъуди агарси адам сукъур ва гянца сай или, ну педучилищелизи керхъес нешлизи махикусира ил вири.

– Нушала тухумла ургав мугяллим чезс дигулра, – вики ил. Мирзахан-азила хьул бартаур. Ну мугяллим ветаурра. Гярмиц гямрура чедаили, институтра таманбарили, ишбархира ил санигят бузахулра. Нешла къаригаи наб арчилил кумекбири, шилизир урцул-цаличил неш геррурци, хьу белги... чумлиса чебетаибси саби илала кумек.

– Хи ишбархи дузани вякьи бикули лебригу, Мирзахан, бархъсив? – дугъаизур Гяб Гяббасиевич, сай мешебей сайхеливан ва, дузани укъес сунезибад ихтияр сасес гягнихеливан.

– Валлагъ, къурдаш, вякьунра. Бухъна чархла хъабхъти лигуби замана-заманаличир датдулхъахъес гягнитигу. Вацала гъавара дармангъуна саби. Сецад, сегъунти арцанти сариндиклурил илар! Илдигъунти тамри бег гьалар дикъухеливан, хяйраниубли, сецадхи лехкахъирал Аллагъли багъаб. Дила хулбала гъалаб сагаси, жагаси, зярхиси савли аклуб. «Хера, севан бехбирхъулил сагаси бархи аклес!» – пикриухъунра ну. Жагъкайубра или гъанбикиб.

– Къушра барили, илав херии, – уртахъла шараблизи зе писдирули сай Халадани. – Жагъкайубри виадли, ишбархи хъалларавии ва гечии... чякначи.

– Хела гъайлизиб мягна леб, илбисла узикъар. Чичи сукни аркъядал пикриухъун.

– Даршал дус вирусии къяцала муцурли дурутачи лехлахъирая ца! Аллагъ гыммарклахъид.

– Аллагъ набчи гымхелевлара, закла удиб хугъунти бунагъкарти камли ахен. Аллагъли, муртрил партиялизи керхес вализурхели, нуни сай вицхейнциличила хьумартур или гъанбиркулив хед, илбисла къариган? Илала бек хела хьуцрумачибсигъуна байхъу берхибси вякья ахен.

Гумай дукаркули саби.

– Жягял хечил нура дузани льякьяс. Вацала гъавара, чякнала хиллимайтира хедцун букъурли даибти хедиэсгу.

– Ваки, амма, гъалаб къяйда, хед нуни урца дех хебирус.

– Урцул кадердес нура бажардииркус.

– Жагъхели бажардихеркуси ху, гъанна хешличи шурухъунхели, севан бажардииркусири? Хукун къяшми хъусдяхъили вашулири.

– Хела газгазунира вашухели, мурчиван дулкули, дялчан или гъанбикесли сари. амма, къяцала муцур, хела лезмили муцур бялгес вирар.

Юх, илдигъунти дубурланти гъанналис биубти ахен. Се буралра, рахлилра, саби пишала хебирхъур. Гумайлаб театрла сценаличибван бирар. Илдала гямру, дусми пикридаралли, бег гъалав лехкахъибси адам сунела лихбачи вирххерар.

– Ну ишбархи вацализив...

– Хера, гурра ваца... Гъалаб хуни чинабалра гъачамалра ваца чехебаибсив? Чумал къадара, дугла цедешла чумал галгара терси мерлис ху

вацѝа викулрив? Даршал дус вирулихъар, къяцала муцѝур, хѝуни дунъяли-чиб чебаибси селра агара или гъанбиркули саби, – викули сай Халада. – Хѝу гъава викулри. Гъава бирусив хѝуни дурайути гав лерихѝиб? Илав мяхѝамли вирен, хѝела пѝапѝруслизирад цѝадикили, тертигъунти галгубира галичи ва палдаличи шурдулхъахъядну. Гъу, ишбархѝи вацѝализиб гъатѝи се тамаша чебаири, бура.

– Селра бурахъес валтулрав хѝуни, хъярхъятѝиван лезми пѝякъярби-кѝахъули?.. Ге, ишбархѝи вацѝализив ну жярикъутѝиличи дебали тамаша-виубра. Галгала арлизи атѝи, сецадхѝи ил сунела къудкъудили гѝянкѝализи къутѝибикѝурал хѝушани пикрибарраяв? Биштѝаси къякъ гъанбиркахъу. Къутѝи-къутѝи-къутѝи... Улас, бекѝалра хѝейзуси вара илала?

– Хѝела гъайли нушала бургиван, – ургаулхъули сай Халада. Мирзахай иличи пикри бяхѝичииули ахѝен.

– Валлагъ-биллагъ, дила ахѝерти, жярикъутѝгъуна зяхѝиматчи арцан цар-хѝил агара. Илдазирад имѝѝатигъунти хъулкни ва тамяхѝкарти сари.

– Имиала-деклар зяхѝиматчи ахѝену? – викули сай Халада.

– Агъ, дила Аллагъ, сен хѝуни иш илбисла валликъянас цакамсилра гѝякълу хѝегибсил? Ну арцантачила, жярикъутѝиличила гъайикѝулра, иш – имиайчила. Имиала мурт арцан бетаруси? – Ца камси лехѝахъили, Мирзахан-азини уртахъла шайзи хункѝ къужбирули сай: – Гъари хѝеризи дила хала дудешлис, хѝела хала дудешли хѝела дудешлис, хѝела дудешли хѝед савгъатбарибси кисализиб бихуси урхамла гѝякърабтани се чебиахъулил. Къудратла вегѝлис сужда барес замана биули ахѝенара?

Халадани някъбатурли, шалкѝубадван, буркъа пиджакла бухѝнабад кисализибад халаси, сайван белки ранг дуунси сѝягѝят дурайсули сай. Гумайла агълулис «Никѝалай заманала» сѝягѝят гѝяхѝил тянишси саби. «Иш байтарман ункъбирахъес харждарибти арцлис дила унра къяцала муцѝургъуна ахѝмакъ марга асес вирира», – иб жявли гъалаб Халадани.

– Никѝалай пачни кѝел лебтири: цаибил ва кѝиибил. Чиди Никѝалай пачала заманала сѝягѝят саби ил? – хъарбиули сай Гѝяб Гѝяббасиевичли.

– Цаибил Никѝайлайла пачала заманала саби, – хъутурухъун Халада, «кисализиб бихуси урхам» хѝулбачи гъамбирули, ва уртахъличи шуряхъиб: – Айзи, замана биули саби.

Унрубани багълали, гѝяснира удирхъули, ца дукѝлизи дабгибти халаси ва биштѝаси кѝел духъна унцван мякълаб башули, гумай бархъбалтули саби. Илдала шляпаби чучил дарх акѝубтигъунти сари. Мирзахан-азис нуни шагъарлизивад сагаси шляпа хира. Амма гъачамалра чехѝебииб. «Халадасра асес гѝягѝнисири. Илала илгъуна агархѝели, суненира къярдаличи чебяхѝахъили балтули сай», – пикриикѝулра ну.

– Ихди агарси бархѝи иш гумайцун ахѝи, нушала лебилра ши севан мискинбирарал пикридухъунраяв хѝуша? – викули сай чи саял. Гумайла агълу, илди агарси бархѝи лябкъусив гъатѝи или тамашабиубсиван, пашманбирули саби.

Гумайлизир хѝукуматличила, илала бургачила гъай хѝедиубси бархѝира камли бирар.

– Ельцин хЕд гІяхІилзулив, Мирзахан-ази? – хъарбаиб чилирил гъачам.

– АхІен, Горбачевгъуна пІягъи сай. Севан ил, жан дерцахъесван, тах бихІес къайгъназивал нуни хІебалулира викІулрив?

– Ельцин вайси пача ахІен, – илалайчи кършиси пикри пІянкъбирули сай Халадани, осоавиахимла тупанглизибад чякнас хІярхІя игъубсиван.

– Гъариллис вегІагъунти къиликъунала адам дигахъуси сай. ХІура чягъирлис суждабириси мялгІун виради. Цакъадар жагъилли виасри, ну гъанна партиялизи кархира, лебилра хІярамзадабани, дурдибти дабриван, гІягначи шурдухъунти явлухъуниван, хІябилра гъамадли партбилетуни лайдакІибхІели. Сегъунти къайгъи-къасличил, гІямрула цайли ца мурад илцун сабхІеливан, севан илди партиялизиб биэс дугурби-бурхІназиб муртрил хъулбикІутирил! Илди наб къантІти дигайла бегІти хъунрукъуначи мешубиркули саби. Агъ, замана, замана.

Мирзахан-азила гъай бахълис гІяхІхІедизур. Илдигъунти «къантІти дигайла бегІти хъунрукъуникІун» гумайлабтала ургабра камли ахІенри.

– «Партия, – яхІ-хІяя, ламус, адаб саби» или, халкъ биргІябиргниличила хІуни хІебалулри, хала дудеш, – иб лебилралис къадин ГІяб ГІяббасиевичли.

– Партия дилгІеная, хъямдикІеная, хІушаб гъанбикибси биреная бикІив гъатІи? ХІрамзадабани, зелахІебарибси зярхІси диъ милкъяливан бицІибхІели, партияла даража кабикиб. ХІушазибад цацабехІти, ухъна Мирзаха бекІла мехІе хІяжланкІила дахнивван сари или пикрибикІули биалра, ну вархълира или гъанбиркур.

– Гъайгъай, вахъхІи хІериубсини дахъал чедиу ва дахъал секІал дала или бикІути хІечила саби. ХІела мехІе хІяжланкІила дахнивван ахІен, илар гъанналис къукъри тІайлизи дизурли лерал, – ургавхъун Халада.

– ХІера, вякълякъили сунела накъра датаиб... Халаси политика, илбисла кІилизан узи, ГІянжибикани хІед нергъ сари или бируси бемхІари ахІен...

Мирзахан-азила, сайван бухъна, амма шифертани хъалч кІапІбарибси юртла гъалаб хивла байхъу берубси, зурба галга леб. Мурт сабил сунени мархІя убатурли, къуллукъбирули, бакІахъибси саби ил. Шила ца наслула дурхІнаницун ахІен илала хивала тІемра тІягІямра дагъурти. Хивла дяхІцилиуб дуцІрумлизиб бамсриахъес дигахъу Мирзахан-азис. ТяхІули бирар, цІуэри камхІебирар.

– Гъанна ишизибад сегъуналра пайда агарану, жагъилтази бяхъяхъя, янилис хІед сецад-дигара урцул дирар, – маслигІятбариб илизи чумилра адамли. Хала дудеш Мирзахан илхІели хумарирар. Илис ил галга се сабил илдани аргъес бирули ахІен. Галга агарси бархІи ил мер севан мискинни, бацІли бирарал пикрибаресра уркІилис къудкъули саби. Мирзахан-азила сегъунти гІямру ва севан иличил дархдасунтил, нуни иргъула. Амма, адамван, галгубира духънадиули, жагадеш бетяхъили, чулахъуниван кадилзули сари.

Гъалавван, ухъна галгалиув чеили, гъамиубра. Ил пашмай, хІулба селра чехІебусиван визур.

– ЗяГипикилилра ахІенрив хІу, хала дудеш? Се изулил бура, дармунти даргес къасбирис.

– Эгъ, урши, гъари гІяхІил хІеризи иш галгаличи. Севан, сегъунти шинни балхулихъар иш гъанна мицІирбиубли шинишбизс бирару? ХІеризи ишала гІянкІаличи. Гъалаб ил, исбагъила ляжубиван гъалагли бирусири. Гъанна? Гъанна, цІали бигубси, пІякъ-пІякъбикибси дабагъван цІяббиубли, къатавтани бицІибсиван саби. Ну биалли адамра, иш галгаличив халасира. Мар саби, ишинира дахъал балагъ-къадар чекасиб: дугІби, хъябхъя, шахсирис. ДяхІи, дуцІрумла цІа... Лерилра дурес вирусив, дила нарт?

Къакъаси уркІиличил ва хумарли, ну дурсрачи арякъунра. Гергъила бархІира, Мирзахан-ази илав чеили, ну гъамиубра. Ил заманала ухІнав ил гІурра гІяхІил чІукъавиубли, цІябиубли, шила хІябрала шайчивяхІ хІябцти хІулбачил хІерикІулри. Халаси децІ чебаира илизиб.

– Дила ЦіибацІ набзи жирикІули сари. Гъанриркуру ил хІед, Мутай? Ухънала суай наб децІагахъиб.

– Сен гъанхІериркуси? НукІун абдал ахІенра. Дебали гІяхІил гъанриркур. ИлкІун наб хала нешван рири. Ил ребкІибхІели, ну шилизив левсири.

– Баркалла, Мутай. Гъарли-марли, ил рахъ пергерси адам рири: хІялимси, адамтачи карцІси, гІяхІял вакІибхІели, хІулбазир кІел бархІи рябрябли ухуси. Ил мискин ва ухъна виубцад, дила ЦіибацІ разирири. Гъаннала хъунрани, вакІибсила даража хІясибли саби къуллукъ бируси. Бахъалтани. Гергъиси замана нуни имцІали муэртазир чериула. «ХІябилра вахъхІи набчивад гъарахъли калунри хІу, ну агарли хІеризс бурсикайубли ургуд...» – илкъяйда дугъаризур набчи ил. Дигахъира наб ЦіибацІ, Аллагъ бикъри сай, дебали дигахъира... чилалра уркІи хІебамкъахъур.

– БекІла чедир гавла гулумти чехІедиулагу, къяцала муцІур, танбаку тамандиубли хІедизс? – Халада вагъариуб мякълав.

– Сагаличиб белкъи, бумхІуси тазиливан, наб лардирхъес вамсхІемсурлирив, илбисла жан? Танбакули бицІибси къачІа касес хъумартурли дуравхъи чехІейулаву?

– ХІебиалли хІела мехІе берхІибси къабакъван сари. Дузани хІякъиригу? Яра барда бячив?

– ВацІализи аркъули цахІулан мешебей ХІясбан чеили, ишбархІи дила марга акъули батурра. ХІела бухъна гажа ишаб гІяйбикІули чехІебиулаву?

– СяхІ бицІибти, мургъи ранг мухъира тІенилизи кадушили, ишбархІи гІяйниб батурра.

– Бархъси барилри шантала маргнас, дирхІяхъули, илини паргъатдеш лугули ахІен. Даим дигайлизи ахъибси гажа саби хІела, илбисла лихІи.

– ХІела лезмили, иш галга бугаси расливан берчес бирар. Дусмани ил къутахІебиахъуб, къяцала муцІур.

– Гъанна ца илцун саби набзиб вяшбикІес бируси. ХІелара чІянкІли

цулби жагъил бецлаван лерал. Урхла къумурличир виклусира... Гянжибикала бемхлерили, дахнили илди сагъли калахъун. Сен лехлкахъилри? Бесбиубси бухъмуйла хинкла дукахъес Мутайра нура жидарес музаухъимага хейадли?

– Бухъмуй битти гетти къутарди! – виклули сай Халада. Хулби нукъсанси унрала илала аги, сипат, куц-кабиз хисабхедирули вииши. Ихтилатунала сецад ярма делкъунти вара илдани? Тоннаби! Мякълав чилра агархели, илди севан, селичила ихтилатбиклар вара?

Мирзахан-ази ил дуги вебкиб. «Ху вархъли увухъунри, исбисла къуйрукъ, Азрагил набчи лявкъули чейула», – иб биклар илини. Хлери глергъи лебилра шантани ил хлариихъиб. Мурул адамти марайлири. Мирзахан вебкниличи илди тамашабиубтиванри.

Хлебла хлџцти, цудара глянжили даимлис диглянварибси унрала ва уртахъла хлџбла мякъла кайибси Халадала шявдиубти хулбазир нуни нургъби чедаира. Ил, бяргили журугбиубси, чихъбизурси халаси арцайчи мешулири. Хулбала гъалав, чархлизибси гявадеш цахлнаб бацлибсиван, гурра глхлил верубли, виштлакаиб.

Мирзахан-азила хивла галгара ил бархли цахлнаб берубли, хлчмани хлилхли бихлусиван, цухбизурсиванри. Гумайличила гъайхледицхле, ил, муръаван, марайбиуб. «Нушала ши хлебиалри, дубуртала жагадеш глхлцадла камбири» – ибсири Мирзахан-азини. Сай агарли, ишбархли нушала шира, мискинбиуб. Глхлси адам вебкларли, илгъуна бетаруси саби.



Гьалмагъуни гьандиркахъули



Аминат ГИЯБДУЛМАНАПОВА,
ДАГЪИСТА ХАЛКЪЛА ПОЭТ

ХІЕБИЛШАН ЗУБАРИ...

Айдимир Каймаразов гьаниркахъули

Францияла писатель К. Листерли белкунсири: «ВебкИбси гьаникахъни – бунагъуни агардарнигъуна саби».

Тамашала сари Гямрура. Илди кадурхни нушани бекІлил пикрилизи кахІейсулра. Аркули саби ахиратлизи дуцІси ва чина-сабил гьалакси заманали нушаб илди агарли гІямал бетхІеруги: юлдашуну, тянишуну, гьамти. Нушала поэтунала къяяназив илцадра валгунси Айдимир Каймаразов. Гьанна ил агара... УркІили къабулбинури ахІен илала агри. Дунъяла балагъунас гьабизгъуна, палакатси дунъя ибгес Аллагъли вархІибсигъуна адамригу ил, нушала Айдимир. Газетализиб илала белкІ дурабухъунхІели, нуни бегІ гьалаб бучІира, уркІилизи тамашала хІялани хъурадири, бусягІятал телефоннизирад зангъдирхІира. Хаслира «къиздикІути» назмуртачила дири нушала гъай. «Секъяйда дагъурри хІуни дила пикруми, тяп ну рикІусиван делкІири хІуни илди тугъи», – рикІира илизи. Ил дукаркІи. Гьанна дила ар-гъайзир пагъмукар адамличила илди дурхъати пикруми кавлан.

Чумал дус гьалаб Айдимирла юбилейличи цалабикибтири бахъал гІяхІли, поэтуни-писательти: Ахъушабад П. МяхІ, Н.ГІямаров, Хайдакълизирад Х. ХІябикова, МяхІячкъалализирад ну ва цархІилти.

Цалис гІергъи ца гъайра духъи, сунес хасдарибти назмуртира делчІи, декІардиркухІели хІябилра шадли вири ил. ГІурра илала юбилей дураберкІес хІядурдикІутири нуша. Сепайда... Чили ва сели бирцІахъуси гьанна Айдимирла мер? Илдигъунти адамти, поэтуни агара биалли. ХІекъли чІумали хъулкначила,



хъямчибачила, къалпчибачила, къалализиб къаркъаван, балгунси девла мягІна, назмула каргъни, зайбикІни – илди севан дирути уста лехІкахъили виалли?

Сегъуна-биалра къуллукъ лебли Сергокъалализи рукъяслири, бегІ гьалар Ай-димира кабинетлизи арицІаси, иличил ихтилатбираси. Илизир лерри тамашала дагъри. УркІла хІяланас кумекли детаэсти гъай дури. Иличилси гъунибаъни, илала асар нуни чумал бархІи хъумхІертаси.

«Ягъари, Айдимир, хІу Сергокъалализив дурашан сайри. Се ахърили хІечи карцІбиахъубрив сергокъалаланти, се дигІяндеш лебара хІезиб, сегъунти пасихІ-кардеш диэс гІягІнити, бурагу набзира?» – рикІаси илизи ну цацахІели. Ил пиширхъи. Жаваб аги. Амма ну, сунени хІебуралра, шаклири. Адамдеш, кабизалачердеш лерси, пагъмукар, чисалра вайдеш хІебируси, къясдешли уркІи хІебуцибси, гІядатла адамтачил уржибси – илгъуна сайри Айдимир. Илгъуна адам чинавалра валги, халкъла диги сархили, адамти сунечи гІяшикъбарили, хІеркайрар.

Гъалабван дурабухъунси газетала бяхІлизирти илала назмуртани илди делчІунси паргъатли хІелта.

Илала дурхъати дугъбала «духемти» нушаб, дунъяличи гІур лябкъутас духути гІякълуми сари. Дурхъати аятуниван уркІла хІяланачи тамашала асар бирути. Сай ишавад балу-балули аркъуси гІяхІялван нушази гъайкайкІусиван билзули саби наб:

**«Савлила дирихъмазиб
Белгъан дила зубари,
ВаибхІели ну иха
ХІебирар набзиб ари».**

Наб ишаб бурес дигулра, нушаб мурталра ахІерсири хІу, Айдимир, хІела белкІаначивли, хІела пагъмула бугадешличивли. «ХІебилшан хІела зубари,

Айдимир, – эс дигулра наб, – гъарил хІела тугълизиб, пикрилизиб, назмулизиб, дусмадли хІебилшуси хІела поэзиялизиб». ГІяжаибси, рухІла шалали шалабикІуси поэзияла зубари батурри хІуни нушаб, хІуни гІелар датуртас, камсилра назмула «хІисаб» арзес балутас.

**«Къиямала Судличиб
Нуни се гъабурцуси,
Агара къалли ихав
Сунни рушбат сайсуси».**

Иш дунъяличив хІу къяйда хІяяра рухІра умусилис судра лебси ахІен, Айдимир. Амма илди къяяни делчІунси верхІна пикриухъаб, хІу ахІи цархІил.

**«ЧевяхІсила уркІецІи
Дигулра лебтасалра,
Сепайда, ЧевяхІсила
Гъуникад хІедашулра».**

ГІе, Айдимир, хІу мурталра адамтас гІяхІдеш дигуси, назмуртала къяяначил гІевугъуси, хатІабиркути бархъси гъунчи дураэс къайгъназивси, илди гъанни хІечи балагъуни чекайсуси виради. ИкІди хІела насихІятуни гъамадти «хІисабти» сари, арзес балутас. ГІяхІцад назмуртира делчІунри, жузира дуракаади, къугъаси ва духуси кулпетра абикъурри. ХІела гІямрура пархбухъунси зубаригъунтири. ХІела агри нуша лебтасалра хъумхІертеси бетахъри саби.

ДИСЕНАЯ, АХЪ ХІУРХЪИ...

Дисеная, ахъ хІурхъи
Забли ахІи нургъбани,
ХІуша гІурра ахъдучес
Агара тулкни лукІан,
Сабурла багъадурти
Сай-алав чукурбиран.

ХІедусули дисена,
БурхІнира дугурбира,
Пишяхъили гулваvни
Агара гІур дулхІехъан,
Гевугъули саринта
ЧатІни далайдикІахъан.

Гулваvначи аръаван
УркІбази хъуракайран,
Далайили иш дунъя
Царугли ласбикІахъан,
Агара гІур, дисена
ХІурхъира лусентира.

Бисен гъанна ил хІура,
Дурхъаси Сергокъала,
Буину девла давла,
Багъадуртала къала.

ШягІирта далуйтазиб
Багъа ахъбурци хІела,
Ахиратлабад илди
Чарбирув чили гъанна?

* * *

Аятунала баки
ГІямруван къябкабиуб,
ТутІукадухъи мачни
Гъургъашин къяйда дегъуб.

БукІун агар мазаван
Чукурси авид бехъуб.
Чумилра гІяхІгъабзала
УркІбазирад ца алкун.

Дугал дугъбала бару
ГІизраилли гъятІаиб,
Азиралра гъалмагъла
Чурхрази дард бухІнаиб.

Мас-давлала бетяхъри
ГІяламлис селра агу,
ХІела бетяхъриличи
Чилра баришхІейаргу.



Љандикуназив мицIирли левал

Итди гъарахъти 70-ибти дусмазир ну Хъярбукла урга даражала школали-зир математикала ва физикала учительницали рузусири.

БикIуливан, «математика дахъал гъай хIяжатли ахIенси, къантIти ва мягIна мурхъти пикруми духIнадуцибси гIилму» саби. Иличи лебталалра иштяхI



акIахъес къияннири, амма ну забличи гегугван литератураличи, философияличи мурталра милиги ахъес хIерируси рираси. ИтхIели Сер-гокъалала ва Буйнакъскла педучилищеби ва Дагъиста педуниверситет таманбарибти жагъил учительтала къукъа цабалги ва уржили Хъярбукла школализиб бузусири. Акъуси замана нуни илди ну-алав бучили литературала произведе-ниеби дучIули рираси ва набзиртигъунти лите-ратураличи диги лебтазиралра алкIахъаси. Дила классла дурхIнасна, дурсери тамандиубхIели, цагъатIи дарс имцIара барили, тамашала хабурти, назмурти дучIаси. Дила ученикунани гъаннара

бурули бирар: «ХIуни нушази математика хIебалахъади, литератураличи диги адилкъади, ил хIела санигIят хIебиалра».

Нуни илкъяйдали акIахъусири музыка ва литература руркъуси кружокра. Директорли «Ил хIела къуллукъ саби, арц хIелугехIе» или бурибсири. Ну иличира къабуллири. КIинайс чедирти классунала учительницаби Валентина ХIяпизовала, ХIулаймат ГIябдурашидовала, ЦIибацI Къурбановала ва рузи ГIяшурала икъайчил концертуни дурадуркIес, интермедияби кадирхъес пикрибарира. Ил пикри лебтанилра гIеббуциб. Мурталра жузазир, журналтазир умцIули рираси адатас гIяхIбизнесигъуна материал баргес.

Ахирра Басир ГIямалаевичла «Шагъла барг» бикIуси роман ункъли бел-чIунра. Кружокла бутIакъянчиби бучили, иличил тянишбарра. Лебтасалра гIяхIбизур. «ХIебиалли, кабирхъехIе сценаличи», – бурра нуни. БусягIятал ролани дузахъантас дутIили, камси заманала бухIнаб «Шагъла барг» мицIир-биахъубра. Хъярбукла сценаличиб илгъуна анцIбукъ бегI гъалаб сабри бетаурси. Ил пьесара далуйтала чумал номерра духили нуша унра шимазира даибтири. Хъярбуканти биалли, тиладибикIутири ил гIурра чебаахъес. Нушала илгъуна гъунарлис адатгани чихъси къимат лугулри. ИтхIели нушала разидешлис ахир аги. «Шагъла баргла» автор Басир ГIялибеков вагъес хъулдикIулри нуша. Иличи кагъуртира дархъибтири. Ахирра наб къадарбиуб ил пергер адам, гIялим, ДГУ-ла преподавательличил тянишриэс. Нуни илизи чебетаахъили бурибсири сунела произведение Хъярбукла учительтани ва ученикунани секъяйда сценаличиб

кабихъибсирил. Илхейчирад ну Басир Гялибековли студентуначил гъунибаъ-ниби дурадъркIахъес чуйнара жирарибсири. ЦацахIели илала дурсрачи рашесра къадарбусири. КIинайс илра нура гьалмагъуни детаурра.

Нуни илизи бурибсири: «Шагъла барг» лебгIеб адатани пикри бяхIчиаэси, мурхъси мягIнала классикализи халбареси, кинофильм баресра лайикъси произведение саби или. Сен хIу илгъуна ца произведение белкIи, паргъаткайубсири?». ИлхIели илини сунени гIергъиси заманализир делкIунти хабуртала жузира наб пешкешдарибтири. Нуни илди чуйнара делчIра делчIунра. Хаслира гIяхIбизур «ГIяймакунтла гIямулти» бикIуси жуз.

Илала хабуртани мер бургусири «Лачиннизибра». Гьаман илала произведениеби дурадулхъи «Гьалмагъдеш» журналлизирра. Ил нушала гьарли-марси юлдаш ветаур. Рах-рахли гьавикIи нушачи, ихтилатбири, сунела шаласи сипатли нуша разидирахъира. Гьанна ил нуша-ургав агара... Амма нушала гьалмагъ Басир Гямалаевич нушала ва сай ахIертала уркIбазив даимлис кавлан.



Поэзия



МяхИяммад
ТАХСУРМАНОВ

ГИЛМУЛА ВА АДАМДЕШЛА ДЯХИМЦИАЛА

Гялим, писатель, критик ВяхИдовлис

ПОЭМА-ДЕЗА

Гилму цIуръабарили,
Гялимти камбарили,
БучIанти ятбарили –
ШалгIевухъунри жявли.

ХIу арукънила хабар
ТинтIбиуб къукъу-лямцIван,
Даргантачи марайдеш
Чедихъун пухI-дирихъван.

ХIяна Каспи урхъура
Дубуртира Таргъула
Халал децIлизир сари
Гялим вебкIили или.

Гярли ухуси берхIи
Кабилзулигу шявли,
Дагъиста ит зубари
Даимлис биши или.

Ге, марлира, пагъмула
Биши саби зубари.
Писательтала авид
Гъунчибуршуси чили?

ХIуни ванаси хIерли
Гялам ванабиради,
ХIуни дяхIла шалали
Шанти шалабиради.

Чирагъри хIу – гялимтас,
Къисматчири – лукIантас.
Хъарихъри – гъалмагъунас,
НасихIятчи – бучIантас.

ХIу дейбукIан гъабзари
Къушум къугъабириси,
ХIурматла гъай бурили,
Мекъла куй башахъуси.

ПАСИХИСИ ГІЯЛИМ

Гилмула ахъанайти
ГьаргІергъили ахъибси,
ХІу сайри гІякълула вегІ,
Бугаси пагъмула вегІ.

Гилмула урхъулизив
Умутли куртІухъунси,
ХІу сайри пикрила вегІ,
СихІрула дугъбала вегІ.

Гилмула ганзухъуни
Гьар-гІергъили ахъибси,
ХІу сайри хІяяла вегІ,
ХІялалси уркІила вегІ.

Ветаурри къиматчи,
Урибси ихтилатчи,
Чевухъун масхарачи,
Жагътала насихІятчи.

Къисматли хІу чуйнара,
Балас, вет-садвяхъири,
Амма илала бяхъли
Гъеч мутІигІхІекІахъири.

Гилмулизи ацІири
ГІяшул гъуни ахъили,

ХІу вакІила даргала
ГІялимти саб берхъили.

ГІялимти-ургавра хІу –
Зубартазив бацгъуна!
Зиланти-ургавра хІу –
Хабарла устазгъуна!

Гилму гъалабахІ букес
ГІямру мяштІхІедарири,
БучІантази бяркъяхъес
Дуги-хІери цадарри.

Гилмула ахъанайти
Умутли ахъдарири,
Къиматдешла умцлаби
ГъатІира мурхъдарири.

Дагъистанна гІялимтас
Вирази хІу гІибратли,
Дарган мезли лукІантас
Вирази хІу къакъбяхъли.

ХІела гилмула гъунар
ГІибрат саби наслубас,
ХІуни дегІунти гъели
Гиб сабухъра давлачеб.

ЖУЗЛА КЪАДРИ-КЪИМАТ

Хъубзурани хъу делгІа
Инсанти къацІли бахес,
ХІуни жузи делкІунри
РухІла давлачеббарес.

Ванзалис заб-мржаван
Гьар мурталра гІягІниси,
«Даршдусмала хІябкъяй» саб
Гьарилли сабирхъуси.

ГІергъиси архІяличи
ХІу жявли аркъухІели,
ХІела «Дугила архІя»
Аманатван батурри.

Гьарил сагаси жузлис
ГІякълу харжкабиради,
ХІялумцІлаби дарили,
Халкъ-урга гІинтІдиради.

Дегъси ванзалис забван
Сабабкадиар дугъби,
Урхънас хІуркІбала шинван
Кавлан хІяжатли жузи.

ПасихІти табтуртала
Ветаурри хІу автор,
Гилмула хІянчурбала
БегІла гъавкъяси доктор.

ХІела мургъила някъбас
Се сабри илди делкІес?!
ХІела пасихІси бекІлис
Се сабри пикридарес?!

Дарган лукІанти хІуни
Дураири хан гъуйчи,
Илди чебхІебалкІахъес
Ветаурри гузетчи.

Жузала къадри-къимат
Дархъли, мурхъли далади,
МакълатІисли мургъиван
БучІанти битІикІади.

Жузи къиматладирни –
Сабри хІела санигІят,
ХІела жузазиб кавлан
Ил дурхъаси санигІят!

АДАМЛИС ГІЯХІДЕШ БАРЕС

ХІериубри дубурлан
Ламус-хІяя ахІерли,
Дубурлантаци диги
УркІилизир дихІули.

Адамити дигахъуси,
Адамтаци гІяшикъси,
Гъалмагъуначи карцІси,
Агъ, дейбукІан ГІябдуллагъ!

Адамлис гІяхІдеш бирни –
Жи сабсири уркІила,

Вай-гІяхІ ахъдуцес бални –
Лишан сабри адабла.

ГІяхІдешуна виркъули,
ГІямру деркІири чагъли,
Гъалмагъ-тянишлис хІура
Дигахъусири сагъли.

ХІялалти гъалмагъунас
УркІи бутІес хІядурси,
Узи-уршис, тухумлис
Жан дедес мяштІхІейуси.

ХІЯЛАЛДЕШРА БАРХЪДЕШРА

ХІялалли, вархъли узни –
Сабри хІела къиблама.
ГІямрула гъундурира
Ахъири хІуни дархъли.

Къуръа аятван вархъси,
Щуба арцван умуси,
Нешла ниъван хІялалси,
Устазван жавабкарси.

Уктемдешра хамдешра
Се сартил хІедагъурри,
Бархъдешла дуклумаув
ХІялалли хІериубри.

ХІериубри духули,
ГІилмулис мариубли,
Къалпдешра хІярамдешра
Къадагъакадирули.

Мургъи-арц хІедурчули,
ХІякимгас лявхІейкІули,
ХІериубри, ГІябдуллагъ,
ХІу хІялалси валили.

Бархъдешла гъуникадли
ВасвасхІевхъи вашади,
ГІямрула анцІкъи-шаддеш
Адамтачил дуртІади.

ГІякълу халали хъалли,
Хамдеш агарси инсан,

Пагъму бугали хъалли,
Пахру агарси гІялим.

ХІу – бархъдешла дубура,
БалкІдешла-къара душман,
Арцлис хІяя дирцангас
Сайри цІудара душман.

Адаб-хІяя калахъес
Биради хІуни гъаза,
Мардеш урхІедизахъес
Биради хІуни деза!

АДАМДЕШ, САХАВАТДЕШ

Адаб-адамдешла у
Бихири хІуни ахъли,
Илцад дурхъаси улис
Калунри даим марли.

Дурхъаси байрахъ сайри
ХІу даргала миллатла,
ХІурматла адам сайри
Лебил Дагъиста халкъла.

Сахаватдешла нурли
ПарчикІади урунжван,
Адамдешли, бархъдешли
Ухади хІу зубарван.

Адамдешла имтихІян
Дахъ чІумали дуцади,
Адаб-хІяяла къадри
Бархъли къиматлабарри.

Сахаватдешла нурли
Анкъи-къуш ламдикІуси,
ГІяХІялдешлис мардешли
Эркин юрт парчбикІуси.

Къуръаннизиб аятван
Адамтачил валгунси,
Амир-Гъазили сабри
ХІугъуналис белкІунси:

«Ну – адамра, иличиб
ХІебалас у дурхъаси,
ХІурхъ ахІенну, зубари
Агара илван ахъси».

ВатІан ва халкъ багъандан
Жан ахІерхІедиранти,
ХІушагъунтачиб саби
Нушала дунъя тІашси.



Поэзия

Тавсултан
СЯГИДОВ



РАБДУРА СИНКАРА

Дубурцули вамсурси
Дамкьур Рабдула мехе,
Илала уюнтаци
Тамашабиуб эмхе.

– ГьуртIбикIули, мабугуд
ХIу дила мякьлаб кьарли!
БуцIар бархIи милигли
ЧехIейулрав ну кьагъли? –

Майали кIантIикIули,
Эмхелис сай ургъули,
ДекIгъуна хIункъаличил
Къялкья бугабирули.

Гъайла мягIна хIергъибси
Эмхели бекI ахъбуциб,
«Чедаа сен цIубабил!» –
Рабдус цулби гьадуциб.

– Лерилра урдетирхъис
ХIела нуни ца гьакIли! –
ГIясивиуб Рабдуни
Биркахъули сай хункIли. –

Шандагъунти саригу
Байтарма лерил цулби! –
Уфдирули дяргIяхъес
Изиаурти тIулби. –

«Аръа марка лебалри
Удес вехIихъибхIели» –
БекIлизи пикри бакIиб
Рабдус бархIехъибхIели.

«Дуббуцари иш ярга
ДуцIрум сен бакIибсира?
Гушли кьалли ахIенра,
Милигли язихълира.

Бурая, дила хухус
Се бируси гьанна кьял?
Се дирути сунес ниь?
СунтIретиръургу жагIял!»

Дерубти мура дучес
Барт барес ил вализур,
Бухъна махъла удивад
КатхIелвяхI ил геризур.

Пакьирла кьакъла чIала,
Марлира, тамай бакьун,
Сунес кьалли гьанбикиб
«РухI арцурли ардякьун».

Ил замана эмхели
Баргиб Рабдула тавра,
ХIункъаличил барх илаб
Лебсири папурусра.

Бергеси хЕбаргили,
Тамбакула гягІ бакъиб,
«Дубатес» батур «Ява»
ЛихІби Духъяй чІямбариб.

ЭмхЕ чебаиб вегІли
Изуси къакъ хъумартур:
Ца тІяхІли ветаили,
ХІункъаличил гагъбатур.

Къагъдеш дакІибси эмхЕ
Ванзаличи гербизур.
«Кабуширав, гъари, няс!» –
Рабду илав тІашизур.

Андализиб пакъирла
ХункІцад чяч дакІубиуб.
ХІулби лапІ-лапІдарили,
«Абдалиублирив?» – иб.

– Дубуцибси адамла
Сен папурус бергунрив?
Бунагъуназибад хІу,
Марли, уруххІекІулрив?

Папрусуни исуси
Набчибра бунагъ бургар,
Амма хІуни бируси
Саби, бикІулрив, гъунар?

Хухуни хЕбииши
Дергахъес махбирули?
Ур хЕдирути пишни
Саргу дакІудиубли.

Тамбаку дигухЕли,
Шагъалра бирен гъатІи!
ГІур ил пиша барадли,
Кабирхъис хЕела къяртІи!

Иш жагъал чебаалли,
Хуху се рикІесара?!
«Гербухъи биубси саб», –
Асли рирххІеэсара?

ЖагІял иша хЕкуруи:
«ЗягІипли саби, – викІус, –
Агъулабиубли саб,
Берги дила папурус!»

Гъапулдеш черардякъи,
ЭмхЕ хапли абизур.
«Кабушалра хЕбубкІар!» –
Рабду гІурра вехІизур.

Байхъу бергун тІакъалаб
ХІилхІи баргиб ца къандакъ,
ИштяхІличил чІяжаиб.
Хъумартур изуси къакъ.

Заклизибад цаибил
Илис зубар пишбяхъиб.
Балга бариб, дубатес
Шинна шиша ахъбуциб.

МуцІуркад гІинизла шин
Михъирличи гердухъун,
Милигдеш черардякъи,
Рабдула гъав чарбухъун.

– ХІуни къакъличир архид,
ХЕд писалра хЕелуга,
Хухула «мургъила» къяй
Лерилра яни дуга.

Къадила къурмяв къяйда,
Сен набчи хЕербикІуда?
Къар-шин мякълар датурли,
Сен папурус бугада?

Махъла галгала удиб
Къялкъя мурбазиб батур.
Къялкъяличил хІункъара
ДигІянбарес хъумхЕртур.

Дучили деруб мура,
ЭмхЕлис дехра бариб,
БелчІи ахъли цІуба шятІ,
ШилизибяхІ гъайбариб.

– Ишдуги гъанкІ бакІахъес
Гъарушла хъаба бужас.
Набчибад чебберхахъес
ХІед мухъила мехІ лугас.

Дила ЛихІби Духъяна,
ХІебулэхІе ургала,
Цакамти арцра лерал
ХІела бициб дягала.

«Арцла пай бара» или,
Пунт мага биублирив?
Сен жявлил хІебуради,
«Къиркъир сайри» бикІулрив? –

Рабдуни эмХІеличил
Бемжахъур гІурра лякъир. –
Мураличи бикули,
Бамсахъурлира, пакъир.

Канира къакъра сабри,
Марлирагу, дила хІу.
ХІези «Дуббурцен!» викІул
Абдал сайра къалли ну.

Гъари, хинкІ сабаилл
ХъарбиэхІе хухузи, –
СягІятличи хІеризес
ХалтІухъун кисализи.

– РегІ ряхъ, дила мобильник!
Чинач кабикибара?
Бетахъалли, хухуни
Сецад гъай даресара!

Шинкъалаб калунХІели,
ХалидликІун чарбариб.
Гъанна тамай бегъубли,
Варишара ну гъариб?

Дехлиуб сабрину хІу,
Гъари хъулибяхІ башен!
Дила гъайла хІергъулрив,
ГъакІбикІуда бекІли сен?! –

Мобильник бетахънили,
Рабдула гъав буахъун. –
ПяхІли бетахъи ишад! –
ЛихІбарлис ил ванцІухъун.

Рабдула гъай аргъили,
ЛихІбар хъули батбихъиб.
«Бяркъурси саб иш нуни,
Сабил букъес бирар», – иб.

Мобильникра Рабдуни
Таврала бухІнаб баргиб.
МобильниккІун илини
Кигъалисра хІелуги.

– Мобильник барибсилис
Се бедалра балбиркур,
.Иличив духул адам
ХІергар или гъанбиркур.

Итил дунъяличи сен
Зангъдахъес хІейрусира?
Ил барес вираллири,
Сен гІяхІил биишира!

Се хІебиулил итаб
Нешлизи хъарбиира.
Лерил хІяжатти секІал
Набчил илис архира.

Рабду, хІела бекІлизи
ХІебашуси агара:
АхираткІун хІебургар
ГІяяла базаргъуна.

Сегъуна виишира,
ЗангъикІули нешличи!
ЛехІизи, дукаркІарну
Лебилра шанги хІечи.

Селизи рархилира
ИшбархІи дила хуху?
ГІяхІси сар, се бурасра,
Рах-рахли бархъли иргъу.

– ГІялу, хуху! Русулрив?
Набчи хух диулигу!
Хъулир цџулкъям лералу –
ЛихІбар гушбиублигу?

Ну мурбазив ватурли,
Русули хІериши?
ХІяжланкІила хинкІ бара,
Битили итан жерши!

– ЦІябдаили саригу,
Бура, хІу чинав сайрил?!
ВерхІналра зангъдяхъилра,
ХІу мицІирли левалрил.

– Вагъиг къарширикили,
Калунра гъазализив!
Дубуцибси хІейасри,
Балахъира сунези!

– Вагъигуни лебалтив,
АхІенрагу рирхули?
Гъанаур мага рурги,
Демжур мехІе дархили.

– Фермала къяцад лебри
Илала балкІа хІули,
Сегъуна саррил бурис,
ЧарухъунхІели хъули.

ХІункъали нясла цулби
Нуни дугадатурра,
Нушала ЛихІбарличи
Мурда булан ратурра.

– Наб къаравашрарес ил
Леркулилра ахІенрив?
Ил нясла цулби, бура,
Селис дугадатуррил?

ХІункъали бикахъили,
Бячадри нясла анда!
Урух-мага виубли,
ШинкІабиубу пада?

– ХІуни дигуси бара,
Леркулрану иш хІечи! –
Рабду сай дукаркІули
Хухула вяв-чІярличи,

Кабирхъули мобильник
Шалбарла кисализи.
Някъла мурчІра касили,
Ватихъиб ил шилизи.

Кункли катхІел ахъили,
Ваибгу вацІализи,
Гъанагарли илавра
Викиб ил балагълизи:

Гамушцад синка саби
Дай гъуйчи кабиили!
КъацІ биха бикІусиван,
КачІуби гъадуцили.

ТІамадараес виъхІейуб,
Лезми вяххІебулхъули.
Вебшесалра валхІейзур –
Къяшми лехІхІедилзули.

ГІелавяхІ ласяхъибгу,
Далайла тІама аргъиб.
Мурала махра сарра
Ца ляркъуси чераиб.

«Синкас севан билзанал
ХІерикІус хІела далай» –
Рабду къарлизи кайхъун,
ДигІяникили тамай.

СинкачиряхІ аррякъун
Ил мурала махла регІ.
Рабдула къас – чедаэс
Синкали дироти «мегІ».

– Гъуя, хІела вегІлис калг!
Барцбикили буилрив?
Сабилра чилари хІу?
Ишаб бахъхІи тІашлирив?

Ца шайчи кабиxьили
Сунела мурала мах,
Ил хьунул алавриуб
Арзес эмхIечибси дех.

– Рабду бикIул буслула
ЛихIбаралра ахIенрив?
Усули ургар ил няс,
ХIу хьули бархьаили.

БяргIиб майаливатур
Цахиуб Рабду илав,
Илдигьунти тIимкьлизи
ВикхIейкибгу ил гьалав.

– Ишри хIед хIебаибси!
Бухану укьен гьанна!
Цахиэс гьанбикалли,
Айхьули саб багьана.

«Буслус» рикIули саргу
Их байтарман булан наб!
МухIлубази викничиб
ВебкIни, марли, гьалаб саб!

Чи сарил хIерагьурра
Их бурдиб мухIлила регI.
ЭмхIес икьалариуб,
Чераа, Кьудратла вегI.

Дехличил батаибси
ЭмхIе сен хьумартурри?
Вархьли викIулра хIези:
Рабду, сагьли ахIенри!

Иш замана дай гьуйчиб
Синка сели биркьуси?
Дехчеб эмхIе хIуни сен
Синкачил бархахьибси?

Марлирагу, хIу гьанна
ХIехаравиублири,
ДубуцибхIели дагьри
Думкьан ветаурлири.

Гьари тIулби дуйгIисну,
ИмцIал мага агарал,
Шел саргу гьатIи лерти,
АхIенра тамай абдал.

Бяхьиб цуразивад хIу
АхIенри хихиубси!
Рабду, хIу синкали верг,
Итцад урухиубси!

ХIязлис буили ахIен
Халкьлизибра буруси:
«Гьяяли урухиру
ЧичIала кьацIбикунси».

ХIуни «чебаиб синка»
Рахли вагьиг риалри,
Багьесалра хIейради
Гьанна чинав вирадил.

Хухула хинкIа укес
Цахалра хIебилзану?
Шакбикаб, эмхIе булан
ХIечиб дукарбирхIургу!

Анар-ханарвиуб ил,
БиштIал дехра барили,
Кьанни хьули чарухьун,
ЛихIбарра гьаббуцили.

Рабду чеибмад хуху
Цакьадар паргьатриуб,
Дех чебасахьес булан
Рабдус икьалариуб.

– Наб синка кьаршибикиб,
Сагьли урухиубра,
Дуббуцили бурги няс,
Ну вергхIерги ватурра!

– ВацIурбазиркIун гьанна
Цедеш дерхьили сари,
Синкалис се дареса
ХIела духьна лигуби! –

– Ил пикри къалли дила
БекІлизира хІебакІиб,
Хуху чехІераили,
УбкІус или гъанбикиб.

– СейкІулри, дила Синка,
ХІу вебкІес гІямал лебу!
Хуху ишар ратурли,
ВебкІес цахли ахІену? –

Хуху сари рисули,
Рабдучи хІеррикІули.
Ухъна хъули арукиб,
Илини симкъьрикІули.

ХІяжланкІила хинкІачил
Гъарушла хъаба бержиб.
ГІур хІунтІена «Явара»
ИштяхІличил чІяжаиб.

– Дунъяличир сагати
Се хабурти лерара?
Мура удес вашула
Тамай гІелакавхъира, –

Телевизор абхъили,
Ил тахличи геризур.
КъурбикІул житаличи
Пишяхъили дугъайсур:

– ХІура бусули гІергъи,
Дунъя бургар паргъатли.
Житали хІули абхъиб,
«Се дигулри?»», -- бикІули.

– ХІела юлдаш МутІалим
Урхъули сай хІяжлизи,
МатгІел вархъаб, ил аркъян
Жагъаннабла цІализи.

Сунесра дигули сай, –
БикІар, – зиярат барес,
ХІяжливад вакІибхІели,
Вирар малла ветаэс.

– Ил гІяхІси хабар саби.
Ветаалли, ветааб!

Се савгъат архусира?
МяштІхІебилзан селра наб.

Ил жявлил чарухъи сай
Бусурман «авидлизи».
«ХІу сен пикрихІелхъулри?» –
ВикІули леври набзи.

Се кали ихаб дила?
Бура, хуху, хІунилра.
Зиярат барести мер
Чумилра лер ишарра.

ЦІуръа дурхІя ляввара –
Булхъуси саб хІяжлизи.
ЖумягІ бархІи хІябал дус
Вашулра мижитлизи.

Нуни аргъес хІейрулра,
Сен ила дуцІбикІутил,
Дагла хъулкни ишбархІи
Сен хІяжни бетарутил?

Дубурцули, ну сайра
Гъар бархІи гІязабтазив.
Бусурман дунъя саби
Абархили дургъбазиб.

Раши, хуху, рурхъури
ГІур дус хІура хІяжлизи.
Набчил камли ихъиши
ИлхІели хІу жалтази.

– Се пикри хІебашули,
ХІела абдал бекІлизи?
Бура, селис рурхъура
ХІунилра ну хІяжлизи?

– ХІябал дула пенсия
Леб дила къяхчІейкунси.
Ил бекІлил хІелугалра
Сайри къалли ууси.

ХІедра башули саби
Набичиб бара камси.
Хуху, хІу пикрирухъен,
Се леба хІебиуси?

Гурра арц хЕдаалли,
Къялра бицес дирехЕ.
Базарличиб бицили,
ЛихІбарра чеббуршехЕ.

Зиярат гъарбизурли,
Белики, «Мерс» асиши!
Ил барес бетаалли,
Къясбарар лебилра ши! –

Пиширхъули сай Рабду,
Ца хІули линкІбирули,
Хухуни бурул аргъес
ЛихІира гъамбирули.

Щаличибси шанглабван
Рурхъули саби гъими,
ГІясириуб хухула
Кабуциб хапли лезми.

Михъири баргаэсли
КъутІбикІули саб уркІи,
Цаличи ца кайхъибти
Руржули сари хункІи.

Щали тІутІудикІули
Сари адалкун хІулби.
Гъяждарибти ибхІули
Сари къаклизир цулби.

ГІур абхъибси къаклизиб
ТІямкъбухъун беруб лезми.
Кахиубси Рабдуни
Чедуциб КІелра хІули!

– Къял бицили, рурхъулрав
ХІуни ну ил хІяжлизи?!
Къял бедили, хІякъясгу
Рурхъасра ну Алжайзи!

Рабду, цІа адалки сар
Гъанна дила рарглизир.
Бурямти дургъули сар,
ХІу вирхан, аргъайзир!

ХЕла бурдибси лезми,
Сепайда, ца чеббяхъес!

Сен ласбухъес бирули,
Илдигъунти гъай дурес?!

– Дила хуху, масхара
Сабри къалли бурибси,
Аждагъа ветаурра
ХЕд ил дунъя буунси!

ХЕла къял бумгули калг
Ахират сабаайчи!
Исрапилли сурлизи
ВитІакІили уфъайчи!

– Папурусли гавикІес
Саби хІуни балуси.
Бура, вагъиг чинара
ХІуни набчи леркуси?

– ГІяжаибси лерри хІу,
Масхарари бурибси.
Вагъиг ахІенрив рахли
Ит синка ретаурси?

– Дила синка, хІу сайри
Гъанна ухънаваибси.
Нура мехІур руилра,
ХІу мурбачи вархъибси.

ХинкІа букун, чай держиб.
Рабдуни балга бариб.
Футболличи хІербикІес
КІелра мякъла кабииб.

Польша удибикили,
КІелра тамай хІулбукІиб.
Хухуни аризурли
Гъарушли хъабни дициб.

Рабдула дагъали гІур
ХЕкъели ахъли гІу-гІу иб.
Ният шипІирбарили,
КІелра бухъна дуббуциб.

Муракъяна гІур гъанкІли
Чягъирливан гераиб.
Муэрлизиб илини
ГІурра синка чебаиб.

Адам ва тӀабигӀят



**Ибрагъимхалил
МЯХІЯММАДОВ,**
тӀабигӀят балтахънилла
урибси хӀянчизар

ДИГАХЪЕНАЯ ТӀАБИГӀЯТ, ВЕГӀЛА МЕР - МУСА

Дагъистан – Россияла Федерациялизиб тамашала, сунечи хасси кабизла бегӀ, тӀабигӀятла сурсатуналасал давлачебси республика саби. Северный Кавказла лерилра республикабазибад нушала республика бегӀлара халаси саби – илала 50,3 азир квадратный километрла къадарла ванза леб. Илди баянти хӀясибли ил халаси саби Европала улкничибра, Албания (28 азир кв.км.), Бельгия (30,5 азир кв.км.), Нидерланды (36,9 азир кв.км.), Швейцария (41,3 азир кв.км.). Нушала республикала мер-мусаличир тамашалати ва хӀяйраниести гӀямзурби, деклар-декларти тӀабигӀятла объектуни лер. ХӀейгеси биалра, нушани камли балулра нушала Дагъистан, нушала ВатӀан. Дагъистайзи бакӀибти бахъал гӀяхӀли тамашабирар илала тӀабигӀятла жагадешличи. Дагъистанлантани цацахӀели тӀабигӀятла савгъат къиматлахӀебиру ва цархӀилти крайтази ва областунази, дунъяла улкнази башар. Илди гапдиру. ТӀабигӀятла сурсатуналасал давлачебси ва жагадешласал тамашаласи ванзала багъа агара. Асубирар тӀабигӀятла жагадешличи хӀилнавиркъес. Амма гъалаб мурт сабрил алжанала гӀямзили бируси ва гъанна хӀеруди агарли лайкабакӀибси иличи къаршиикадли, – уркӀи хумарбирар, разидеш бетихъур. Нушани мурталралис гъанбиркахъулра нушала тӀабигӀят гъачамалрайчиб жагасили бетаахъес багъандан хӀеруди ва къуллукъ хӀяжатли диъни. Ил дигахъни – тӀабигӀят мяхӀкамбирес, ва тӀинтӀибкӀахъес гӀягӀнили саби. ТӀабигӀят – нушала халаси давла саби. Ил чеалкӀуси наслулис калахъес хӀяжатсигу. Гъарил адамлизи ца секӀал аргъахъес гӀягӀнибиркур: нушаб савгъатдарибти давлумачил цугдуциб-хӀели, тӀабигӀят калахъес нушани харждирути цакъани дебали камти диъниличила. Ил нушабцунра ахӀи, гӀурла наслубасра хӀяжатси саби.

Нушала дурхӀнас, дурхӀнала дурхӀнас даршани дусмас умули далтахӀегу илди къимат агарти, адамтас пайдалати вацӀурби, авлахъуни, къар, вавни. Нушани чедаибти тӀягӀямани чедаабгу илданира.

АХІЕРСИ ГІЯМЗИ БИСАХЪУЛИ

ТабигІятла жагати гІямзурби Аллагъли Дагъистайс савгъатдариб.

ХІера, хІердизирая «Каспий» санаторий мерлабиубси Каспи урхъула дублабси гІямзи сегъуна агиличиб сабил. 20 яра 30 дус гъалаб илаб адамтани багълабируси «Чайка» санаторий бири. Союзла лерилра гІямзурбазибад бакІибтази багълабирахъути сецад уркълала жагати хъулри дириба? Илцад замана арбьякѝ гІергъи, ну илдачи хІерикІулра – хІябилра вайси агиличир лер. Илдачи хІерикІухІели, пикруми дашули сари: ишар сегъунти сарил дургъби кадикили дурги или. Нуни илдала агиличила буресра дургъби даргес хІейрулра. Адам ветяхъухъес тяхІярагарси къадубала тѝлаличи мешубиркули саби ил муса. Марли, чилилра чехІебиулира илабси палакатдеш? Ил мерла вегІ къалли ургар.

Эгер къуллукъбирниличибли санаторийли уркІи разибирули биалли, илала алавчарси мерличи хІерикІалли, шишимтази виркахъули сай, анцікѝ челяркъули сари. Ишар арц къяшмала удир сари. ТабигІятли бурули саби: «Ну сагабарабая, ну разибикахъабая, хІура разивируд». ТабигІят адамличи гѝмбукІили саби. Дагъричевси адамли ил алжанала гІямзи чебиули ахІен. Жагаси, тІинтІкабиубси ва дигеси пляжличилси ванаси урхъу.

ИшхІелла харабдиубти ва закон агарти гъар секІайчи хІяжатагардешла шуртІразиб хІяя агарли (цархІилван бурес хІейрус) табигІятла давлуми ганзкадирули сари, адамла адамдешла кабиз букъбулъахъули саби. Илдачирли табигІятла жагадешуни агардирули сари.

Сен нуша цацахІели гъармукаби детарутирара? Сен табигІятла савгъат къиматлахІебируси?

Лайикъти хъулри даралли ва илди-алав умудешла далдуцуни дурадερкІалли «Каспий» санаторийла хІеруди бузахъуси гІямзи жагаси агиличи биркур. Пергерси жагадеш бетарар, сенахІенну ишар гъава, зягІипти саягъбирахъути шуртІри ва цархІилти арадеш къулайбирахъути секІал лер. Арадеш къулайбарес ва багълабарес санаторийлизи бакІибтани бурусири, хъулри-алавси табигІятла давла, уркълала хъулрира вайси агиличир сари. Тамаша-хІяйранбирулри гъаларла хабар берхурти багълабирути мерани гъанна сен адамти агарси мерличи шуркадухъунтил.

Ну биалли гІядатла ахІенси адам сайра, сегъунти-сарил дуркъа диштІати хъулрачи, адамти агарти мер-мусаличи децІана виркъулра, ардякъунти замунти гъандуршулра. Сен ва чис гІягІнити илди? Чисалра хІяжатти ахІен! Чилилра иргъхІергъу дила уркІила децІани.

Нуцун хІергус, марлира, илди дукъбикад, ганздарибти хъулри-алав вашуси. Иларти хиви ва жунаб чедаадаллири. Илди нунира дучира, амма вайси агиличир сари илдира. Дагъиста лерилра гІямзурбази ваибси ва илди чедаибси, нуни дила децІличила лерилра кагъарлизи делкІунра, табигІят балтахъанна урибси хІянчизар Дагъистан Республикала Правительстволла премия касибси, нушала крайла табигІятличи уркІи изуси сайлин дила уркІила децІаначила бурира, пикрира бакІиб, белики гІяхІла шайчибяхІ барседеш акІес ибси. Эгер дила белкІанани чичи-биалра асар баралли, ну разивирус, нуцун ахІенрагу нушала табигІятличи уркІи изуси.

КАДИХЪУНТИ КЪАРКЪУБИ

Улас, чинар саррира нуни илди къаркни чедаибти? Илди наб къаршидикиб Таргъула дубурла бяхІругуназир. Илди цементли дебадарилри. Халати илди гІенби селис-биалра багаладиэс. ХІераягу цаванзала тарих гъаладяхІ ардукес багъандан тІабигІятли сегъунти асурти дарилли!

Къаркни – дибгІянти киражла къаркъализирад детаурли сари. Илди пайдаладирули саби хъулрала бяхІяни дирухІели (гІяхІил цІапІалкан, гІябли чІумали дихІу).

Каспий урхъула дублар лер къаркъала гІенби, ругертани илди гъалагдарили сари, къархІлалли гъалагдарибтаци мешули сари. Багълабирутани илдас «кадихъунти къаркъуби» сари иру. Геологияла тарихлизиб ванза гъалабяхІ башнила ардякъунти замунти мурхъли пикридаралли, аргъесли саби тІабигІятлизир кадиркути халати дарсдешуни дагъес адамлис имкан-хІебикІули биъни.

Ца мерличир, илди халати цІубхІяртаци мешудиркур, цархІилти мерачирти биалли адамли цементлизирад дарибтигъунти сари. Иллдазирад гІенби диру, юртанала хъулчри, шиферли къяйда, кадурцу.

Къаркнала гІеналичи ахъли кайилра ва гъарахъли чебиулра урхъула диркъбик, ил манзиллизив пикриикІулра ругертани паргъатирахъула или гъанбиркули саби. Илди декІли чейгули сари кадихъунти къаркъубачи. Къаркъубази чегибти ругерти ниъла цІуба хъамхъаличи мешудиркутигъунти сари...

Урхъула ругертациб тІягІям касили, вазили, куртІвахІили гІергъи, илди къаркъубачи кайсес дигесли бирар, иларти гъумличи ва къаркъубачи берхІила нурани дигесли чейгур. ЦІуэрира вяхІлизи гилдибикІар, илаб тІягІям касили гІергъи къаркъубачивад кацІесра дигесли хІебирар, сенбиалра къаркъала гІеналичивад кайцІулри, урхъула дубкад ватихъулри.

Умуси гъава бархъбатес хІейгулри. БиштІати къяйда хІязтадиркъути ругертаци хІерикІесра умсхІемсулри. Буресра хІейэсигъуна жагадеш, хаслира – савлила берхІила нурани тІинтІдиубхІели, ругертира хъамхъали диркъули къяшмачи адицІухІели. ВиштІаси дурхІя къяйда ну разилира, амма дабри шинкІахІедиахъес ругертацивад тїядирулра, савлила ругерти дяргІибтира дираргу.

Ишабси тІабигІят тамашаласи саби, чили секъяйдали къабулбирул ил.

Иш мерличибси ца ругери чумал жураличи биркур, кадихъунти къаркъуби къяйла гъалабиз лебси мерличи къалабали чейгур, азирти кІунтІри чахъдирар ва гІурра гІеладяхІ чардирар, пляжличиб биалли азадли ва диркъли, багълалли хІярхІбиубли гъумличивад тІинтІбирар ругер сунела цІакъ каберхайчи...

Урхъула дубличирад 100-150 метрла тїядити санаторийла мер-муса къар-шинничирли давлачерти сари. Дуб диркъси биаллира, чяхІи лебси мерличиб дубурла къардлис гІелахІебулхъан. Някъба барибси кІел къасила бегІ чяхІи тІамалибиркъур.

Иларти татаултазирти ва чяхІила шин тІашдизни агарли дуцІли сари урхъула дахъал шинничил дархдикес, илала гъуни бухъянси ахІен, сегъунтилла гъалабизуни агара. Илди шин урхъулайчил дархдикалли цІуба хъамхъали диркъути ругерти дуб-дубли деткайхъур, илди агархІеливан бетарар. Илкъяйдали мурталра, халасили биштІаси къяриули саби ва багъес агарсили бетарули саби, ил бекІлил агархІеливан.

Фольклор

ДАРГАЛА ХАЛКЪЛА БУРАЛАБИ

*Вай барибсилис гЯхI барес къасбирен.
ГЯхIдеш барибсилис гЯхIдеш барес хъуммартид.
Хъунул адамличил архIяличибишиб, махли къаркъуба вихни гъалаб саби.
ВегIличи вегI гатикIни лайикъси ахIен.
ВегIли абикъурси хя вегIличира чебулхъули бирар.
БикъурхIели бука хъяр.
Ца душмайра ши бириџу.
Жагъил адам шантала вируси сай.
Гъарил вегIли барибси вайра гЯхIра вегIлис бируси саби.
Узусила хъу духъар.
Багъадурличибад бирар багъадурти алкIути.
ГЯмрула мягIна канила белкъундешилизибиџун чебиэс асухIебирар.
БерхIи абухъухIели ванахIейубси гIелабиркухIелира ванахIейрар.
Тухтурла малхIямси девлира дарма мер буриџу.
Къисматлизивад чилра верцес хIейрар.
КъаџIра шинра мурталра хIяжатдиркути сари.
Адам вайсили алкIуси ахIен.
БегIла паргъатси мерличира чябхъин чебашар.
Адамти башути гъундури лебтасалра цагъунти сари.
Чебла ахъес чараагарси саби.
ВегI гЯхIси виалли, мякълабтира гЯхIти бирар.
Къисматличил жаляхъес вируси левси ахIен.
ГЯхIти адамтас Аллагълира кумекбиру.
Аллагъли сари лерил секIал сунела мерличи диркахъути
Лябкъяс бикIуси балагъ хIебашар.
Кумхаси къулсаличиб вегIла кIачIа гъалаб саби.
ТанбихI агарли батурси такъсирли сагаси такъсир биру.
Балагъ-къадар ляркъулра или дашути хIедирар.
ГIама агарли далайикIес хIейрар, дуклума агарли – урцес.
Хабарла маслис муштарти бахъал бирар.
Хъулки талхъайчивра џIакъси сай.*

**ШяхI МЯХIЯММАДСЯГИДОВ,
Дахадаевла район, Гъуладтала ши.**

Гябдулкьадир МЯХІЯММАДОВ



Вахъли деклар зягипли кахели, Къяба-Даргазив ва Хайдакълизив ункъли валуси вахълила журналист Гябдулкьадир Мяхіяммадов ахиратла хъули арякъун. Бахъал гьалмагъунала уркіби хумардариб ил хабарли, сенкун ил пагъмучевси адам пергер хіял-табигіятличилра декларулхъуси вири.

Гі. Мяхіяммадов Гярбукіла мякълабси, гъанна сунезив хлерирули чилра кахелунси хабарла шушкни-ханжултала устнала Гямузгала шилизив 1933 ибил дуслизив аклубсири. Илала дудешра урибси мегъла уста вирусире. Гямузган ханжулти дубурлантас граждан дергълизир багаладиуб. Чебяхіси Ватла дергъла заманара илар гяхіцад шушкни дарибтири. Сунела шиличила Гі. Мяхіяммадовли «Народы Дагестана» журналлизиб пергер очеркра кабахъиб.

Гябдулкьадир Мяхіяммадов Дахадаевла районна Уркухъла шилизив сайри халаваибси. Илаб илини школара таманбариб. Дурхіядешла дусмазир цадахъал къиян-жапара чедаиб, сенкун ил чус нуша «дергъла дурхіни» диклуси наслула вакил сай.

Советская Армияла къяяназиб къуллукъбариб. Ил камти гямруличив левалли узес вехіхъибсири. Амма багъуди касес гъираличилра декларулхъусири. Гябдулкьадир белчлуди даимбарес ДГУ-ла филологияла факультетлизи керхур. Илини Мяхіячкъалализиб шила хозяйстволата техникумра таманбарибсири. Заочно учлули, КПСС-ла ЦК-ла гъалабси чебяхіси даражала партийная школара белчлунсири. Серхурси адам сайри. Илбагъандан ил комсомола ва партияла деклар-декларти къуллукъуначив узули калун.

Гяхіцад дусмазив Гі. Мяхіяммадов Дахадаевла районна газетала редакциялизивра узули калун, жавабла секретаръли, гур биалли редакторли. 1986 ибил дуслизиб илис «Ленинна байрахъ» (гъаннала «Замана») газетала корреспондентли ухахъес маслигътбарибсири.

Бузери дигуси, азгъиндеш хледалуси адам сайри Гябдулкьадир. Сай валути лебтанилра хіясиббириули бири ил шали. Хайдакъра Къяба-Даргара илиниван далуси марлирагу хлери ургар, сенкун илаб ил хлеибси ши яра махъи кахелун.

Гі. Мяхіяммадов творчествола адам сайри. Илини дахъал хабурти, чумал повесть, гяхіцад драмала произведениеби делкун ва дураиб. Халкъла мухліла творчество ункъли балниличилра декларулхъусири ил: къянала хабуртала чумал жуз дураэс бажардикиб.

Гі. Мяхіяммадов Россияла журналистунала ва писательтала Союзунала член сайри. Илис РФла культурала урибси хіянчизарла хлурматла ура бедибсири.

Гі. Мяхіяммадов «Гьалмагъдеш» журналла редакциялизи гъачамалра вацли музаулхъули хлейри. Журналлизир илала дахъал белкланира дурадухъун.

Гі. Мяхіяммадовла хъалибарглизи ва узи-уршилизи халаси пашмандеш балахъулра. Илала шаласи сипат лугілашал бахъал гьалмагъунала уркібазиб кавлан.

«Гьамагъдеш» журнал ва ил бучланти

ДезаАминат ГЯДУЛМАНАПОВА
Дагъиста халкъла поэт.**КЪАРКЪАЛА БУТИАГЪУНА**

Ардякъун гЯхИцад дусми
 Дургъби тамандиубла,
 ВячIун гIур ахъхIейэсли
 Дунъя булъан душманра.
 Гъарил дус байрумти сар
 Дурхъаси Чедибдешла,
 Байрумтира ибхIели
 Къачагъ агарварнила.
 ДелкIун мургъила хатIли
 Уми игитунала,
 Дуракаиб жузира
 Чула гъунартачила.
 Сахъли сарра дикIули
 ХIердирулра хIулкIули,
 ВегI-вегIла ванзаличир
 Даршули вяшкайкIули.
 Шадлихъуни-мукърачир
 Шадли гIяйкадиубли,
 Узи-уршила авид
 ГIурра гIинтIбикIахъули.
 Амма ца суал арзес
 ХIедирули, сепайда,
 Чинад дакIувиубсил
 Къачагъ ишав сагали.
 ВегIла ванзаличивра
 Къачагъ севан акIубсив,
 бурая, нуша ургав
 Секъяйда ахъиубсив.
 Чи саял, чила саял
 Якъинбарес хIейруси,
 Узи-уршира балли
 Агарбарес хIядурси.
 ГIяйиб агартачира
 Зулмули сен челхъусил,
 Сай гIизраил хIейалра
 УрхIла жан сен айсутил.

* * *

ВаркъибхIели нешлара
 Ний хIярамхIедиубтив?
 АлкъухIели дудешли
 УрхIла хIили вахунсив?
 Кабуршули хIялалти
 Къукъуван къунзкавхъунси,
 ХIярамси мас-мулкличи
 АкIубхIейчивад гъаргъси.
 Илдигъунтас мутIигIдеш
 Дирув гъатIи гъабзали?
 Жан ахIерхIедарили

Дураулхъан гъазали.
 Къугъна биркъахъес гъаман
 ХIебалтни багъаб чули,
 Къурбандарахъес гIямру
 Балтутив саби чили?

* * *

Илгъуна гъабза сайри
 НурбяхIяндла МяхIяммад,
 УруххIейуб, хиххIейуб
 Чула чябхъиннизилад.
 ДяхIлизи тудяхъили
 УркIбази бариб дяхъи,
 Къачагъла хIярхIялара
 Буун чегибмад ахъри.
 ГIяшулла дяхI кавцили
 Нажас дяхI агарвариб,
 ХIеризурли гъалбецIван
 КIарза цали ламвариб.
 ВагIайс мардешла хъялис
 АхIер жан дариб дехIсур,
 Гуж ва зулму дяхIяэс
 Къаркъала урши аур.

* * *

Рисмарисуд Кумсият,
 Пергер гъабзала аба,
 АнцIкъили мавкъуд хIура
 Игит уршила ада.
 Даршлизилад ца хIейрар
 Урши хIушалагъуна,
 Гъав бедиб гIяламлисра
 Биркъахъес сунес дезна.
 Ахъдиахъуб гъунарли
 ХIурхъи, Кавказ, Россия,
 АлкIалли алкIаб гIурра
 Гъабза хIушалагъуна.
 Вари мадужудая
 Шинни шишимъулала,
 Гъаргдиублину хIушаб
 Шараб-шин умуснала.
 БегIти, ахъли саррая
 Байрахъван Чедибдешла,
 Даршдусмазибра кавлан
 Гъунар гIяхIна гъабзала.
 Ахиратлизи хIявкъес
 ГIямал агу чилалра,
 БекIаагардешлизи
 Арякъун МяхIяммадра.